



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.412/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.412/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.412/a




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.412/a

1.6.412







DE
VESUVIANO
INCENDIO
NUNTIVS.

Auctore
IVLIO CAESARE RECVPITO NEAPOLITANO
E SOCIETATE IESV.



NEAPOLI;
Ex Regia Typographia Egidij Longhi MDCXXXII.
SVPERIORVM PERMISSV.

DE
VSSVINO
INGENIO
NAVITIS

AVTO
INVO LARE ECHITIO
A QUATTA




1570
M. A. B. O. L. I.
M. A. B. O. L. I.
M. A. B. O. L. I.



EMINENTISSIMO,
AC REVERENDISSIMO DOMINO

Meo Colendissimo

D. FRANCISCO
S. R. E. CARDINALI
BARBERINO.



Vdet, Eminentissime
Cardinalis, opella
hæc sustinere maie-
statem aspectus tui:
atque inter excur-
siones flammarum
exarata cursim, per plures menses
à me tenebris, quibus eam perpe-

tuò

tuò destinaueram, inuoluta, lucem
tandem à claritate tui Nominis
mutuatur, quam à Vesuuij flam-
ma non hauserat. Leniet acerb-
tatem materiæ, libello præfixa
commemoratio benignitatis tuæ:
atque amarissimis deflenda lacry-
mis Apes tuæ gentilitiæ mellea
dulcedine aspergent. Etenim illud
inter tot infortunia fortunatissi-
mum contigit, quòd Vesuui-
na flamma, quæ, vt olim, toti
pæne Europæ vastitatem minita-
batur, Urbem planè non atti-
git. Urbem appello, quæ Orbis
terrarum caput, ac prope vna
Orbis est. Arsit hoc incendio Cam-
pania: cinis vltra Italiam auola-
uit: fudit vndequaq; Vesuuius
nubes flammeas, dum interim
Romæ, iuxta Amos vaticinium,
stillant montes dulcedinem, & col-
les fluunt lac, & mel. Agnosco
Apes

111
Apes Romanorum collum re-
gnatrices: agnosco in Aureis Api-
bus aureos mores tuos, auro in-
cendia nil formidante, &, si fla-
gret, exploratiore. Eadem erit, uti
spero, fortuna libello huic, au-
spice Te; qui ad maxima natus
minima non aspernabere. Nam
diuinum quoque Numen, cui So-
lis cælo lampas accenditur, ce-
reas aris faculas non dedignatur.

Eminentia^e Tuæ

Seruus humillimus

Julius Caesar Recupitus;

THE UNIVERSITY OF CHICAGO

examined zones:

IV
HIERONYMVS DE ALEXANDRO
E SOCIETATE IESV

Prouincialis in Prouincia Neapolitana.

CVM libellum de Vesuuiano Incendio
à Patre Iulio Casare Recupito Societa-
tis nostræ latinè conscriptum, tres
eiusdem Societatis Theologi, quibus id com-
missum fuit, recognouerint, & in lucem
edi posse probauerint: nos, potestate nobis
facta à Reuerendo admodum Patre nostro
Generali Mutio Vitellelco, facultatem, vt in
lucem edatur, concedimus: si ijs videbitur,
ad quos editio librorum spectat. Romæ die
10. Aprilis 1632.

Hieronimus de Alexandro.



DE INCENDIO
VESUVIANO
NUNTIVS.



INCENDIVM Vesuvianum
conscribere, eiusq; causas in-
quirere, consilium mihi est.
Anno à nostræ salutis exor-
dio c1010cxxx1. xvij. Kal.
Ianuarias, imminente hora
post Solis occasum decima
quarta, albescente iam die,
ne famosæ tragoediæ spectatores deessēt, cū vi-
ginti, & eo amplius terræmotus ea nocte præces-
sissent, prima quædam futuræ calamitatis veluti
tentamenta: mons Vesuvius duodecim à Chri-
sto nato, multò pluibus ab Orbe condito clarus
incendijs, ex eo latere, quo per subiectam plani-
tiem ad mare vergit, post bombi sonitum, quasi
dato signo, flammam eructare cœpit, & cinerem.
Cinis fumo, bitumine, aliave materia picea per-
mistus,

B

mistus,

*Plin. iunior
epist. lib 6. in
epist. ad Ta-
citum.*

*Xiphilinus è
Dione in Ti-
ro.*

mistus, iam in nubem concreuerat, quæ quò longius agebatur è monte, eò se latius porrigens, primò vt olim, teste iuniore Plinio, in pini similitudinem, tum in vastissimi effigiem montis excreuit, quà hiantis in voragines, quà in antra, & cauer-nas recedentis introrsum, & prærupta rupium ostentantis: vt mons montem peperisse videretur. Hic incredibili celeritate primam aeris regionem, nubesq; transuectus, Neapolim versus, urbem non procul à Vesuuio sitam, vento impellente, ferebatur. Cumque globi cinerei, alij ex alijs perpetuò erumperent: montes videbantur aggesti montibus; quasi, iuxta Poetarum fabulas (quod in alio eiusdem montis incendio sub Tito sulphicatos fuisse ethnicos, tradit Dio) gigantes noua in Iouem bella instaurarent. Emicabant identidem inter offusam caliginem fulgetra, lapidum ignitorum prænuncia; qui è fundo submissi iactabantur in altum, ingenti boatu tonitrus imitante. Montem diceres fulminare, tonare, miscere Campaniam, & non semel olim de cælo tactum fulmina in cælum retrudere. Interea vicina loca fumus obsedit, qui momento temporis Neapolim vsq; delatus, adulta iam die, ita lucem eripuit; vt vrbs in vrbe media quæreretur, hoc vno non iniucundus, quòd periculi prospectum adimeret. Oppidani Vesuuio propiores eò, vnde sonitus acciderat, animis, oculisq; conuersis, vt Montem latè flammis relucentem, cinereos inter flammæ vomentem turbines, fumoq; opplentem omnia, conspexere: inopinato malo perculsi, & iam sibi extrema imminere rati, desertis laribus, raptimq; aspor-

asportatis ijs, quæ cuique expeditiora casus obtulerat, se se in effusam fugam dedere. Diffugiebant hac, illac, inter agrestium turbam multi viri nobiles, semisopiti, seminudi, cum coniugibus, ac liberis, tanto impendentis mali pauore; vt à Sacerdotibus in itinere obuijs publicè noxarum solutionem exposcerent. Cardinalis Boncompagnus, Neapolitanus Archiepiscopus, qui tum fortè commorabatur Herculani, quò se paucis ante diebus ob cæli clementiam receperat, eamque noctem inter terræmotuum iactationes, ac strepitus planè insomnem traduxerat; animaduerso viciniore periculo ab igne, quàm quod sibi à terra metuerat, pedes proripuit se ad littus, mox equo, dein scapha exceptus, qua celerrimè Neapolim appellens, ciues aspectu montis iam territos, illico ad preces, ac vota conuertit. Princeps Castilionis Gonzaga, hospes apud Casertæ Principem in pago, quem Porticus appellant, paganorum trepidatione comperta, ex diuturna febre adhuc æger valentissimè fugam arripuit, quandoque ingenti metu vires addente, quas leuior solet infringere. Erat hic in Siciliam nauigaturus ad abducendam coniugem, Kattolicæ Principis filiam, nisi morbus importunè detinuisset. sed, nondum transmissio freto, Aetnam in Vesuuio reperit, faces maritales ea flamma commutaturus; nisi se opportunè discrimini subduxisset. Hunc mox secutus est Casertæ Princeps Aquaiuia, qui suorum vociferationibus excitatus, cùm muliebrem metum suspicaretur, monitus vt aspiceret, decerneretq; oblato per fenestram Montis aspectu, ad

B 2 quem

quem expalluisset audacia, expiari se velle in-
clamavit. Quod ut à Sacerdote, qui tum fortè ade-
rat, ritè, raptimque præstitum est; ipse cum cete-
ris Neapolim versus contendit. Visebantur re-
fertæ fugientibus viæ, quasi hostis vrgeret à ter-
go: & miserabilis turba mulierum, infantibus
appressis ad vbera, gradum celerare conantium,
omnia luctu, ac terrore complebat. Hæc tum
rerum facies inter initia surgentis incēdij: hic, ve-
luti amoto sipario, primus fuit scenæ conspectus,
mox daturæ tragoediam nobis, ac posteris lacry-
mabilem. quæ quasi quinque conclusa actibus,
inter damna innumerabilia, quinque terrores ex-
hibuit.

Primus terror, terræmotus. Præluferat futuræ
cladi paucis ante diebus cœca quædam montis
obmurmuratio; quæ à nonnullis nocturno silen-
tio animadversa, nec vulgata, metu vel dissimu-
lato, vel spreto. Tum nocte, quæ incendium præ-
gressa est, terræmotus identidē auditi, sed tenues,
quasi leues quædam velitationes ante prælium.
Demum, erumpente flamma, ingens fragor è ca-
cumine montis acceptus. quem, tanquam tubæ
clangor pugnam prænucciaffet, terræmotus ex-
cepere adeo crebri; ut non multi, sed vnus per
dies multos, continenti ductus halitu videretur.
Nutare perpetuò solum, sæpissimè succussari, fre-
quenter etiam subsultare: idque ea, quæ secuta
est, nocte circa primam horam, & quintam; postri-
die circa decimam septimam tantò impetu, ut
Vrbem suis diuellendam sedibus putaremus: ne-
que moueri tecta, sed euerti. Nemo certè fuit
pe-

5
pectoris adeo faxei, quin faxis, terraque tremen-
tibus contremuerit. Repente mutata facies vr-
bis: & iam, silente forensi strepitu, exaudieban-
tur clamores veniam, ac misericordiam depo-
scentium. Conuolauere pæne omnes ad eluen-
das confessione labes: neque solum confertissima
fuere templa, sed in foro etiam sacerdotes peten-
tibus aures dedere. Extortæ sunt eo metu con-
fessiones criminum, quæ longo, aut etiam toto
vitæ decursu pudor impudentissimus obstinato
silentio texerat. Vetustissimæ inimicitiae depo-
sitæ: nefariæ amicitiae resectæ: concubinæ aut
desertæ, aut in coniuges commutatæ. Profectò
nullus maior terror mortalibus, quàm è terræ
concussione: dum ab ea ingruit bellum, quæ nos,
vt communis parens, excipere solet, atque alere.
Vnicum in ceteris malis præstat illa perflugium.
si fulserit, si tonuerit, si fuerit quidpiam tactum,
de cælo; præbent valles, & antra securitatem. si
venti, si pluuia, si grando furat; aeris iniurias te-
cta defendunt. si flumina exundent; tuta est in-
sicco salus. si mare desauiat; ad littora, portusque
confugitur. at, dum terra concutitur, quæ cetera
sustinet; ipse ruinam minari videtur Orbis terra-
rum; &, quasi fundamento lapso, cuncta corrue-
re. Admonemur etiam, nihil hic fixum, ac stabile
reperiri: quando nutant immobilia, atque illud
ipsum experimur instabile esse, in quo stamus. Pe-
riculo tamen huic minus patent campi patentes,
ac liberi, quàm consitæ tectis vrbes. nam qui de-
gunt in campis, quamuis terra fluctuet; nisi dehi-
scat, liberi sunt ab omni perniciæ. in vrbibus verò
tecta

tecta ruentia habitatores vnà præcipientes trahunt;
 & subeuntes ruinis opprimunt. Itaque, vt ad insti-
 tutam narrationem redeam, cùm, exacto iam die,
 aduecta nox planè illunis metum solito spissiori-
 bus tenebris geminasset: commigrare plerique
 ad apertam planitiem, quæ Neapoli latè fundi-
 tur circa suburbia; atque vrbs in solitudinem,
 campi in urbem transiere. Deserebantur alta pa-
 latia serico, aulæisque constrata. non hyemis aspe-
 ritas, non noctis inclementia; non venti, non
 pruina, non niues, non halitus aeris è vicina con-
 flagratione grauior timebatur. victa hæc omnia
 metu maiore. Erecta per campos viris primarijs
 tentoria, quasi aduersus naturæ bella castrameta-
 tis. multi etiam, rhedis per campos, atque hyppo-
 dromos dispositis, sternebantur, vehiculis itine-
 rum in quietis domicilia commutatis. Quam-
 quam quæ quies mortalibus esse poterat, cùm
 quietem tellus ipsa dediceret? Quotus enim
 quisque fuit, qui noctes illas non planè vigiles
 duxerit, strepitu excutiente soporem, & timore,
 quasi tortore, vigilias imperante ad supplicium?
 Quòd, si quando somnus fessis obreperet; mox
 territi excitabantur, inter somnia vanis ludente
 imaginibus, atq; animis obstrepente metu. Pleriq;
 ad templa confugere quasi, diuina insectante ius-
 titia, ad commune asylum reorum: rati aduersus
 naturæ insultus non alibi se præsidium habitu-
 ros, quàm apud conditorem, & moderatorem,
 naturæ: nacti apud aras perfugium, si euasissent;
 tumulum, si cecidissent. Ex hac tamen peste dam-
 ni minus illatum est, quàm terroris. Per duos dies
 terræ

terræ trepidatio perpetua, succussus frequentissi-
 mi: quinque diebus consequentibus terræmotus
 per intervalla rariores: tandem iactatio resedit:
 nulla Neapoli domus corruit: multæ concussæ,
 laxatis compagibus, rimas egere. Herculani, ne-
 quid ibi ad cladem deesset, palatium Neapolita-
 ni Archiepiscopi terræmotu aliqua ex parte col-
 lapsum est. Tanti stetit terror septem dierum:
 & tam ingens terræmotuum vis tam parua clade
 detonuit. Equidem crediderim hanc terræ, quam
 experti sumus, iactationem non eidem causæ
 adscribi debere, cui ceteri terræmotus. Eduntur
 fere hi à spiritibus calidis intra terræ cauernas
 occlusis, atque exitum molientibus, nempe indi-
 gnatis, quadam se ignis cognatione ad celsiora
 loca natos, infernè quasi carcere detineri; ideoq;
 vnà impetu facto, tentantibus claustra perfringe-
 re, atque euadere ad superna. Quamobrem à spi-
 ritu, qui extra fluit, venti; ab eo, qui intra, terræ-
 motus proficiscuntur. Quod testatus est Aristo-
 teles, cum dixit, *causam terræmotus esse spiritum,*
cum intro fluxerit. Longè aliter hic dicendum:
 neque hæc terræ concussio spiritibus delitescen-
 tibus, sed flammis prodeuntibus tribuenda. Nam,
 quemadmodum in tormentorū explosione, ignis
 exiliens ex angusto, tanta vi aerem elidit; vt tor-
 mentum ipsum aneum sponte resiliat, & vicinæ
 intremant domus: ita ex angusto montis hiatu
 perrumpentibus flammis, atq; ingentis magnitu-
 dinis lapidibus magno impetu, quasi è tormento
 pilis explosis, tum monti circumfusus aer, tū eiuf-
 dē cauernis infusus magno impetu collidebatur.

*Arist. lib. 2.
 meteor. c. 2.*

Con-

Concussio monte, adnexa planities, vt loquuntur Philosophi, *per consensum* contremuit, catenata quadam partium inter sese inhærentium serie, nexuque. Eius rei argumento est, quòd vicina iactabantur, remotiora erant immunia: & quòd longius ferebatur à monte; eò terræmotus tenuior, donec sensim euanesceret. Huc accedit, quòd initio fenestræ per totam urbem, valuæq; sponte sua, quatiebantur, dum neq; terræ ullus motus, neq; ventorum vis vlla appareret, tanto insolentis terrore spectaculi; vt iam terræmotus esset in votis. Id verò referri non potest, nisi in aerem concitum impetu, iactuq; volitantium saxorum. Resonabant etiam non rarò ingentes bombi, explosioni tormentorum simillimi, quos mox terræmotus validissimi consequebantur: vt hinc facilè appareat viciniora contremuisse, dum Vesuuus vi latentium flammaram ex angusto foramine faxeas pilas extruderet; atque inusitato naturæ miraculo in bombardæ locum mons cederet. Illud etiam animaduersione dignum, *terramotus*, teste Aristotele, *plurimos, & maximos tranquillitate fieri*, feriantibus ventis, ac silente cælo, nempe spiritibus intra terræ viscera digladiantibus. Hi verò *terramotus plurimi, & maximi* contigere, ventis flantibus: quia scilicet non à spiritibus ortum duxerant intra terram luctantibus, sed ab iisdem sese foras ex arcto efferentibus; cùm faucium angustia impetum morarentur. Quamobrem intra paucos dies disrupto monte, & laxata voragine, cuius nunc diameter ad mille fere passus protenditur, liberiore flammis exitu patefacto, terræmotus

*Arist. lib. 2.
meteor. c. 2.*

9
motus conquievere . vnde etiam licet conijcere,
Vesuvianum incendium maximo Dei beneficio
esse adscribendum . siquidem terramotus , con-
flagrationum comites,leuiorese esse solent,& citra
ingentemruinam . Nulla in maximo illo Vesuij
incendio sub Tito ex terramotu iactura : adeo vt
senior Plinius, teste iuniore, nutantibus tectis, altè,
& securè dormierit, halitu postea igneo suffocatus
in littore . Sub Nerone verò, vt refert in libello de
terramotu Seneca, ob terramotus, qui absque vl-
la conflagratione contigere Vesuuiio, magna Her-
culani pars, & Pompeij integri absorpti . Quare, si
pæne immensa spirituum , & materiæ bituminatæ
copia, quæ iam perpetuò in cineres , & fumum
egeritur, subterraneis constricta specubus, obstru-
ctos aditus reperisset: facilè, quasi per latentes cu-
niculos accenso puluere tormentario , oram om-
nem Vesuuiio finitimam, ipsamque Neapolim sub-
ruisset . Ita Urbis regiæ incolumitas vnus Montis
ruina , & multorum oppidorum impendio coem-
pta est . Hæc de terramotu, qui Vesuvianæ flam-
mæ comes , & primus vicinarum urbium terror
fuit .

*Plin. Iunior
lib 6. epist.*

*Seneca in lib.
de terramo.*

Secundus terror, pluuiæ cinerum . Nam nubes
illa, quæ, vt paulo ante diximus, è Vesuij fastigio
inter incendij primordia se in similitudinem mon-
tis erexerat, pæne momento temporis ventorum
impulsu delata Neapolim, mox desedit in cine-
rem . qui interdium minutissimus , noctis accessu
spissior, grauiorque decidit , frigore constipante
partes terreas, easque ab igneis excernente . Po-
stridie mane, vt illuxit, apparuere omnia consper-

C

fa

sa cinere, tecta, solaria, viæ. Crederes Urbem soluto in cineres Vesuuiio tumulum condidisse. Quamquam non Vrbs vna, sed Orbis ipse terrarum augustiorem Vesuuiano cineri parabat urnam. Pæne fidem excedit, quod dicam: sed, qui veteres leget annales, multò etiam maiora reperiet. Eodem die, quo Mons primùm ardere visus, per plerasque Neapolitani regni vrbes cinis depluit, Beneuenti, Baroli, Barij, Tarenti, Lupijs: quò nubes cinerea, vicesima secunda eiusdem diei hora, peruenerat, octo dierum itinere totidem horis confecto. Nubes alia expeditior, ventis ferentibus, in Dalmatiam transiit, igneum globum, quasi facem præferens, inter eam, quam vehebat, noctem ferali luce internitente, quæ periculum ostentaret. Ignis aspectum secutus est cinis, qui per diem integrum pluit Ascriuij. Neque immunia fuere maria. Cinis excussus è nube, Aegrum prope texit, horrendo spectaculo fluctu inter cineres canescente. Nauibus incidens, à nautis exceptus, atque inter merces asseruatus, circumlatusque ostenti loco. Ex altera verò parte, quæ meridiem spectat, cinerem aduectum nouimus in Lucaniam, atque Stilum, extremæ Calabriae oppidum, facilè hinc, traiecto mari, in Africam transfretaturum. Ridebunt profectò hæc posterì, quæ nos flenda conspiciamus; vicemque nobis rependent, qui Vesuuianum cinerem pluuisse Bizantijs, quod Procopius, & alij referunt; transuolasse in Africam, quod tradit Dio; totâ Europæ faciem contexisse, quod refert in Chronico Marcellinus; denique testimonio agnitum Vniuersitatis, vt loquitur in epistolis Cassiodorus, nunc-

*Procop. lib. 2.
de bello Gothic.
Dio in Tito
Marcell. in
Chron.
Cassiod. var.
epist. 50.*

merabamus inter splendidiora mendacia . Nimirum hac postrema conflagratione vidimus per triginta fere dies perpetuò cinerem è Montis faucibus inhalari compactum in nubes , quas ventis quotidie diuersis commissas, in omnes Orbis terrarum partes immigrasse credimus, quasi eas quòuis destinante Vesuuio , nuncias incendij , testes fortunæ suæ . Has tandem vento senescente destitutas , ac per dissitas Mundi plagas iam solutas in cinerem , propediem nuncios expectamus : vt non immeritò dixerim , Vesuuiano cineri urnam esse Orbem terrarum . Quantos verò in ijs vrbi-
bus, vnde litteras iam accepimus, prodigiosa ea pluuiam motus animorum exciuerit , nemo facile poterit aut cogitatione assequi , aut narratione complecti . Lupijs, duabus ante Solis occasum, horis, offusa nox visa est solito celerius maturasse . Subducta repente lux *nocturnis in die tenebris* , vt accidisse olim in eiusdem montis incendio , Marcellinus tradit. Cinis mox decidens, tactu potius, quàm visu deprehensus . Sanè maior ex insperato metus . Nihil ciues de Vesuij conflagratione audierant: nihil omnino suspicabantur . Obstupuere primùm: tum, admiratione in metum versa , obri-
guere omnium animi: non quidem , vt olim apud ethnicos contigisse refert Dìo , arbitrati omnia in fabulosum Chaos reditura, sed igneum diluuium, elementa soluturum in cineres , & Mundo iam adesse supremum diem. Itaque hac, illac lymphati, & vix mentis compotes ferebantur . Vt verò ex inopinato metu spiritum collegerunt, ad flagitandam à Deo misericordiam, ac veniam, omnium

Marcell. in
Chron.

Dio in Tito :

Dio in Tito .

curæ, & cogitationes conuersæ. Itur è vestigio ad preces, ad supplicationes, ad vota. Interea nubes illa cinerea ita prospectum oculorum abstulerat; vt, dum sacras per urbem imagines circumferrent, comes comitem non videret. Quod No-
læ etiam, & alibi euenisse traditur, priscis Aegypti tenebris denuo redditis, quando denuo in multis mortalium cor veluti Pharaonis obduruit. Idem planè in incendio sub Tito contigisse narrat Dio. qui *occultatus*, inquit, *Sol nō aliter, quàm si defecisset*. Cinis Lupijs vsque ad quintam noctis horam pluuius tecta, viaeque omnes oppleuit. Par Bario terror illatus, quò, quamuis ea vrbs multò propius à Vesuuio distet, quàm Lupiæ; cinis multò serius inuectus est, nimirum circa secundam noctis horam. Quid noctu non potuit caligo illa fœdissima, quæ noctem obtruserat in diem? Nempe ad tæterrimæ nubis aspectum tenebræ visæ exhorrescere, & nox ipsa noctescere. Secuta monstra multò maiora. Pluit primò cinere, tum arena, postremò fuligine. Nox precationibus, ac votis exacta, nocturno tumultu veros, vanosque aggerante metus. Illucescente die apparuere campi latè nigrantes, & quasi pulla veste contecti, Vesuuio quodammodo parentaturi. Ferunt, cùm omnes ad D. Nicolai confugerent, Sacerdotem quendam, accepta crystallina phiala, in qua manna è sacris Nicolai ossibus fluens asseruabatur, eo aerem aspersisse, cui cinereus turbo insidebat: hunc disiectum mox aliò aduolasse. Scilicet eius liquorem, cuius patrocini-
o, vt canit Ecclesia, *à Gehennæ incendijs libera-*
mur, tartareus cinis ferre non potuit. Baroli aliud
quid-

quidpiam admirabilius contigisse traditur. Nam, cum ciues in eodem metu, ac periculo versarentur, & sacram Eucharistiam per plateas christiano ritu circumgestarent; scribunt viri fide digni, ad salutaris hostiæ aspectum nubem luctificam refugisse: columbam præterea cuidam visam neque turba, neque clamoribus territam, ante sacra mysteria leuiter volitasse, ijsque in templum illatis, præ foribus constitisse, omen felicitatis. Certè, quas memorauimus vrbes, eæ leue hætenus à portentosa pluuia detrimentum cepere. timetur quidem campis, timetur frugibus, timetur segeti. Non defuere tamen loca, quibus cinis damnum, creauit timore maius. Nolæ cinis tectis insidens, tanto oneri fuit; vt lacunaria decubuerint, & multæ domus, parietibus hinc inde stantibus, cælo pateant, detecto vertice. Erat quippe cinis ille grauiissimus, tantique ponderis, vt in cinere Montem agnosceres. Vidi ego è diuersis Apuliæ locis huc ad nos missum, quasi ad inspectandum prodigium. vbique pluerat onerosus, nempe lapidum flammis absumptorum reliquiæ, spissus, subnigri coloris, illique simillimus, quo Christianorum capita rite conspergi solent, Sacerdote infusurrante, *Memento homo, quia puluis es*: vt, quando ad hominum voces obsurdescimus, montes ipsi diuino nutu vocales fiant, sparsoque cinere nostræ nos mortalitatis admoneant. Nuntiatum est etiam ex agro Melphitano pluuisse ferro, ferreum testante seculū: pluuisse etiam chalybe. Certè cinis inde huc remissus, partes aliquas præferebat internitētes, & chalybi simile s. Enimuero armatus è cælo cadebat imber,

imber, quasi cum hostibus dimicaturus, chalybe, ac ferro bellum ferentibus, cinere funerum nuntio. Longè dispar eius cineris conditio, quem primo incendij die Neapoli pluuisse diximus. hic enim, ut animaduernerunt non pauci, continebat probatissimi argenti non parum, quasi cælo argenteus imber efflueret, Ianuario Martyre metus, ac terrores populorum in auspicium nobis vertente felicitatis.

Tertius terror fuit, pluuia lapidum. Lapidatum enim de cælo in modum creberrimæ grandinis non solum Nolæ & in oppidis Vesuuio vicinioribus; sed etiam, quod magis mirere, in agro Melphitano. qui quidem quasi in umbilico Apuliæ situs, distat ferè centum millibus passuum à Vesuuio. unde lapides exerti tanta copia, ut imbrem saxeum efficerent; tanta vi, ut procul etiam naturalis obliti ponderis auolarent. oppressere animantia sub dio reperta: protriungere portas: per rupere muros: perfregere tecta; ut profectò lapidibus vi flammaram iactatis, quasi tormentarijs pilis immixtis, Mons vnus vrbes plurimas quateret, ac bello petere videretur. Neque tantum pumicibus pluit, aduersus quos olim, quia magno impetu concidebant, Plinius auunculus, ut nepos refert, capiti cervical imposuit; sed saxi etiam magnitudine planè immanibus. quorū vnum ferunt tantæ repertum molis, ut decem boum paria vix, aut ne vix quidem dimouere loco potuissent. Diceret non lapidem pluuisse, sed rupē. Fides esto penes auctores. Consonant tamen his ea, quæ refert Dio, dum dicit, ex hoc monte *immensos lapides exilisse*.

Con-

*Plin. in epist.
loc. cit.*

Dio in Tito.

Concinnius rem eandem explicat Cassiodorus, *Cassiod. lib*
 qui de Vesuuiio loquens, *Longe, inquit, latèq; pul-*
ueres rotat: vicinis autem quasdam moles eructat. *var. epist. 60*

Quis credat tam ingentes glebas usque in plana dedu-
ctas de tam profundis hiatibus ebullisse; & spiritu
quodam efflante, montis ore consputas, quasi leues pa-
leas, esse proiectas? Haecenus Cassiodorus. Neque *Marcellin. in*
 inconsultò Marcellinus addit, eundem Vesuuium *Chron.*
exusta viscera euomere. Quippe non desunt testes
 oculati quamplurimi, qui montem viderunt lapi-
 des ignitos eiaculantem. Hi, quocumque inci-
 dissent, ceteras inter clades noua miscebant in-
 cendia: atque oblucentes arbores, Vesuuij dorso
 imminentes, tum mole, tum flamina euulsas, atq;
 incensas, propellebant ad maria. Littora ego ipse
 vidi pluribus in locis fumantia, ingentes truncos,
 ac ramos adhuc depascente flamma. Sunt, qui
 testantur, lapides in altum iactos quandoque in
 easdem montis fauces, vnde prodierant, deciden-
 tes occurrisse alijs eodem impetu subsilientibus
 tanta inter se collisione, ac fragore; vt inde mugi-
 tus ille contingeret, quo identidem vicina omnia
 personabant. Vicina, dixi: addiderim etiam, remo-
 tiora; si res, quam in superiori æuo absque exem-
 plo reperio, repertura sit apud posteros fidem.
 Dicam tamen id, quod ideo solùm euenire po-
 tuisse credo, quia scio euenisse. Teate, & Adriæ
 in Samnio, Baroli, & Siponti in Apulia, Recineti
 in Piceno, Perusij in Hetruria, & vt postremi nun-
 cij referunt, Ascriuij in Dalmatia, auditus est Ve-
 suuij bombus adeo terrificus; vt Teatini è proxi-
 mo monte Nicate (Maiellam vulgus indigitat)
 eius-

Procop. lib. 2.
de bell. Goth.

Xiphil. in Se-
nero.

eiufmodi fremitum accipi exiftimarent. Barolita-
ni verò fedentes ad maris littora, fimilitudine foni
decepti, qui à tormentis æneis in pilarum iactu
reddi folet, arbitrarentur aut nauali bello duas in-
ter fe classes in alto decernere, aut, quia è conti-
nenti fonus accidere videbatur, urbem aliquam
ex improuifo obfeffam, tormentis peti. Dalmatæ
etiam, præmiſſis exploratoribus, inſtruxere aciem,
ac ſtrenuè comparauere ſe ad prælium. Alibi
quoque ad arma conclamatum ab ignaris, cum
monte eſſe bellandum. Huius rei teſtes habemus,
quotquot eæ urbes incolas habent. Olim *emugijt*
Vefuuius, vt teſtatur Procopius, & *proximos acco-*
las ingenti formidine affecit. Aliquando eiufdem
tantos mugitus extitiſſe, vt Capuam uſque audiren-
tur urbem, quæ à Vefuuiio quindecim milliaribus
diſtat, pænè miraculo vertit Xiphilinus. Vefuuij
fonus nunc ad trecenta milliaria auditus: dum ijs,
qui propius aberant, non tam ſtrepere, quàm ob-
murmurare Mons, & quaſi muſſare videretur.
Sanè, quòd fragor is exaudiri potuerit in Apulia,
ac Dalmatia, expeditior eſt ratio: quia venti eò è
Vefuuiio flantes, vnà cum nubibus cinereis con-
uexere ſonum. nam rectà per aerem multò minus
ſpatium intercipitur, quàm per ſola terrarum; vbi
iter agentes, viarum anfractibus circumducuntur.
Non eadem ratio eſt de Samnio, & Piceno: quòd,
ſi venti è Vefuuiio mouiſſent; vnà cum fremitu ci-
nerem importaffent, quod minimè eueniſſe com-
pertum eſt. An, dum prope Vefuuium Apenninus
in Samnium, ac Picenum continenti tractu mon-
tium ducitur, per latentes cauernas, & ſpecus altè
de-

defossas, sibi inuicem responsantes ita fragor est ductus; ut mons monti sonum, numerosiore percussu, Echo cōgeminante, redderet? An, quod vero videtur similis, immensa igneorum spirituum copia, quæ in Vesuij visceribus rixabatur, aliqua sui parte per occultos terræ meatus ad Sānij, Picenique montes traducta, ibidem eodem tempore tumultuata, strepitum edidit Vesuuiano similem? An denique Mons tonitru sonare potuit, qui rupibus pluerat? Certè, vndecunque id contigerit, res fuit admiratione dignissima: tantumq; sonum inter naturæ miracula recensendum, fama in æternitatem protendet. Hæc occasione soni, quo Mons immugijt in illa ingentium lapidum eruptione: quæ tertia lues, ac terror fuit in incendio Vesuuiano.

Quarta lues, ac terror, torrens igneus. Portentum narro, cui fidem faciunt populorum clades, oppidorum ruinæ, camporum vastitas. Die Mercurij, qui ab ortu incendij alter illuxit, multis mortalium, totique fere Campaniæ feralis, nobis, ac posteris luctuosus, cū cinerum, pumicumq; repetita pluuia, & crebri terræ motus terrorem ipsamet multitudine minuissent, multisq; assuetudo pæne securitatem fecisset: non pauci oppidanorum, quibus pecunia potior, quàm salus fuit, domos ad bona vel tuenda, vel recuperanda, redire. Percrebuerat rumor, nec sine suspitione veri, fures eò aduolasse, vnde coloni decesserant, opportunitatem nactos furandi, non cinerum, non lapidum, non flammæ vicinò periculo territos: à quorum vnguibus magis, quàm à Vesuij faucibus

D

bus

bus bonorum depopulatio timebatur. Multi præterea, cùm in extremo discrimine quisq; sibi prospiceret, in illo æstu se à coniugibus, ac liberis querebantur auulsos; ad quos quærendos amor extimulabat, subituros eandem fortunam, & commune periculum. Non pauci destituerant parentes, quibus ætate confectis animus, aut pes ad fugam defuerat: eoque pietas reuocabat, vnde metus deduxerat. Alios cura Larium, & ipse nescio qua perfusus dulcedine patrij cæli halitus alliciebat; cùm vel inter calamitates, & clades dulcis Ithaca sit cuique sua. Multos fames adigebat flamma, vicinior, & durum telum, necessitas. etenim per campos vagabantur palabundi, & extorres, custobus ad Neapolitanæ vrbis portas dispositis, ne tanta multitudine agrestium introducta (plusquam decem millia ferebantur) annonæ charitas, & fames ciuibus importaretur. Quod postea decretum meliore consilio mutatum est: dum plus ciuium ex vrbe terræmotuum metus deduceret, quàm eò aduenarum adduceret Montis æstus. Ergo, dum ab ijs, qui aditu prohibiti fuerant, alijsque non paucis, vt diximus, deserta oppida repetuntur; & iam quisque domi sedet vicini spectator incendij, formidine pæne in voluptatem conuersa: ecce tibi subito sub meridiem inter fumeos turbines cæca nox; quasi recedente Sole ne Mundi oculus aspicere cogeretur tot funera. mox lucem ferens, quæ tenebras horrore vicit (incredibile dicta) torrens igneus è vertice Montis exiliit, qui bitumine, sulphure, cinere illitus per cliuum se summo impetu, parique fragore deiiciens, in plani-

ni-

nitium coepit excurrere. Hic hæret calamus, hor-
retque vel ipsam tantæ calamitatis memoriam. Recrudescit exulceratus ea commemoratione
dolor: & iam libet magis flere, quàm scribere. Certè eo ipso die, effusa post ignes pluuiæ, visum
est ipsummet cælum nostris cladibus illacrymasse. Itaque cùm largissimè ignis deflueret, atque hor-
rendo sibilo, quam meditabatur perniciem, mini-
taretur: oppidani vndique flammis obsepti, sera
intempestiui reditus pœnitentia, quæ loca pete-
rent, quæ vitarent incerti, hædere, trepidare, om-
nia luctu, & clamore miscere. Exaudiebantur ei-
latus mulierum, fletus infantium, vociferationes
virorum: & cuncta sono incondito, ac lamentabi-
li personabant; qualis esse solet in vrbe capta,
dum hostis ferro, flammaque grassatur. Multis ti-
mor consilium, ac vires excusserat, animis, pedi-
busque labantibus, inhibente metu fugam, quam
solet imperare. Iam pallor ori suffusus mortem
præuerterat: nec defuere fortasse, quibus, obrige-
scente sanguine, metus ipse spiritum hausit, quem
mox flamma poscebat. Multi tamen collegere
se se ad fugam. sed profecto parua sæpe mora
magna rerum momenta intercidunt. Nam dum
pars carioribus mercibus, pars coniugibus, ac li-
beris prospicit, pars opperitur inualidos, pars con-
tendit euadere, pars cunctatur, pars festinat: in-
mutuam perniciem implicati, alij vix adornata fu-
ga, alij tentata, inter fugiendum oppressi. Anteitum
remedijs pernicitate mali. Quippe torrens igneus,
antequam è Monte deuolueretur ad campos, in-
plures veluti riuos, ac ramos quadam fluminis si-

militudine deriuatus, septem, vt ferunt, aliò, atque
 aliò flammaram fecit diuortia: vt scilicet vnde-
 quaque simul plures opprimeret, neque vllus fu-
 gæ locus daretur. Vnus ignei fluuij riuus in pa-
 gum effusus, qui tergo Montis impositus à S.
 Georgio nomen accepit; pagum, paganos, pecora,
 tuguria, tecta, contignationes, supellectilem, vno
 verbo, omnia exhausit. Duo in obscuri oppiduli
 ruina luce digna reperiò, quæ à Ferdinādo Capi-
 cio viro & genere, & legum peritia nobili cōperta
 sunt: cuius ibidem prædium satis amplum con-
 spiciebatur, & villa turrata. Vnum est, quòd cum
 eò is inspecturus bonorum suorum reliquias, ad-
 uolasset; cinerem reperit in tantam altitudinem
 excreuisse, vt ad centum fere palmos assurgere,
 crederetur, longè supra turrin elatus, quæ ad
 quinquaginta palmos excitata, culmen cineri sup-
 ponebat. Alterum præterea memoratu dignum
 oculatus testis narrabat, visos inter cinerem san-
 guinis riuos decurrere: humum, vbi cumque de-
 foderetur, elicere sanguinem; qui largè manarat
 ex animantibus inter tectorum ruinas, & saxorum
 fragmina obtritis. quasi flamma ipsa defauiret in
 vulnera, ne cruore tanta clades vacaret. Alter
 ignei fluuius riuus (riuum appello: mare igneum,
 vt narrant superstites, ab inspectantibus putaba-
 tur; quasi ipsum ignis elementum suis delapsum
 sedibus exundasset) Herculānum ad radices Ve-
 suuij collocatum maiori clade defluxit. Erat hoc
 oppidum ob cæli temperiem antiquissimis quoq;
 medicis exploratissimam, adeo celebre; vt in eo ad
 decem millia capitum recenserentur. Amplæ do-
 mus,

*Galen. lib. 5.
 meth. 6. 12.*

mus, turrita culmina, augusta templa, vno prope
temporis momento partim flammis absumpta,
partim cineribus consepulta. Iacent nunc om-
nia ne seruato quidem vestigio prioris fortunæ: so-
loque cinereo æquabiliter superfuso, vix à gnaris
locum digito commonstrantibus dici potest, Hic
Herculanum fuit. Oppressi multi oppidanorum
vnà cum domicilijs in sepulcra conuersis, hoc vno
fortunati, quòd natalis soli ruinas non viderint;
idemq; supremus fuerit & ciuibus, & patriæ dies.
Herculano euerso, latius peruagata calamitas ad-
iunxit Pompeios. quod oppidum pariter, eò deri-
uatis, alio furculo flammis, deletum est: vt, quando
Herculanum, & Pompeij, vetustissimi vici Parthe-
nopæi crateris, eandem semper subiere fortunam,
sub Nerone eodem terræmotu diruti, sub Tito eo-
dem incendio deuastati, pari eiusdem conditoris
gloria nobiles; nunc etiam communione cladis
in eundem pane rogi impositi, pari fato, pari
flamma decumberent, excitandi fortasse postero-
rum beneficio ex hoc cinere, atque ex hac ipsa,
pyra viuacius reuicturi. Multa in hac duarum,
prope dixerim, vrbium euerfione contigere di-
gnissima, quæ posteritati transmittant historici, de-
flenda lacrymis Orbis terrarum. Ego, ijs consul-
tò præteritis, in hoc destinato ad absentes nuntio
communem dolorem leniendum censeo fausta,
commemoratione diuinæ beneuolentiæ, quæ in
pueri cuiusdam incolumitate inter tot clades elu-
xit. Rem ita subijcio, vt mihi spectatissimæ fidei
Sacerdos narrauit ex eorum familia, qui piè se
ægrotorum seruitio deuouerunt, ab oculatis testi-
bus

*Seneca in lib.
de terremotu.*

*Dio in Tito
Pompeij à
pompa dicti,
qua Hercu-
les, deuicto
Geryone, vac-
cas egit. Soli-
mus lib. 8.*

bus veritatem diligentissimè perscrutatus. Hercu-
lani mulier, Camilla nomine, cùm inter fugam ad-
uentantes flammās vidisset, atque effugia inter-
clusa; consilium ab ea cepit, quæ rebus extremis
spem facit, desperatio. Saltu è rupe se proiecit ad
littus: & nepotem quinquennem, Iosephum no-
mine, in ipsis planè mortis faucibus coacta relin-
quere, elatis ad cælum oculis, Sancte, inquit, Io-
seph tibi commendo Iosephulum. Nec plura. Mox
tota in fugam incubuit, quamcelerrimè littus le-
gens, timore pedibus alas addente, atque arenis
vix hærente vestigio. Vt periculum euasit; subiit
iam sui securam prima cura puerulus; quem, quo-
niam rebatur iam mortuum, flebat primo ætatis
flore demessum, & vsura lucis defunctum, quam
vix libauerat. Inter eiulatus, ac fletus, cùm deue-
nisset ad pontem, sub quo inter ingentes fornices
tenui Sebethus amne delabitur, nomine compul-
sari se sensit. eò conuersa, vnde notæ sonum vo-
cis acceperat, Iosephum videt suum, eumque s. s-
pitem, ac subridentem. Hæsit primò prope sa-
xea præ stupore: tum, recepto spiritu, percontatur,
Quis eò tam multis ereptum periculis duxisset;
respondit alacriter puerulus: Sanctus Ioseph ma-
nu prehesum per flammās medias huc ocysimè
me duxit incolumem: vbi iam diu te moror. Mu-
lier puerum amplexata, moerorem in gaudium,
eiulatus in diuinas laudes, fletum acerbissimum in
lætitiæ lacrymas commutauit, altero felicius fon-
te deductas. Hæc è diuina pietate solatia reliquijs
excidij Herculani. è quibus vnus pueri miraculo
quæsitæ salus inter multorum cædes clarior; dum

Pom-

Pompeijs vnus feminæ mors in communi salute
 miserabilior . Nam , quamuis tectis prope omni-
 bus dirutis , Herculaneum, Pompeiosque peruase-
 rit calamitas pæne par; fui tamen incolarum cõ-
 ditio longè dispar. Herculani, vt dictum est, mul-
 ti mortalium absumpti: Pompeijs præter mulier-
 culam extinctus nemo. Neque id vacasse mira-
 culo dicitur . quippe cum primùm ignis micare
 cœpit è monte, plerosque Pompeianorum tantus
 inuasit timor; vt illico fugam capeffentes, nunquã
 postea, laxato timori sedando spatio, ad sua tuen-
 da redire, in animum induxerint, tacito quodam
 horrore cohibiti. Pauci quidam ex aduerso in suis
 ædibus perstiterunt instinctu nescio quo inter cõ-
 munem trepidationem, ac fugam, quasi fide à flã-
 mis accepta, soluti metu, curisq; . Etenim vtriusq;
 partis consilium, eorum, tum qui fugerant, tum qui
 manserant, probauit euentus . Ignis tranuersim
 actus, domos eorum, qui aberant, vacuas depopu-
 latus: à paucis eorum tectis, qui aderant, prorsus
 abstinuit, vnico capite, eoque iam pridem morti
 debito contentus, anicula . Hoc à clarissimo te-
 ste, oppidi eiusdem Domino compertum, Virginis
 patrocinio iure adscribitur: cuius, vt vocant, An-
 nuntiatae appellatione nobile apud Italos oppi-
 dum, ea conditione flammæ arbitrio permis-
 sum est, vt incolis parceretur, deditioe facta, sal-
 uis, innoxijsque capitibus . Templum Deiparæ,
 quæ oppidanis incolumitatem peperit, ruinas in-
 ter, immune, inuiolatumque perstitit, ingentium
 arborum strue eò appulsu spirituum antelata; quæ
 fuit pro munimento, atque aggere. Alia torrentis
 ignei

ignei scatebra Retinam, pagum Herculano proximum adorta, antiquissimum fanum D. Mariæ, ut vulgo appellant, ab Apuliano sacrum, Petri Apostoli olim præsentia, nunc memoria celebre, planè intactum præterijt, totius vicinæ vastatione. Alia Massam non Lubrensem, sed alteram Vesuvij tergo insidentem, clarissimorum virorum eò se Neapoli recipientium domicilio illustrem, pagosque finitimos omni ex parte subruit. Massæ quidem illud accidit memorabile. Concurrerant plerique ad templum; cum igneus turbo minas è vicino monte intenteret. ibi, obseratis foribus, continebant se pauidi ac tremebundi. attoniti vultus, suspensæ aures: neque silentium, neque tumultus; sed mœsta quædam obmurmuratio. Obscurato interea cælo, cœcus quidam exaudiebatur fragor, quem captabant è limine, horrore perfusi nescio quo, tanquam dirum aliquid eueniret, quod cogitatione assequi non possent. Ut breuissimo intervallo detonuit; referatis foribus, apparuit maior, quàm pro strepitu clades. Tecta, officinæ, turres, villæ, viæ, forum nusquam visa; perinde ac si evanuiscent. Nihil obiectum oculis, præter cinerem, & campos, vbi pagus fuit. Refugerat ignis ab æde sacra; quòd viri quidam pij, ex ara maxima ad limen Deiparæ imagine asportata, eo propugnaculo templi aditum obuallassent. Duo præterea Neapolim versus ignei riui excursionem fecere. Vnus pagum, cuius paulo ante meminimus, Porticus, appellatum magna ex parte vastavit. Erat is inter paganorum casus multis externorum procerum ædificijs clarus. Locatus etenim in aprico,

lar-

largissimè, & ex integro Solis radios excipit, ægro-
rum phthisi laborantium suprema spes, Neapoli-
tanorum nobilium hyemales deliciae, hortis, fon-
tibus, xistisque conspicuus. Squallet nunc illuue
obsitus, atq; horrorem incutit ex voluptatis me-
moriam grauiorem. Intumuerunt aggeribus cinerum
dorsa camporum, quibus insanæ turrium subtru-
ctiones æquatæ. Visuntur etiam nunc ingentes
parietum fornices semisepulti, victricium monu-
menta flammæ, ignis Vesuuiani trophæa. Ex-
citabo aliquid ex huius pagi ruinis dignum, ut ar-
bitror, memoria seculorum. Degebat hic quidam
obscuri generis, & clarissimæ probitatis, Nicolaus
nomine, viris etiam nobilibus apprime carus. Is,
cum sua, tum ab alijs conquisita pecunia, inaura-
tam statuam tutelari Angelo affabre faciendam
curauerat, collocatam postea in eiusdem pagi æde
sacra. Aedes non multò post in hac Vesuuiana,
procella ignei vi turbinis periit, partim incensa,
partim disiecta supellectili sacra: ne inter tot rapi-
nas, ac cædes execrando Monti sacrilegij crimen
deesset. Interea Nicolaus, relicta casa, ac prædio-
lo, fugam molitus, Neapolim se recepit. vbi inter-
rogatus ab amicis, Numquid detrimenti eius præ-
dium accepisset; respondit fidenter, Omnino nul-
lum: nam meus tutelaris Angelus adstat ad agelli
limites mei, omnem ignis iniuriam propulsaturus.
Ita ille, diuino utique afflatu. nam hoc siue votum,
siue oraculum non fefellit euentus. Velificante
non multò post cymba prope Porticus, ij, qui ve-
hebantur, videre pueri speciem veluti adnantis lit-
tori. Rentur fortuitomersum in aquas, dum ce-

E

teri

teri naufragium faciebant à flamma . addubitant,
 an adhuc halitus in eo vitæ superfit : imperant
 nautis , vt vela contrahant : parent illi , eoque re-
 mis contendunt . cùm propius accessissent , agno-
 scunt statuam Angeli tutelarîs , cuius conflandæ
 Nicolaus curator fuerat , erecto vertice extantem
 vndis , ad stanrem ripis , quæ eiusdem Nicolai præ-
 dio prominebant , quasi limites custodiret eodem
 planè modo , quo ille vel optauerat , vel præsenferat .
 Agnosceres Angelum ad terrestris Paradisi
 fores instructum gladio non , vt olim , flammeo ,
 sed flammâ arcente . Custodiam Angelicam
 agri eiusdem est testata felicitas , inter ceteros de-
 uastatos innoxij . Luxit in hoc , seu potius lusit di-
 uina clementia : Luxit in altero diuina seueritas .
 Quidam famosus latro à iudicibus conquisitus ad
 necem , in pagum , quem diximus , ventitabat . fortè
 tunc aderat , cùm flagrare Mons cœpit . Inter alio-
 rum fugam admonitus à Sacerdote , vt in re tam
 plena alicuius , plenaque periculi & capiti , & æternæ
 salutis consuleret : irrisit communem metum iam-
 pridem inter mortis fauces iocari solitus , atque in
 eo pago perstitit contumaciæ non semel reus .
 Gliscente Montis murmure , ille inter metum , au-
 daciâq; sed huic propior , cùm in arborem , velut
 in speculam , ascendisset prospecturus , an quid ma-
 li immineret ; repente ignis appulsu , tanquam ful-
 mine ictus , interiit . Dum caderet , ramo traiectus
 pependit è trabe , suspendij poena præpostera , spe-
 ctaculum ijs , qui superuenere , admiratione dignis-
 simum : quod laqueum , & flammâ meritis , sus-
 pensus periit , & combustus , diuina iustitia vindice ,
 car-

carnificis ministerium præuertēte Vesuuio. Quod
 adiugio, commiserationem habet, & nobile in-
 ignoto capite pietatis exemplum, nulla obliuione
 delendum. Aufugerat quidam ad primos veluti
 nutus è Monte nictantis flammæ, deserto patre,
 quem inualidum ad iter morbus reddebat, & se-
 nectus ipsa morbo grauior. Postmodum, obla-
 trante conscientia, celerius remigrauit, quàm dis-
 cesserat, parentis vicem sollicitus. quem enixè
 hortatur ad fugam, pios humeros carissimæ sarci-
 næ suppositurus. Aeneæ, inter Troianum incen-
 dium, Latino Poetæ celebratam pietatem homo
 virtute, quàm genere clarior instaurabat. Abnuit
 obstinatè senex iam vita fessus, mortem ætati ma-
 turam intra domesticos Lares oppetiturus in pa-
 tria. Neque hic adduci potuit, vt se filio gestan-
 dum præberet: neque ille, vt fugam repeteret, re-
 licto patre. cui, obfirmato ad omnem euentum,
 animo, adesse voluit in extremo discrimine supre-
 ma officia persoluiturus. Non discreuit flamma,
 & fortuna, quos amor, & natura coniunxerat. Re-
 perti post effoslas ruinas velut inter mutuos com-
 plexus extincti, reddente filio spiritum parenti, à
 quo hauserat. Postremus flammæ riuus per agros
 traductus, alijs exustis, alijs non sine diuino nu-
 mine intactis, per labyrinthos, ac spiras Mæandrū
 igneum referens, tandem in viam regiam incidit.
 Erat hæc, vt fere semper, rhedis, equis, peditibus
 confertissima: quippe vnica Neapoli per oram
 maritimam Salernum vsque tenditur, indeque ad
 Lucanos, ac Brutios. Vt prospexere viatores
 ignem è Monte exilientem, in campos delati m-

Seneca in lib.
de terræmotu.

incredibili celeritate decurrere: improviso mon-
stro perterriti, qui eò tendebant, gradum referunt;
qui contra, diuersi abeunt, dissipatique, consterna-
ti omnes in fugam: rati, vt quisq; cursu princeps,
ita fore postremum periculo. Sanè perperam in
libello de terræmotu pronunciauit Seneca, *incen-
dium fugientes non sequi*. Nam inter cetera incendij
Vesuuiani portenta illud est, quod siue quispiam
rectà tenderet, siue deflecteret, ignis in fugientes
insiliebat; multis etiam, dum in tergis respectant,
fronte circumuentis. An quia vltor scelerum
fontes quocunque insectabatur? An quia, si na-
turalem causam venari velimus, inter fugam pulso
anteriori aere, & posteriori euocato, simul halitus
ille leuissimus trahebatur? Præclusa fuga, rhedæ,
vt ferunt, integræ absorptæ: multi hominum ene-
cti: pauci ambusti vix euasere. Spectaculo alijs
fuere, tamquam flammæ vicissent, qui effugerant,
speciosa ijs perinde fuga, quàm pugna. Narrabant
hi, repentino ignis accessu congemiscentium cla-
morem vix tolli cœptum, & compressum, quere-
las occupante flamma: mox vias, quæ vitro, ci-
troque turbis fugientium feruebant, apparuisse
desertas, paucis ijs, qui supervixere, addubitantibus,
satisne vigilarent, an ea nocturna forent som-
nia, aut præstigiæ, captionesque oculorum. Qui-
dam, cùm Salerno Neapolim iter faceret, ac forte
ea hora in locum incidisset flammis obnoxium:
prospecto periculo, non segnis ad fugam in vicinā
sylvam deflexit, quò alij etiam duo diuerterant.
his ille cùm se tertium adiunxisset; nescio quo ca-
su detentus à vepribus, paulisper haesit. Mora in in-
colu-

columitatem cessit. quippe, cum breui se extricasset; animaduertit, comites paululum progressos turbine abripi, atque oculis repente subduci. quorum cum ne reliquias quidem, aut supremum cinerem videret; existimauit nouo terræ hiatu voratos. Ipse ingenti periculo defunctus, consilio casui permisso, inter circumuolitantes flammæ deuij saltus angustijs tandem euasit. Hic, alijque semineces, & mortuis, quàm spirantibus propiores Neapolim cum deuenissent; tantum ciuibus incussere terroris, vt iam iam Vrbi flammam imminere arbitrati, non pauci aliò auolauerint, omnia in maius augentē metu. Desæuiebat interea vis flammarum, quæ siue fulminis in morem, siue igni, vt Meteoristæ vocant, fatuo similis, erratica, exlex, hac, illac transiliens, plerosque cæde; luctu, ac metu ceteros funestabat. Neque minor è cinere pestis, quàm è flamma. Nempe inter circumducta in orbem flammarum volumina turbines cinerei admiscebantur. In hos aliqui, quos cineris aspectus fefellerat, dum incurrunt, miserè conflagrarunt, sub doloso cinere flamma delitescente ad fallendum. Illud admirabilius, quòd cinere, quo extincti fuerant, desidēte in aggeres, tumulabantur: &, versis naturæ legibus, præbebat tumulum cinis; dum cineri tumulus præberi solet. Iam in via regia ignis, & cinis publicè grassabantur: iam quidquid obuium fuerat, demoliti, si Neapolim attigissent; tectis ruinam, ciuibus funera, vrbi vastitatem minatabantur. Perfecerant impium consilium mali Dæmones, quorum, vt reor, impulsu pestis illa ferebatur: nisi Deipara, vt assolet, eorū

im-

impetus retudisset. Surgit ad viæ limites non
 procul Neapoli ædes dicata Virgini, cui à Suc-
 currendo appellatio. Hic forte Sacerdos coram
 conferta multitudine faciebat: cùm ex improviso
 fugientium clamores, morientium gemitus, flam-
 marum crepitus exauditi. Perculit omnes præ-
 sentia periculi, & sæpe letho grauior lethi metus.
 Obuersabatur animis, oculisque vicina mors. atq;
 in ea, veluti cauea, deprehensis aut miserè expe-
 ctanda nex erat, aut flammæ temerè occurrendū.
 Timendum etiam, ne inter loci angustias, & ingru-
 entem turbam, si eniterentur, obtriti (vt superiori-
 bus annis in fortuito incendio contigit) vltro in-
 teritum anteuerterent. Ergo dum, inter fugiendi,
 sistendiq; consilium, hæsitant, clarescente iam so-
 nitu, & flamma propius crebrescente, clamitare
 omnes, pectus tundere, atque humana spe deiecti,
 opem Virginis implorare, vnicum in re deplorata
 suffugium: cùm torrens igneus, turboque cine-
 reus, visi ad fores vsque decurrere, mox ædiculam
 deuoraturi, qui palatia, turreſque ſorbuerant. Sed
 patrocínio Deiparæ reſedit ad fores turbo cine-
 reus: torrensque igneus vel extinctus, vel, vt alij
 ferunt, ad mare delapſus. Nimirum non poterat
 ignis ille tartareus è Veſuuij faucibus, tanquam è
 Gehennæ portis emiſſus, in templum illi ſacrum,
 perrumpere, quæ dicitur Porta Cæli. Cernitur ad
 hunc vsque diem ante fores, vnde decliuſ ad tē-
 plum eſt aditus, ſupra tres vlnas elatus cinis, vltē-
 rius progreſſurus; niſi Deipara inhibuiſſet. cuius
 etiam manus amnes igneos, Neapolim, vt ferunt,
 collineantes à Neapolitanis muris reiecit, Vrbe
 in-

indemni, & iam defuncta tanto metu. Multi ex
 ijs, quos diximus, riui ad mare vicinum procu-
 buere. Nempe hoc vnum ad fluuij similitudinem
 deerat, vt siue vndantes flammæ, siue flammantes
 vndæ, inundatione per campos facta, tandem ad
 mare defluerent. in quo tamen incendium perti-
 nacius exarsit: vt, quo terræ inundauerant, eodem
 mare conflagraret. Ardebant, nouo miraculo, in-
 ter vndarum vortices flammæ: & ignei fulgoris
 assultu latè maria collucebant. Triumphabat in-
 ter aquas ignis, à quibus toties cladem acceperat.
 Commiscebatur marinus fremitus stridori crepi-
 tantium flammarum: & fretum æstu nouo, ac non
 solito exæstuabat. Crederes æmulatione vicini
 Montis nouos è mari erupisse Vesuuios. Non
 præteribo hic lacrymabile quorundam infortu-
 nium, qui cùm ignem vndique occurfantem prof-
 picerent, fugam ad littora meditati, proiecere se
 tandè ad mare, siue mitius occubitori inter aquas,
 siue nandi peritia salutem sibi ab vndis polliciti,
 quam à flammis impetrare non possent. sed irritæ
 spes, conatusque. etenim ibidem ab igne depre-
 hensi in ipsummet lethi genus, quod fugiebant, in-
 currunt, extincti maritimo incendio, inter aquas
 non naufragi, sed combusti. Profectò incredibile
 videri non debet, faces in Dodonæo fonte suc-
 cendi: in stagno Samosatae vrbs linum, in Lyciæ
 Hephæstij mōtibz riuos ardere; ignem in Nym-
 phæo aquis pluuijs inardescere: cùm certis au-
 ctoribus nouerim, duodecim, & eò amplius dies
 inter Tyrrhenas aquas ignem Vesuuianum arsisse.
 Erat quippe materiæ bituminatæ, & oleagineæ, illi
 simi-

Plin. lib. 2.
 c. 103. 104.
 100.

*Plin. ibidem
c. 106.*

Strabo lib. 2.

*Augu. lib. 3
de ciu. c. 32.*

*Iulius Eth-
nicus apud
Ludou. Vives
ibidem.*

*Zona & Dio
in Tito.*

*Orosius lib. 5.
cap. 10.*

Pf. 113.

similis, quæ, ut animaduertit Plinius, in Chimæra, Lyciæ monte, aquis accenditur: terra, fœnoque extinguitur. Simile quid narrat Strabo, prope Modonem, igneo halitu erumpente, mare ad quinque stadia ferbuisse. Idem planè de flammis Aetnæ Augustinus refert, qui, legimus, inquit, apud ethnicorum historias Aetnæ ignibus ab ipso montis vertice usque ad lacum proximum decurrentibus ita ferbuisse mare, ut rupes exureret: cum & pices nauium soluerentur. Hæc Augustinus ex Iulio Ethnico, qui addit, magnam tum piscium multitudinem exanimatam enatasse. Hoc olim contigisse in Vesuuiano incendio tradunt Zonaras, & Dio: & nunc omnium testantur oculi. Siquidem aquis inter flammæ ebullientibus, infinita prope vis piscium extincta, ne in maris quidem fundo à Vesuuij faucibus tuta: Extiterè postea ingentes piscium turmæ ex imo ad mare summum eiectione, flammis iam, & aquis elixæ, atque in dapes paratæ, prædæ, & gulæ irritamentum. Sed abstinere incolæ, quod halitu infectos suspicarentur, sapientiores profecto, quàm olim Liparenses. qui, ut narrat Orosius, pisces Aetnæ incendio exanimatos cum auidè deuorassent, mox morbo arrepti, absumptique sunt, pestilentia in eam insulam importata. Illud etiam inter hæc contigit prodigio simile. Mare per id tempus visum destituere littora; ut iure vsurpari possit illud Prophetæ, *Mare vidit, & fugit*, nauibus, quæ Neapolitanum portum tenebāt, pæne hærentibus in sicco, nisi mare mox reflueret, perituris. sed, æstu reciprocante, & aquis relabentibus, emerfere. Idem contigit in Surrentino

no

no littore, per passus fere mille arescente mari.
 Non defuere, qui dicerent euocatas è littoribus
 auxiliares vndas, quà bellum ab igne timebatur:
 cum flammæ veluti coniuratæ volitarent ad ma-
 ria. Sed reiicienda isthæc inter commenta, lususq;
 poetarum. etenim, si res ad philosophicam truti-
 nam expendatur, in tanta effusione ignium, cine-
 rum, lapidum, metallorum, ac materiæ prope im-
 mensæ, Natura, quæ tantopere abhorret à Vacuo,
 ne in penitissimis Vesuij recessibus quidquam
 interciperetur inane, aquas eò per latibula attra-
 xit, attractasq; detinuit: donec, laxato, aut intruso
 aere, aquæ per eisdem meatus ad sedes pristinas
 dimitterentur. Attestatur hoc arenæ tanta vis
 effusa, quantam ne mille quidem arenariæ profu-
 dissent. Reperta quoque inter cetera purgamenta
 Montis marina conchylia: vt parum Vesuuiio fue-
 rit se ignibus ingurgitasse, nisi etiam in gulam ma-
 ria conderet. Pluribus præterea in locis, tum pro-
 pe Porticus, tum inter Pompeios, & Herculaneum
 mare prorsus euauit. Ibidem superingesta enor-
 mi trabium, & cæmentorum materia, quam tor-
 rens ille deuexerat, extuberante tellure, portus
 emerfit non contemnendus peninsulæ in modum,
 mari hinc, inde circumfuso, longo tractu porre-
 ctus. opus momento confectum, cui per plures
 annos vix opes regiæ suffecissent, futurum poste-
 ris perenne Vesuij monumentum. ad cuius nu-
 tum enatæ peninsulæ, extructi portus, exhausta
 maria. Mutati etiam sinus, stationesque littorum,
 mari sedibus alijs decresciente, succrescente alijs.
 Porro extât longè maiora terris Vesuuianæ flam-

F

mæ

mæ vestigia. Apparet alia quædam, & lacrymabilis rerum facies. Oppida, quibus frequentissimis maritimum Montis latus refertum erat, vbi fuerint non agnoscitur. Tecta partim solo tenus deiecta, partim surgunt deusta, quassata, semirutæ. Pauca, quæ integra superfuere, squalent incolis viduata. Agri, quæ ignis excurrit, arboribus spoliati. Sylvæ resectæ apertam præstāt planitiem. Campi, in quos multi rami, truncique inciderunt, iam pæne sylvescunt. Aequatæ valles, quæ vicinis oppidorum ruinis creuere. Cinerum tumuli pluribus in locis prope in montes assurgunt. siquidem turbines cinerei, quos vnà cum torrente igneo Mons efflauit, antequam ad mare procumberent, subsedere terris. iamque alij alijs aggesti plurium referunt collium imaginem, sterilem, squalidam, horridam, nunquam vnus montis dispendium instauraturi. Sed spectaculum inter cetera, funestissimum exhibent loca, quæ Pompeios, & Herculaneum interiacent. Nuda cernuntur nullo discrimine prope immensa camporum spatia, paulò ante discriminata villis, ac turribus, & lectissimis vitibus conuestita. Non arbor ibi superstes, non seges, non frutex, non herbula. Solum, quod lata, modò viriditate herbescebat, planè exherbatum, saxi perustis, alijsque montis eiectionis conspergitur. Non vnum Campaniæ iugum, sed Pelion, Ossa, Olympus, & pæne quidquid vbique est montium, disrupta credas in lapides. Hæc feralia ignei tramitis, flammæque vestigia, in vastissimos protensa tractus, incredibile est quantum spectatoribus terroris incutiant. Nemo eò accedit

dit (accessere autem fere omnes è vicinis vrbi-
 bus, atque oppidis æque summi, & imi) quin fa-
 teatur aspectu vinci, quidquid magnum mente
 præceperat. Stuporem auget vastitas tanta in lo-
 ca tam dissita fere momento importata. Viæ præ-
 terea per plures dies occlusæ, obstructæque cine-
 re, qui varijs in locis ad sex, ad decem, ad quindecim
 etiam palmos attollebatur, domorum culmi-
 nibus, & pæne dixerim, pinnis turrium exæquatis.
 Tentatum est per cinerem iter, quâ iacebat humi-
 lior: sed luere pœnas audaciæ, qui ausi sunt. Hæ-
 rebat pes in viscoso cinere, ac si in tenacæ argil-
 lam incidisset. Non homo, non equus, non bos in-
 de se expedire poterant: quamuis maximè adnite-
 rentur: &, nisi celerinè subuentum esset, miserè
 deperibant. Quidam, dum aliorum metum irridet,
 & contemptim, ac ioco cinerem calcat, intra pau-
 cas horas extinctus est. Perurebat acrius cinis,
 quàm ignis: neque, vt solet, flamma in cinerem,
 sed cinis abibat in flammam. Narravit mihi vir
 fide dignus, qui tertio, an quarto incendij die ad
 ea loca propius accesserat auiditate spectandi, vi-
 disse se in via duo iumentorum corpora, sex homi-
 num, cinere demersa, & exanimata: vnus ex his
 dexteram inter exultantes flammæ adhuc inar-
 descentem nihilo secius, quàm si piceam faculam
 ignis corripuisset. Retraxisit ille gradum eo specta-
 culo territus, ne Plinij audaciam æmulatus inte-
 ritum etiam sortiretur. Iacuere palâ in foro quæ-
 dam delata in Urbem combustorum cadauera, lu-
 gubre spectaculum, quod non parum elicuit la-
 crymarum: ora nigrantia à bustis dissita, ossa carni-

Orosius lib. 7.
c. 9.

bus dilapsis extantia ; manus , pedes , crura disse-
cta, Vesuvianæ cladis exuviae . Huc recidere sep-
tem, quos recēsuimus, torrentis ignei riui, seu po-
tius, quæ septem, nec fabulosa extulit capita noua
Hydra, foecunda in perniciem . Ceterum verita-
tem eorum, quæ de torrente igneo diximus, com-
probat id, quod scripsit Orosius . qui, *abruptum*,
inquit, *Vesuij montis verticem magna profudisse*
incendia ferunt : torrentibusque flammarum vicina
regionis cum urbibus , hominibusque deleuisse . Ex
Aetna quoque monte, qui Catanæ, celeberrimæ
in Sicilia vrbi, adiacet, fluium igneum decurrere
solitum testantur incolæ , perniciem, quacunque
fluit, agris inuecta, omnia deuastaturum, nisi malo
eiues occurrant , Agathæ Virginis velum hasta
suspensum igni ostentantes . ad cuius aspectum ,
quasi ad erectum pudicitiae trophæum , reuoluto
cursu, flammæ trepidantes effugere, constantis-
simè fama fert .

Quintus , & postremus terror , aquarum inun-
datio . Malè consultum reor ijs, qui magna, & no-
ua conscribunt : cū nouarum magnitudo rerum,
animis ad dissentendum pronis , fidem demat
historiæ . Profectò posteri, qui hæc legent à peri-
tioribus dirigenda in annales , facilè in suspiciōē
venient, non tam narrationem hanc esse omnia
ad veritatis normam metientis historici, quàm fa-
bulam multa ad voluptatis licentiam ementientis
poetæ . Quis enim credat eodem planè tempore
ex eodem Monte ignium, & aquarum scaturigines
prodiisse , partamque flammam vnda obsterice ?
Quis sibi persuadeat (quod inter ea, quæ fieri ne-
queunt,

queunt, recenſeri ſolet) aduerſantia elementa, ignem, & aquam, coiſſe inter ſe ſe, ac pæne fœdus iniſſe? Quis non inter fabulas numeret, eundem Veſuuium, quàm mare proſpicit, torrentem igneum, quàm continenti adnectitur; torrentem aqueum, demiſſe; &, quaſi diuiſis copijs, ex utroque latere flammis, & vndis; fulmine, & flumine; conflagratione, & inundatione oras finitimas inuaſiſſe? Hæc tamen verè ita eueniſſe, noſtro detrimento didicimus, non multò grauiore à flammis quàm ab aquis accepta clade. Scilicet in hac veluti rebellantis Veſuij defectione omnia cum eo in noſtram coniurauere perniciem elementa, Terra cõcuſſionibus, Aer pluuijs cinereis, ac lapideis; Ignis conflagratione; Aqua eluuiione: vt hinc præſenſionem quãdam haberemus extremæ diei, & ſuprema diuinæ iræ argumenta: dum iam *pugnat Orbis terrarum contra inſenſatos*. Itaque, dum Veſuius per maritimam oram cinere, flammisque bacchatur, pæne maria debellaturus: ex alio latere, quo Palmæ, Nolæq; campos deſpectat, ingentem aquarum vim magno impetu cœpit effundere. Sæuijt hæc, quàm rabies ignis defecerat, quicquid flammarum voracitati ſubductum fuerat, demolitura. Namque in agros effuſa, omnia longe, lateque demerſit: vt æquora camporum tranſiſſe viderentur in maria. Primò, vijs occluſis, aquæ ad quindecim palmarum altitudinem aſſurrexere, æmulatione quadam ingentium fluuiorum. quæ, quamuis non multò poſt detumuerint; non tamen tranſiri vado poterant à mirantibus, vnde tam ſubitò nouus hic fluuius erupiſſet. Coniurauerat

ſap. 5.

uerat nō cum flammis modò, sed cum aquis etiam cinis, qui plurimus torrentis alueo ferebatur. Horrent adhuc circumfuso cinere arborum fibræ, non sine suspicione perustarum radicum, spe quoque proximæ colligendæ vindemiæ pæne perditæ. Hæc dubia pernicies, & futura prospiciens: illa certior, & cum præsentī iactura. Aquæ, cum eodem, quo flammæ, impetu quasi certatim è Monte decurrerent, atque obstantes arbores, glebas, trabes, camenta, saxa, alueo iam tumidiore conuoluerent; non in mapalia solùm, & tuguriola, sed in domos etiam, ac tecta irrupere. & iam, tabulatis effractis, in cellas vinarias intrusæ, dolia vino pretioso abunde plena ruptis compagibus, exonerare. Natabant pauimenta vino: & inter aquas iam rubescences, amnis purpureus excurrerebat, labore, lucroque præteritæ vindemiæ vnà cum vini riuis effuso. Neque ea solùm lues ab aquis fuit. nam per agros villæ, casæque deturbatæ: per pagos non paucæ domus deiectæ, aliæ obsessæ: itinera obstructa: commercia sublata: quasi perruptis obicibus, Eridanus, aut Danubius exundasset. Memorandum illud, & in re tenui non tenue diuinæ prouidentiae argumentum, quod in agro Nolano contigisse narratur. Rapuit cunas, & iacentem infantulum vis aquarum, quem repente è suorum auexit oculis. Credidere illi mortuum, dolere, fleuere. vix trahentem auras, absorptum aquis, atque in terra naufragum querebantur. itur forte postea ad syluam. repertæ ibi cunæ vnà cū pupulo incolumi planè, ac sospite: quasi aquæ illi admurmurantes, blandæ somni conciliatriculæ; & frondium

dium aquis adstrepētium fragor fuisset pro nania. Admirationem peperit, quòd rapidissimè vecta, inter aquarum vortices cistula euasisset in cymbulam; & fasciolis vsa pro velis, diuinæ clementiæ afflatu, nauarco Angelo, ripam secundo cursu tenuisset. Præsagire non pauci, infantem ad supremos honores conscensurum, tanquam nouum Moysen in fiscella scirpea ad ripam fluminis asseruatum, aut nouum inter syluas Romulum, maiore miraculo, vnda nutrice, non lupa. Suspicienda scilicet in eo diuina potissimum prouidentia, quæ magnam se exhibet vel in paruis. Suspicienda pietas in salute pueri, omni humana ope destituti: cum per idem tempus & virorum plerique, & multa pecudum millia hac eluuiione demersa perierint, in antiquum prope chaos recidentibus elementis; & aqua terris vndante, cum mare flammis ignesceret. Hic quintus terror, & postremum spectaculum Vesuuianæ tragœdiæ, quæ vna multis in locis plures tragœdias excitauit. Acclamationes, & plausus cessere in querimonias, ac lacrymas. magna rerum, ac luctuosa catostrophe scenæ seruijt defuncta excidijs vrbium, & funeribus populorum. Inter tot tamen calamitates, & clades vrbs Neapolis vicino malo perstricta leuissimè, immo omni planè pernicië immunis fuit, nullum publicum detrimentum passa, præter ingentem timorem. Id secundum Virginem, cuius in primis patrociniū Parthenopes nomen ipsum ominatur, Martyri Ianuario præcipuo tutelari, ac patrono acceptum refert. Senserat olim in Vesuuianis incendijs Ianuarij præsidium, non quidem, dum ille viueret,

Exod. 2.

Liu. lib. 2.

Maiolus col-
leg. 50.

Marcellinus
in Chronico.

Baron. in no-
tis mart.

Marcell. in
Chron.
Procop. lib. 2.
de bel. Goth.
Baron. loc. cit.

viueret, vt nullius antiquioris testimonio nixus memoriae prodidit Maiolus, sed centum sexaginta septem annis ab eius obitu natalitio: nempe in conflagratione, quæ contigit anno post Christum natum quadringentesimo septuagesimo, non primo, vt plerique, sed secundo; cuius extinctæ laudem omnes Ianuario tribuunt. Fuerat ea facile omnium maxima: in qua, vt supra cum Marcellino diximus, *tota Europæ facies minuto puluere contecta est*. Ideoque, vt habetur in peruetusta de S. Ianuaria homilia, *toti Europæ conflagratio imminere videbatur*. Confugerat per id tempus Neapolitana ciuitas ad Ianuarium; cuius iam tum & patrocinio gloriabatur, & sanguine, experta in præsentissimo periculo opem præsentiozem. Restinctas enim Ianuarij beneficio flammæ & totus pæne terrarum Orbis agnouerat, & Græcia (vt ex Marcellino, & Procopio refert Baronius) annua memoria testabatur. Itaque, cum hæc à maioribus tradita, Neapolitanorum ciuium animos imbuissent, vbi flammula è Montis vertice visa splendescere, noui duxit incendij prima veluti lineamenta: nihil ij habuere antiquius, quàm vt ad implorandam Ianuarij opem curas omnes, animosque conuerterent, auctore in primis Cardinali Archiepiscopo, qui periculo ereptus, vix Neapolim attingit, cum Ianuarij sanguinem eductum ex arcula, eiusdem capiti apposuit: vt vfitato miraculo ad eius aspectum liquefceret, quasi ad fontem resiliens, vnde scaturijt. Sed coeperat iam nouo prodigio, antequam cum capite congrediretur, sponte mollescere, commiseratione, credo, cladis, quam Vesuius, inferre

inferre iam cœperat. Indicta præterea ab Archiepiscopo supplicatio, qua caput, & sanguis Martyris publicè deferretur. Affuit ciuium multitudo supra caput. centum fere millia capitum fuisse tradunt. Sequebatur Prorex nobilium corona stipatus. Quo sensu animorum id factum sit, dum inde flammæ lucerent, hic tenebris cuncta nigrescerent, nubes cælo cineræ impenderent, terra motibus quateretur: facilius alij coniectura assequentur, quàm ego narratione. Adstrepebant terræ fragoribus clamores hominum, veniam à Deo, opem à Ianuario flagitantium. Manabant è Vesuij supercilio flammæ; ex omnium oculis lacrymæ. Nemo eo die, vt opinor, ita obfirmatus in scelere, pectorisq; adeo ferrei fuit, qui vnà cum Ianuarij sanguine non liquefceret. Enimuero non tot hominum millia concionatores disertissimi è peccatorum cœno deducta ad Dei amicitiam traduxere vno seculo; quot vno die Vesuius. scilicet Mons elinguis linguis igneis loquebatur: neque vnquam sine ingenti fructu fuere linguæ igneæ. Igitur cū eo, quo dictum est, sensu pietatis supplicatio per urbem vaderet: primò ad templum Diuæ Mariæ à Carmelo, quod peruetusta religione colitur, tum extra portam, quæ Vesuium prospicit, itum est. Quod, cū postridie præsentē Cardinali Archiepiscopo, qui primo die morbo detentus abfuerat, repeteretur: ferunt qui aderāt, vt Montis aspectui sacer Ianuarij sanguis oblatuſ est, nubes cinereas, quæ à Vesuiano incendio conflata, atque halitibus igneis intermistæ, tunc ad Urbem, quasi meditata perniciem, ferebantur, non ausas pro-

G gredi,

gredi, visasque refugere. Erubuere, credo, flammæ victorem suum, eiusque aspectum sustinere ignis non potuit, à quo se victum, prostratumq; meminerat. Coniectus olim Martyr, dum viueret, in fornacem, illæsus euaserat; vt iam tum flammis imperare affuisceret: & paruo Nolæ inclusus camino, præluderet ille victorijs, quas erat tot postea seculis de Vesuuio reportaturus, inter Nolanas flammæ integer; vt nos etiam eius beneficio inter Vesuuianas innoxij esse possemus. Quod si, vt Cyprianus ait, *Gebennæ ignes Martyrum glorioso cruore sopiuntur*; certè mirum non est, Vesuuianum ignem, Tartarei indicem, Ianuarij sanguine consopiri. Hunc eius diei supplicatio exitum naeta est; cuius omen iam omnes animis, ac spe præceperāt. Fulserat eo die dubia lux, vt Sol non tam lucere cælo, quàm lugere videretur. tum fœdissimæ nubes planè Solent condiderant, omnibus cœca caligine circumfusus. Vix Ianuarij sanguis gestandus per urbem, ex ara maxîma efferri cœptus, cùm Sol repente intermicuit, ac fenestram, quæ supra ianuam patet, clarissimè collustrauit, omnibus, quasi eo radio spes certa salutis affulserit, auspiciatissimam lucem, & miraculo similem inclamantibus. Illud præterea silentio præterire nō possum, quod per omnium ora vulgatum, multis etiam persuasum, testantur non pauci, visum ibidem inter eam lucem Ianuarium insula, baculo, & pontificia veste fulgentem, quasi eo aspectu oppignerata fide, Urbem sub eius tutela, ac patrocinio futuram. Ex illo omnia nobis tuta, omnia fausta euenere. Illud omnino liquet, Ianuarium si minus aspectu, qui

*Cypr. ep. ad
Mario*

qui sub oculos cadat, certè ope affuisse. Inter tot terræmotus nulla ruina. Torrens igneus prope Neapolim vel compressus, vel retortus. Cinis, qui leuiter hic initio pluerat, opportuna, atque insperata pluuia mox abstersus. Nubes cinereas sæpe vidimus rectà Neapolim à ventis impelli, mox repelli. quandoque etiam animaduertimus, supra proximos colles Vrbi veluti coronam circumduxisse, quasi tacitè succlamantes accessu se prohiberi. quotidianum Deiparæ, ac Ianuarij miraculum inclamant omnes, diffitetur nemo. Euolutus pæne mensis erat à die nascentis incendij, cum cinis in immensa congestus volumina vndique Neapolitanum cælum obtexit. Instaurantur metus, consternatio, clamores. Rursus omnia luctus, querimoniæ, vota. Diluuium cinereum metuebatur, non pluuia; cum ex insperato detectus aer: restitutum cælum: depulsæ nubes, vix tenui cadentis cineris relicto vestigio, quasi nobiscum ea leui aspergine iocarentur. Ridemus iam quotidianas minas adhuc furentis Vesuij. Nubes prodigiosæ, quas è Montis culmine semper egestas videmus aliò iter arripere, quocunque ierint, portentum, ac metum asportaturas; iam spectaculū multis exhibent non iniucundum. Monstra, quæ hinc in alias Mundi plagas luctus, ac funera conuehant; nobis pæne ad voluptatem trahuntur. Quanquam, vt paulò ante dicere cœperam, nihil hic interea prætermisum, quod vel ad mulcendam diuini Numinis iram, vel ad conciliandum Deiparæ, ac Ianuarij patrociniū conducere potuisset. Ter Ianuarij sanguis ad Montis aspectum allatus: vt qui flam-

bia valetudinis; & ea, quæ secuta est, nocte edicto
 cauit, ne quis ad pellices auderet accedere: qui
 accederet, quæ accedentem exciperet, capite
 plectendi. Exemplum sanè, quod omnis admire-
 tur posteritas: qui clauum imperij tenent, etiam
 imitentur. Eiusmodi edictum eadem noctis hora
 per duodecim Urbis regiones, præmisso tubarum
 sonitu, promulgatum maximo ciues terrore com-
 pleuit. Quasi ijs tubis inter nocturnas tenebras,
 ac cinerum pluuiam resonantibus, supremæ buc-
 cinæ sonitus, supremus Mundi cinis, suprema nox
 adumbraretur. Vias præterea, quæ altissimo se-
 pultæ cinere, itinera planè intercluserant, missis eò
 pluribus hominum millibus, aperiendas Prorex
 curauit: ijsque oppidis, quæ nondum funditus flā-
 ma vastatierat, opportunè subuenit. Nocturnas
 etiam per Urbem excubias, suis distributas locis,
 aptè disposuit, ne nouæ turbæ excitarentur. Quip-
 pe occupati maiore formidine animi non regun-
 tur legibus, aut imperio: &, cū semel apud vul-
 gus turbatur, trepidatio in tumultum euadit. Sed
 inter hæc omnia principem commendationis ob-
 tinet locum cū Archiepiscopi, ac Proregis, tum
 priuatorum ciuium in externos homines pietas.
 qui flammæ inter elapsi, destitutis laribus, Nea-
 polim pæne omnes confugerant, initio exclusi,
 postmodum admissi. Hi vastatione oppidorum,
 & Vesuuiana illa veluti proscriptione, bonis om-
 nibus spoliati, egeni, prostrati, quidam etiam se-
 miusti, ac veluti precarium trahentes spiritum, nō
 homines, sed laruæ, atque vmbre hominum vaga-
 bantur. Alius ereptum parentem, alius coniugem,
 alius

alius liberos lamentabatur: omnes patriam, qua
 nihil est plerisque mortalium carius. ex his non
 pauci paulò ante locupletes, domibus, prædijsque
 deperditis, decem, viginti, quadraginta etiam mil-
 lium aureorum, vno die effuso pretio, aut fame
 emori, aut, quod ijs morte grauius videbatur, sti-
 pem emendicare cogebantur. Mulierum præterea
 pudicitia in magnū discrimen adducebatur. quarū
 multæ parētum, & coniugum interitu orbæ, ac vi-
 duæ per urbē errabant, stipatæ gregibus puellarū:
 in quibus maius periculum creabatur à forma,
 quàm impendisset à flamma. Ergo, cum nō deesset
 pietati materies, ciuiū pietas materiæ non defuit.
 Referata marsupia, detectæ arcæ, aurum veluti è
 carcere eductum: quæ præcipua Solis progenies
 longo tempore lucem non viderat. Neque solū
 ijs, qui petebant, pecuniā, & omnis generis com-
 meatus solitò largius erogata; sed multi etiā con-
 uenarum à primarijs viris, denī, quindenī, vīceni à
 singulis excepti perbenignè hospitio, quos Mons
 arcebat inhospitalis. Multæ præterea domus con-
 ductæ, eoque loci mulieres adductæ, eæ potissi-
 mū, quarum pudor periclitabatur; excitaturæ
 hic maius incendium, quàm quod in Vesuuio fu-
 gientes reliquerant. In has impensas non solū è
 publico Urbis ærario, sed ingens etiam pecuniæ
 vis effusa ex ijs, quos iure Montes vocant, quia ad
 pietatis munia destinantur, quæ locum obtinent
 cælo proximum. Largior in hoc fuit is, quem
 Montem Misericordiæ appellant, contrahendi
 etiam æs alienum vsque ad decem millia aureo-
 rum potestate petita: vt Montem Monti, & Vesui
 fæ.

seu itia non nisi Misericordia Montem oppone-
remus. Septem fere hominum millia, quæ flam-
mas euaserant fame lentius conficienda, Montis
Misericordia impensis, atque opera enutrita par-
tim in oppidis, partim Neapoli extra pomoerium,
ad ædem Martyri Ianuario sacram: ut vel hinc ap-
pareat, eos à Vesuuiano æstu subductos, sub Ia-
nuarij tutela, atque umbra conquiescere. Certu-
tum in his pietate inter eos, qui præerant imperio:
atque in hæc opera tum Archiepiscopus, tum
Prorex non auctoritate solum, atque industria, sed
magnis etiam largitionibus conspirauere. Prælu-
xere Duces exemplo, quo in ceteris pane sancita
lex est. Equidem crediderim his maximè placatu-
m diuinum Numen, à nostris cladibus tempe-
rasse. Dixerit sanè impiè Seneca, *Non ira Numi-*
nis terram concuti: suas ista habere causas: neque
imperio seuire. Nobis, quibus hæc sunt Christiano
radio metienda, longè aliter sentiendum. Deus
est, ut Regius Vates ait, qui *tangit montes, & fumi-*
gant. Deus est, Moyse teste, qui *montium funda-*
menta comburit. Non potuit is incendij huius au-
ctorem quasi digito clarius indicare. Vesuuium
tantum non nominat. *A Dei facie*, ut præsensit
Daniel, *fluuius igneus, rapidusque egrediebatur.* Deus
est, ut Tertullianus ait, *verus Prometheus, qui signa*
maiestatis sue iudicantis edidit per imbres, per ignes.
Flamma ipsis ab aquis fota, ut in euentu consimili
Petrus Damiani dixit, *perspicuè fuit diuini furoris*
indiciu: cum quidquid mergebatur, extinguere non
posset, et aqua quodammodo humida non esset, ut arden-
tia posset extinguere. Ambigas, an extra communè

na-

Senec. in lib.
de terram.

Psal. 103.
Deut. 32.

Dan. 7.
Tertul. Apol.
contra Gen.

Damian. ser.
de S. Ruffin.

naturæ aleam constitutus ignis ille sit, cuius impetum non circumseptæ parietibus domus, non ulli obices remorabantur; solutis illico cunctis in cinerem, veluti flamma in sarmenta, aut stipulas incidisset. Cinis ipse, qui per mensem fere integrum momentis singulis in immensas nubes difflatus, ac postmodum deoneratis nubibus, onerata tellure, tecto mari, iam mille Vesuuios exhausisset; olet profectò aliquid natura maius. Gehennæ adumbratam quandam imaginem Deus nobis in Vesuuiio refert: vt vel hoc metu à culpis inhibiti intelligamus, quàm acriter ignis ille torqueat, cuius vel ipse cinis exurit. Pausilypi, Mergellinæ, & plagæ Lucullanæ delitias, hinc Puteoli cingunt, inde Vesuuius, gemini Naturæ exæstuâtis camini, adiecta voluptati supplicia. Quippe de *Aetna, Vulcano, ac Veseuo*, vt Abulensis ait, à quibusdam indubitato *astruitur, quòd Inferni quedam ora sint*. Neque hoc tantum tulit superstitiosa vulgi, & plerumque fallax credulitas, sed sapientium quoque sententia, momentis librata rationum. Profert idem Abulensis Mayronum, clarissimum Scoti asseclam doctorem, post extremum Mundi diem hæc montium æstuantium spiracula esse occludenda, & tunc demum Inferorum fores obsignandas, quæ nunc mortalium terriculo patent. Non dissentit ab hoc sapientissimus vir Surius, qui, *Quidquid*, inquit, *dicant philosophi, quedam sunt Tartari ostia, aut loca puniendis animabus destinata. Vt in Islandia mons est Hecla dictus, qui ignem euomit. Visuntur illic mortuorum spiritus, qui in nota specie efferuntur familiaribus colloquijs hominum. Addit infra. Voluisse Deum*

Abulensis prærad. lib. 5. c. 99. & seq.

Mayronus apud eundem.

Sur. in com. ann. 1537.

in terris extare huiusmodi loca: ut certius nossent mortales, quæ maneant impios post hanc vitam; & sic discant timere Deum, ut possint æternos ignes euadere.

*Maiolus col-
loq. 16.*

*Greg. Dialog.
lib. 4. c. 30.*

*Petrus Dam.
epist. ad Do-
minicum Lo-
ricatum.*

*Epist. 1. ad
Cor. cap. 3.*

Testatus est idē (ut è Metaphraste Maiolus refert) Pion presbyter paulò ante martyriū, cū christiana religionem sanguinē testaretur. Consonant his ea, quæ Gregorius tradit de Theodorico Rege Arriano, Ioanne Papa, & Simmaco iudicibus, in ignem Liparitanum demerso. Habemus denique de hoc ipso Vesuuio apud Petrum Damiani testimonium luculentissimum. Libet verba transcribere, quia ad rem, qua de agimus, maximè faciunt. *Desiderius, inquit, religiosus, Cassinensis monasterij Abbas (hic fuit postea, pace eruditissimorum virorum, non Urbanus II. sed Victor III.) mihi aliquādo narrauit, quod ipsa ratio persuadet, ut scribam. Seruus Dei Neapolitanæ regionis in prærupta rupe iuxta viam publicam habitabat solitarius. qui nimirum, dum nocturno tempore psalleret, & fenestram cellule horarum explorator aperiret: ecce vidit multos nigros homines, tanquam Aethiopes, iter carpere, & longo tractu sarcinarios comminare. cumque eos inquireret, qui essent, cuiusve rei gratia hæc iumentorum pabula deuectarent; Maligni, inquit, spiritus sumus. hæc paramus non pabula pecoribus alendis, sed fomenta potius ignium hominibus comburendis. Ita planè secundum similitudinem illam Apostoli, supra fundamentum hoc alij ædificant scænum, & stipulam. quale cuiuscunque opus sit, ignis probabit. per scænum, & stipulam peccata significans, quæ Gehennæ accensa incendio perpetuo peccatores incendunt. Pergunt illi. Præstolamur enim in proximo Principem Capuæ Pandulphum,*

phum, qui iam decumbit, & Ioannem Magistrū militū Neapolitanæ ciuitatis, qui adhuc uiuit incolumis. Illico vir Dei præfatum Ioannem impiger adiit: quæ uiderat, quæque audierat, fideliter cuncta narrauit. Per idem tempus Otho Imperator II. aduersus Saracenos præliaturus in Calabriam festinabat. His igitur auditis, Ioannes ait. Modò necesse est, nos Imperatori occurrere, & cum eo simul de huius terræ statu prouida consideratione tractare. Porro post Imperatoris abscessum spondeo, quia & seculum deseram, & monasticum habitum sumam. Vt autem probaret, utrum verum esset, quod ille narrabat, nuntium protinus ad mœnia Capuana direxit: qui ueniens, Pandulphum iam mortuum reperit. Ipse quoque Magister militum, Ioannes, antequam istas partes Imperator attingeret, vix diebus quindecim superuixit. Quo mortuo, Mons Vesuius, unde uidelicet Gehenna frequenter eructat, in flammæ erupit: ut liquidò probaretur, quia fœnum, quod à Dæmonibus portabatur, nihil aliud fuit, nisi ignis trucis incendiij, qui prauis, & reprobis hominibus debebatur. Nam, quandocunque in illis partibus reprobis diues moritur, ignis erumpere de prædicto Monte uidetur, & tanquam sulphuræ resinæ congeries ex ipso Vesuuiio protinus fluit: ut torrentem faciat, atque decurrente impetu in mare descendat. Vbi uidelicet corporaliter uideri potest, quod in Apocalypsi Ioannis Apoc. 20. de reprobis dicitur, quia pars illorum erit in stagno ardenti igne, et sulphure, quod est mors secunda. Enimvero & Salernitanus Princeps, huius uidelicet Guaimarij æquæ Principis, qui ante non plures annos pro multis violentijs, atque tyrannicis oppressionibus, suorum gladijs peremptus est, auus, cum procul esset exisset quadam

H 2

die

die de predicto Monte Vesuvio piceas, atque sulphureas repente flammæ erumpere; protinus ait. Procul dubio sceleratus aliquis diues in proximo moriturus est, atque in Infernum descensurus. Sed, o cæca mens reprobi hominis, immo super nos terribile iudicium Conditoris. Superueniente siquidem proxima nocte, dum securus cum meretrice concumberet, expiravit. quem illa, ut postmodum referebat, quid contigisset ignorans, diutius pertulit: & vix tandem à se non hominem, sed cadauer exanime prostituta deiecit. Quibus cognitum est, non reprobos tantum diuites, sed carnis putredine inquinatos, ac denique peccantes omnes quouis genere mortalium peccatorum, ac sine penitentia morientes, Gehennæ subituros supplicium. Quidam præterea in Neapolitanis partibus presbyter, uolens certius quàm licebat, addiscere, illuc ubi gehennale barathrum feruentius eructabat, præsumptoria decreuit audacia propinquare. Missarum igitur solemnia celebravit: sicque insulatus, velut armatus, iter arripuit. sed, dum ultra, quàm solebant homines, temerarius scrutator accessit; redire non valens, postmodum non apparuit. Alius verò presbyter matrem suam Beneuenti reliquerat agrotantem. cumque per Neapolitanos fines domino suo comitatum præberet, exundantibus flammis intendens, clamorem lugentis audiuit: quem suæ matris esse proculdubio cognouit. Notauit horam: & tunc euidentissimè comperit, matrem fuisse defunctam. Hæc Petrus Damiani. è quibus facilè conijcias, maiores nostros constantissimè in ea fuisse sententia, ignem Vesuuiantum, tanquam Gehennam umbratilem, à Deo nobis identidem ostentari ad terrorem. Quod verò addit de Aethiopum prænuntiatione

elatione foenum gestantiū, simile quid nunc quo-
 que contigisse narratur, nec tantæ cladi sua defuisse
 præfagiā. Multa circumferuntur in vulgus, quæ
 hætenus mihi sunt dubiæ fidei, inter ingentem
 calamitatem animis ad deteriora credenda, lin-
 guis ad narranda pronissimis, in Vrbe præsertim
 rerum nouarum studiosa, ferendis, augendisq; ru-
 moribus nata. Fama est, Aethiopem ea ipsa no-
 cte, quæ fudit incendium, cuidā visum manu foe-
 num gestantem, & indicato Monte, dixisse magnā
 inde imminere cladem. rhedam præterea inter
 Montis auia conspectam, auditumque insusurrari
 ab ijs, qui vehabantur, expectari ferendæ flammæ
 Plutonis imperium. armatos demum è Vesuuio
 prodire visos, ac faces incendio subdere. Illud
 horribilius, si auctor pro comperto haberetur. Di-
 citur in cœnobio supra tumulum sito prope Her-
 culanum monachus Camaldulensis, per noctem
 referata fenestra, quā prospectus ad Vesuuium pa-
 tet, armatos equites in Monte vidisse, quasi ad
 bellum instructos, sonitu etiam raucius insonantis
 buccinæ exaudito. Nec reticendum censeo, quod
 certò didici, repertam in agro Nolano sub eo, qui
 pluerat, cinere sepultam tubam an fortuito, an
 prodigio. Neq; hæc tantum ex vrbe Nola narran-
 tur monstra. Effigiem humana maiorem, & gigan-
 teas umbras vidisse se mulierculæ affirmant, testes
 impares tantæ rei. Gigantes etiam inter flammæ
 olim visos, Dio refert. Magnus profectò spectro-
 rum artifex metus. Fortasse conflagrationem præ-
 sensere mulieres, ne Vesuuiano incendio suæ de-
 essent Cassandra. Nuntij insuper accepti, in via
 re-

Dio in Tiso.

regia extare ferarum vestigia insolentis figuræ re-
 ctâ Nolum versus, hinc inde quasi mathematico
 radio designata, interiectis indicijs, tractibusque
 catenarum. In celeberrimo Templo S. Mariæ, cui
 ab Arcu cognomen, visam Deiparæ faciem ani-
 mari, moueri, inditia doloris efferre, tum etiam il-
 lacrymare quidam citra dubitationem affirmant.
 Rumor incertus, & anceps de his sententia pro
 cuiusque studijs, & ingenio, dictitantibus multis,
 apud ethnicos quoque horum non absimilia vel
 dolo ficta, vel metu credita. Illud hic singulare, sed
 recensendum inter fabulosa; nisi foret ab ijs, qui
 auctoritate fidem extorquent, accuratè indaga-
 tum, & pro explorato habitum. Rusticus, cui Io.
 Camillus nomen, ad villam ierat in Vesuuio si-
 tam ipso diei Paschatis peruigilio. Ibi repente,
 alto sopore deprimitur incoenatus. Non multò
 post, somno sponte discusso, expergiscitur: neque
 ultra loci facies, vbi dormire iam cœperat, oculis
 redditur. nouum cælum, nouum solum, noua re-
 gio. non ultra Mons visitur arboribus confitus;
 sed murus longissimo spatio exporrectus viam
 obsederat. Inerat muro porta ingens. Obstupuit
 ille nouo aspectu: &, vbinam locorum esset, ex-
 ploraturus, portam versus iter arripuit. excuban-
 tem ibi ianitorem offendit fratrem è familia
 S. Francisci, ætate, vti præferebat aspectus, ado-
 lescentem. Antonium Patauinum fuisse, mul-
 torum fert coniectura. Ab hoc ille primò in spe-
 ciem repulsus, tum introductus in atrium, inde-
 que procul abductus, eo duce ad locum frequen-
 tibus ædificijs consitum peruenit. An id re con-
 tingerit;

tigerit ; an (quod solemne prophetis fuit) per simulacra rerum obiecta menti , sapientibus dijudicandum relinquo. Aedificia ibidem horridissima, ignem vnde quaque vomebant, non tam saxis extracta, quàm flammis. Inferorum eas esse sedes & ille facilè coniecit ex sese, & à ductore didicit. Multos ibi se agnouisse narrabat infelicium domorum incolas infeliciores. Xenodochij præterea speciem oblatam, & turbam flammis inter, & angues decumbentium : quosdam etiam, addito supplicij ludibrio, à nigris vmbis ad bufonem vorandum adactos, velut in poenam indignè susceptæ Eucharistiæ, & hausti ad mortem vitæ pabuli. Inde traductum se ad Purgatorij, vt appellant, loca. Demum postero die redditum sibi, ac Vesuuiio : imperatumque, vt nunciaret, magnam ex eo Monte impendere accolis cladem : proinde in preces, ac vota incumbendum. Die sacro Paschatis sub meridiem oppido restitutus, visusque ab oppidanis cinere inspersus, fumosa, ac nigrante facie, tanquam ex incendio euassisset. Interrogatus à multis, qui quasi ad ostentum confluxerant, ecquid illi accidisset ; narrauit omnia candidè, homo antiquæ simplicitatis : & futuram Vesuij conflagrationem prope duobus ante annis prænunciavit. Ne morer pluribus, amens habitus est ; vt leuissimè, ebrius. Centies auditus : centies irrisus. nunc, euentu probante oraculum, irrisio in admirationem versa. Simile quid ante euerfionem Hierosolymæ vrbis contigisse, narrat Iosephus, hominem è fræce plebis, ac terræ filium quotidie clamitasse, *Vae tibi Hierusalem*, primùm sibilo, ac risu;

*Ioseph. de bel.
Iudai. lib. 7.
c. 12.*

su; tum virga, ac verberibus exceptum. Hæc, horumque consimilia in tectis, in triuijs, in angulis passim cuncti narrant: multi credunt: quidam irrident. pueriles nugas, aniles fabulas, somniantium deliramenta, virgula censoria, ac seверо supercilio difficiles Aristarchi conclamant. Equidem neque hæc temere probanda pronuncio, neque inconsultò ridenda. Par in vtroque stultitia. Nempe afflicta Republica, & semel in deterius inclinata, fortuna, falsa, vera; dubia, comperta; inania, solida nuntiantur: & sæpe tenuissimæ auditiones vnius ore subnatæ quamcitissimè adolescunt. Sed, si veritas multis, vti assolet, intermixta mendacijs excernatur, consentaneè credi potest, tam ingentem calamitatem suis non caruisse prælagijs: vt intelligeremus hæc non sine diuino numine, nutuque contingere, igne ultore scelerum, ac diuinæ iustitiæ vindice: primam huic incendio facem nostra iniecisse flagitia: his flammam folliibus euentilatam. Quamquam non inficior, suas hæc etiam naturales causas agnoscere, quibus vtitur naturæ conditor, *disponens omnia suauiter*. Has quoque causas vt breuiter attingam, admoneor. quod quò præstari clarius possit, non accidet, nisi fallor, ingratum; si Montis huius aspectum, situm, figuram, historiam, breui narratione perstricta, quoad eius fieri poterit, oculis, animisq; subiecero.

Sap. 8.

Est Vesuius, qui & Veseuus Latinis dicitur; Poetis etiam Vesuius, Campaniæ Mons septem fere millibus passuum diffitus ab vrbe Neapoli. cui Sol tum æstate, tum hyeme quæ è dorso, quæ è capite Montis enascitur, in aduersum Pausilypicollem

collem occubiturus: vt mirum non sit, ex eo Monte per intervalla seculorum ignem effundi, à quo quotidie cernimus fundi Solem igneæ naturæ, vt quidam autumant, &, si Anaxagoræ credimus, glebā igneam. Geminum (quod proprium habet, ac singulare) cælo caput attollit: vt vel vnum in duplici, vel duplicem in vno Montem agnoscas. Diffidium hoc ortum habuisse fertur ab incendio, quo antea inter se compacta sub vno vertice latera diffiluerunt per interiectam voraginem diametro ultra mille passus hiantem. Montem congeminasse, & non solum bicipitem, sed etiam dicas esse bicorporeum. Voraginis huius meminere Procopius, Zonaras, & Dio; cui Vesuvius amphiteatri formā habere visus est, Vrbi regiæ, in quam procumbit, ludos, & spectacula daturus, sed ludos funebres, & spectacula tragica. Mihi verò pyramidis formā refert. nam margo per latissimam planitiem circumfunditur viginti trium millium passuum ambitu. Quòque Mons altius assurgit, eò latera arctius coeunt: donec sensim in pyramidem cuspidentur. Gemina in utroque fastigio cuspidis, gemina pyramis, siue geminum monumentum in eo Monte ad vbertatem, & voluptatem luxuriantis, ac veluti triumphantis Naturæ; siue omen incendij, geminus erectus condendo tanto cineri tumulus. Gemina etiam bijugo Monti utrinque suffusa planities: quarum altera mari, altera mōtibus cingitur. Tyrrhenum Vesuvio mare substernitur, quod ex aperto conductum, sinu illo beatissimo clauditur, quem Sirenum sedem, & craterem argenteum, lacte plenum admirata dixit antiquitas. Prima,

*Procop. lib. 2.
de bell. Goth.
Zona. & Dio
in Tito,*

I

cer-

cernitur in ipso crateris aditu ad plagam aquilonarem Neapolis, Vrbs regnorum prope æmulatrix, numero ciuium inter Italas facillè maxima, opportunitate mercium nobile Europæ totius emporium, amœnitate situs Bizantio non absimilis. quippe mare procurrens, & alluentes vndas complectitur bis lunata in semicirculum, omen deficientis fortunæ. Latere in campos excurrit: fronte iugis attollitur, corona collium cinctâ, si fas est dicere, Tyrrheni maris Regina. Vesuuium à læua prospicit imminentem tantæ Vrbi, spectaturum, & spectandum. Inde inter beneficia cetera, dulces manant aquæ, quæ partim obstrictæ in riuos, atque in Regios aquæductus infusæ, ad vrbanos puteos, fontesque magna copia deriuantur, potu perbenignæ, ac salubres: partim labuntur in fluuium: qui ad Vesuij pedes latissimos campos tortuosis flexibus ambiens mira fertilitate perfundit: atque hinc, inde arboribus inumbratus, leni, & vix sub aures cadente murmure, lapsuque placidissimo aquas in vicinum mare demittit. Annis quidem perexiguus, & impar tanto Monti progenies, sed Poetarum carminibus, & Sebethi nomine celebris, fama maior, quàm alueo. Non procul hinc ad Vesuij radices frequentibus pagis, castellisque conspersas celeberrima oppida, Herculæanum, & Pompeij, pæne dixeram, sedent, deceptus recenti memoria pristinæ felicitatis. Dicendum potius, iam sederunt, desederunt; nunc vana nomina, & nihil præter cinerem, ac ruinas, documenta posteris, Vrbes quoque esse mortales. Inde quæ littus flectitur ad meridiem, visuntur antiquæ
Sta-

Stabix, seu potius vmbre antiquarum. Secundum
 has, æstiuæ deliciae, Surrentum: cui breui spatio
 iungitur Massa Lubrensis, peruetusta Mineruæ se-
 des, à qua Promontorium appellationem accepit.
 Hinc angustissimo, ac procelloso freto diremptæ
 Capræ, Insula Tiberij domicilio, qui Urbem Seia-
 no dilacerandam dederat, non tam nobilis, quam
 infamis, nempe flagitiorum latebra. Hæc in au-
 strum obuersa, in altissimam se rupem attollens,
 certare videtur culmine cum Vesuuio, quem rectè
 prospectat è mari: sed aspectu ipso humilior de-
 prehenditur, & infra Vesuuianum iugum. Hic situs
 Montis ex ea fronte, qua mare despicit, & caden-
 tem Solem: ex altera verò, qua Solem nascentem
 excipit, in amplissimam Palmæ planitiem desinit,
 atq; arua latissima. Iacent sub eo Vesuij vertice,
 quasi sub vmbra, ac tutela Montis innumerabilia,
 per campos oppida. Inter quæ vrbs Nola conspi-
 citur, tum Felicis, ac Paulini memoria, tum Anni-
 balis clade, quem prima docuit posse vinci, &
 Marcelli victoria celebris. Hæc Vesuuus Apenni-
 nis montibus iungitur, qui dorso Italiæ totius im-
 positi ad Alpes vsq; tenduntur. Ab ijs tamen inter
 se tractim connexis superba quadam ostentatione
 diuulsus, & in semet fidens, longè altius tollitur,
 quasi ceteris imperaturus. Per tria passuum fere
 millia euaditur ad cacumen. Ad medium vsque
 Montem iter clementissimum, cliuo sensim fallen-
 te, & leniter accliuu. reliquum verò præruptum,
 & asperum; vt ad apicem non tam ambulando,
 quam reptando enitare. In vertice non parua pla-
 nities: quamuis Mons ex imo cernentibus appa-
 reat

reat fastigiatus in cuspide: vnde longè, latèque
despectus patet ad campos, & maria. Tota inde
Campania prospici potest vnico proiectu oculo-
rum, quasi sedens sub vnus Montis imperio, quod
in tyrannidem, ac vastitatem euasit. Certè nihil
Vesuuio, vt ira, æstusque detumuit, aut iucundius,
aut vtilius. Totus ex orientali latere, quâ continē-
ti iungitur, culturæ patiens. Summa sui parte ne-
mora procera, & antiqua sustinet, Montis vertici
capillamentum: quo, dum per hyemem albet ni-
uibus, quasi canitiem ostentat. Inde cæduæ tra-
huntur syluæ siue ignis pabulum, siue nauium ma-
teries, destinatæ aut flammis, aut aquis. Montem
reliquum ex vmbilico ad ima vites vestiunt: quæ
non, vt plerisque in locis, repentes humi, sed altis
admixtæ populis, ramis vtrinque multiplici flexu
implicatis, mutuo complexu in arbuſta confur-
gunt: vt mirum non sit, dici à Floro *inter Campa-
niæ montes amictos vitibus pulcherrimum omnium
Vesuuium*. Pulchritudini respondet vbertas. Inte-
grum quandoque ex vna vite dolium repleti affir-
mant. Vina habentur in pretio tum sapore, tum ro-
bore, vinetis latè apricantibus, & Sole percoctis,
arenoso etiam solo humoris luxuriam depascente.
Incendium, nisi aqua domentur, venis excitant: in
quo agnoscas Vesuuium. Prima nobilitas albis, quæ
Græca vocitāt, peregrina etiā ad vites traducta li-
teratura. Sanè ijs Græca fides. Quippe largius epo-
ta, dū palato, ac stomacho blandiuntur, capiti mo-
liuntur insidias, mentēq; dimouent Baccho persua-
sam. Laudantur etiā rubra, succo apud omnes na-
tiones inclyto. lacrymas appellant, funestum omen
Mon-

Florus lib. 1.
cap. 10.

Montis in vtraque fortuna lacrymabilis . Solum,
 quamuis vina fundat abunde, olerum semina non
 respuit. & nunquam feriata tellus, eodem tempore
 & vitibus, & seminibus pabula, succumq; sufficit,
 quodque captum superat, nullo flumine, nullo ne
 riuolo quidem, aut fonticulo irrigata. Par in occi-
 dentali Vesuuij fronte fertilitas, sed non vbique
 constans. nam quā Neapoli iungitur, omnia non
 ad foecunditatem solum, sed etiam ad voluptatem
 composita. Montis fere semper herbescens viridi-
 tas, qualem nulla ars pennicillo imitari, sola natu-
 ra nutu possit effingere. Cæli semper verna tem-
 peries, quæ omnes anui partes pari amœnitate
 percurrit. Quod causæ est, cur non solum villæ, ac
 prædia, sed oppida quoque, pagique plurimi quā-
 lateri, quā margini Montis insistant. Visuntur hic
 horti lectissimi, arte, manuque consiti. inter quos
 longæ ambulationes concameratæ in fornices,
 buxo, myrtoque contextæ in multiformes aspe-
 ctus ductili. Sylux aureis pomis refertæ, Veræ
 per hyemem in frondibus prope sinaragdinis pe-
 rennante. Fontes inter gemmea prata pellucidi,
 aquas per tubos exilientes marmoreo labro exu-
 dante. His Vesuuius blanditijs cineri præluit, ac
 flammæ. Quanquam ex eo latere, quo demittitur
 in oppida, Pompeios, & Stabias; ipse sibi constat,
 ac se verè prodit Vesuuium. Horret ibi saxis exe-
 sis, tætris, perustis, quæ vetus adhuc incendium,
 spirare, & nouum minari videantur. Inter hos ta-
 men præruptos scopulos verius, quàm rupes vir-
 gulta quædam sponte nascuntur. quæ ignis pabula
 maximè ad coquendos pahes accomodata, non
 me-

mediocri huiusmodi apportant: ut vel ipsa Vesuvij
 saxa, dum flagrant, nobis aurum excudat. Demum
 ne ipsa quidem vorago fructu vacat, & lucro. In-
 ter ipsos hiatus perforati montis, & terræ dehiscē-
 tis abscessus, quā gemino interiecta vertici vallis
 decubat, pascua lata reperies, æstate alendo peco-
 ri aptissima. Nam, quæ imminent annosæ quercus,
 æstum ingentibus ramis propellunt, mitius inter
 umbras cadente Sole. Patuere cælo Montis visce-
 ra; ut se totum nobis euisceraret ad fruges, aurum
 certè nullo fossore daturus, si condidisset. Quan-
 quam quæ fodinæ tantum auri contegunt, quan-
 tum Vesuvius exhibet? Decies fere centum mil-
 libus aureorum æstimatur id, quod singulis annis
 ex hoc Monte deuehitur. Tantum in vno iugo ad
 humanam vitam præsidij parens Natura consti-
 tuit. Sed profectò nihil ex omni parte beatum.
 Rara omnino apud mortales, aut nulla est sincera
 felicitas. Ingentibus bonis ingentia mala eadem.
 Natura permiscuit, non, ut quidam rentur, ex parē-
 te nouerca, & odio plane nouercali; sed sapientis-
 simo consilio cauens, ne animum inescaret nimia
 dulcedo fortunæ. Ex eodem Vesuvio vina, &
 flammæ; segetes, & cineres; annona, & vastitas;
 pabula, & clades; vita, & nex. Ambigas, an plus in-
 de detrimenti vno die, quàm vno seculo emolu-
 menti proueniat. Non semel arsit incredibili Cam-
 panix totius perniciæ, cuius toties funus elatum;
 quoties funereis facibus præluxit Vesuvius. Huius
 à Christo nato conflagrationes duodecim ante
 postremam hanc, quam oculis hausimus, hætenus
 ex historijs comperi.

Prima

Prima conflagratio contigit Anno octogesimo primo, Kal. Nouemb. hora septima, cuius meminit Suetonius, Dio, Plinius iunior, Orosius, Nicephorus, ac plerique alij. In hac conflagratione, vt ait Dio, *cinis duas vrbes, Herculenum, & Pompeios, populo sedente in theatro, penitus obruit*. Corruerant etiam hæ paulò ante sub Nerone, breui postea interuallo instauratæ, illata quidem ab eodem Vesuuii clade, non publicitus per exilientes flammæ, sed latenter per interclusos spiritus, ac terræ concussionem. Id causæ est, cur hanc inter Vesuuij conflagrationes non numerem. In quo à veritate deflexit Io. Boccacius in tractatu de Montibus, vbi Vesuuijanum sub Nerone refert incendium: cum sub eodem, nulla incendij mentione facta, terræmotum referat Seneca, fortasse ad Neronianas cædes contremiscente tellure, suppressa intra Montem flamma, neque audente Vesuuii certare de sæuitia cum Nerone. Lapsi etiam videntur Eusebius in Chronico, & Platina in Benedicto II. quorum alter hoc incendium ad Nervæ, alter ad Traiani tempora referunt: cum ceteri omnes recenscant idem sub Tito. Neque discrepat Nicephorus testatus *Vesuuium euomuisse incendia sub Vespasiano*. nam hic vnà cum Tito imperauit, iunctis Imperij fascibus. De hoc eodem incendio loquitur Tacitus, qui, cum descripsisset Parthenopæi crateris fatigatas Tiberij luxu delitias; *Antequam*, inquit, *Vesuuius mons ardescens loci faciem verteret*. Extat ad eundem Tacitum de conflagratione hac Plinij iunioris epistola, in qua auunculi sui obitum ab obliuione vindicatū, posterorū memoriæ consecrauit.

Suet. & Dio
in Tito.

Plin iun. lib.

6. in epist. ad

Tacitum.

Orosius lib 7.

c. 9.

Niceph. lib. 3.

c. 12.

Cedrenus in

epitome.

Zonaras lib.

2. annali.

Sabellicus

enn. 1. lib. 6.

Io. Boccac. in

trac. de mon.

Senec. in lib.

de terram.

Eusebius in
Chron.

Platina in

Bened. II.

Niceph lib. 3.

c. 12.

Corn. Tacit.

Annal. lib. 4.

Plin. iunior

epist. cit.

fecrauit. Præerat ille classi maritimæ Miseni. cùmq; Vesuvianum incendium propius inspecturus quadremi Stabias accessisset, inter igneos afflatus intercepto spiritu interiit, scribendi, quàm viuendi peritior. Præbuit viro de Natura an optimè, an pessimè merito cum nece rogam Vesuvius. qui Bassum etiam poetam nescio quem, vt Abulensis testatur, vorauerat, Aetnæ in hoc quoque æmulator; cuius hiatus Empedoclem condidit.

*Abulens. præ-
rad. s. c. 101.*

*Horatius in
Poetica.*

*Xiphilinus in
Seuero.*

*Galen. lib. 5.
meth. 6. 12.
Montanus in
vita Galen.*

Secunda conflagratio contigit Anno ducentesimo quarto sub Seuero. Huius meminit è Dione Xiphilinus in Seueri anno decimo, qui in hunc Christi annum incidit. Huc spectare incendium, de quo, quasi de seculi sui lue, Galenus loquitur, facilis est coniectura: cùm Seueri temporibus vixerit.

*Maiolus col-
loq. 16.*

*Baron. in no-
tis Mart. ad
19. sept.*

*Marcellus. in
Chron.*

*Sigon. de Imp.
Occid. lib. 14.
Procop. lib. 7.
d. 6. 1. Goth.*

Tertia contigit Anno quadringentesimo septuagesimo secundo. Hanc tertio loco colloco. etenim, quam Maiolus refert à Ianuario compressam adhuc superstite, vt spuriam, ac nullius antiquioris testimonio fultam reiicio. Hanc verò non, vt in notis Martyrologij, Anno quadringentesimo septuagesimo primo, sed septuagesimo secundo, supputandam esse ex ijsdem notis colligitur. vbi auctor testimonio nititur Marcellini in Chronico; qui hoc incendium non refert sub Indictione nona, Leone, & Probiano Coss. vt perperam in ijsdem notis, sed Anno insequenti Indictione decima, Marciano, & Festo Coss. ad quem Annum id etiam reuocant Sigonius, & Procopius. Hoc incendium toti Europæ formidandum, Bizantinis cineribus nobile, clarius redditum, cùm Ianuarij patro-

patrocínio extinctum. Cessit exinde Vesuvius velut in aram Martyris: & ereptus flammarum periculo terrarum Orbis Ianuarius assertorem agnovit.

Baro. in notis Mart. loc. cit.

Quarta conflagratio contigit Anno quadringentesimo septuagesimo tertio. Meminit huius Procopius, testatus pluviis cineres in Phœnicia Tripolim decidisse.

Procop. lib. 2. de bello Goth.

Quinta contigit Anno quadringentesimo septuagesimo quarto. Indicat hanc verius, quam narrat idem Procopius. qui, cum incendium retulisset Anni quadringentesimi septuagesimi secundi: addit ab eodem *Vesuvio illapsam cinerem Anno insequenti, & altero*. Tria hæc per tres annos succedere sibi continenti serie incendia: ne nos vno incendio defuncti, periculo etiam, metuque defunctos arbitraremur. enimvero crescit quiete plurimum seculorum, collecta ex longo rabies, quæ in plures annos effunditur: neque semper tanta vorago clade vnica satiatur.

Procop. ibid.

Sexta contigit Anno quingentesimo duodecimo. Refertur à Sigonio, & (vt idem animaduertit) de hac scripsit Cassiodorus celebrem illam epistolam, in qua grandiore stylo rei magnitudinem assequitur. Porro arguuntur erroris ij, qui eandem epistolam trahunt ad conflagrationem Anni quadringentesimi septuagesimi secundi: cum Theodoricus, cuius nomine data est, regni gubernacula sit aggressus Anno quadringentesimo nonagesimo tertio.

Sigo. de Imp. occid. lib. 16. Cassiod. lib. varia. ep. 50.

Baro. To. 10. Gual. in chr. seculo 4.

Septima contigit Anno sexcentesimo octogesimo quinto. Huius meminere Sigonius, Sabellius, Platina. Contigit autem sub Constantino,

Sigon. de Regno Ita lib. 2. Sabell. Enn. 8. lib. 6.

K

non

*Platina in
Bened. II.
Theatr. vite
hu n. lib. 1.
colum. 23.*

*Procop. lib. 2.
de bell. Goth.*

non primo, vt quidam falsò, sed quarto, vt auctor est Sigonius. Hanc recenseo septimam. Nam, quam alij contigisse narrant Anno quingentesimo tricesimo septimo, seu potius octauo, Anno post captam à Belisario Neapolim (si Procopio credimus, ex quo id alij se fatentur hausisse) non conflagratio fuit Vesuij, sed mugitus. quo audito, quasi classicum præcinuisset, solitum à Monte bellum, hoc est, incendium timebatur, timore, vt euentus docuit, irritò.

*Sigon. lib. 7.
de Reg. Ital.*

Baro. To. 10.

*Petr. Dam. in
epist ad Domi-
nicum Loricatum.*

Octaua conflagratio contigit Anno nongentesimo octogesimo secundo, vt Sigonius, vel tertio, vt Baronius. Quippe Mons flagrauit sub aduentum Othonis II. in Italiam, quem huic anno adscribit Sigonius, proximè insequenti Baronius. Hoc incendium, vt supra è Petro Damiani narrauius, malorum Dæmonum facibus excitatum, Ioāni Neapolitanæ vrbis Duci, & Pandulpho Capuæ Principi funestissimæ fuit mortis auspiciū, igne Vesuuiano euadente in portentū, ac prope in cometen, omen claro plerūque sanguine expiatū. Conflagrationem hanc octauo loco recenseo. neque enim eam admiserim, quam alij obtrudunt in Annum octingentesimum septuagesimum nonum: cū hanc sponte confingi appareat ex ipsomet teste, quem producunt, nempe Eremperto: apud quem ne tenuis quidem huius incendij fumus. narrat enim tantummodo Saracenos ad Vesuij radices castra posuisse, indeque excursiones fecisse. quod non est è Monte flammam exarsisse, sed bellum.

*Eremper. in
epto. Longeb.*

Nona contigit Anno nongentesimo nonagesimo

mo

mo tertio. Meminit Baronius ex Glabro Rodulpho monacho Cluniacensi, scriptore illorū temporum. Ad hanc reuocanda sunt ea, quæ ex Petro Damiani diximus de Guaimario Salernitano Principe. qui, dum proxima post incendium nocte cum pellice, periculi securus, metuq; solutus concumberet; infelix subito extinctus est, Vesuviano igne Tartarei veluti prodromo. Enimvero, cum nepos eiusdem nominis, ex Cassinensi Chronico, diem extremū obierit Anno millesimo quinquagesimo primo; constetque avum decessisse in incendio Vesuviano: id ad anni huius incendium referri commodè potest. si quidem inter obitum avi, & nepotis interualla temporū sibi congruunt.

Decima conflagratio contigit Anno millesimo tricesimo sexto. Huius meminit Anonymus Cassinensis in Chronico. Neque audiendi sunt ij, qui Capaccij auctoritatem secuti, aliam ante hanc cōflagrationem agnoscunt Anno millesimo vicesimo quarto. nam idem dubitare se fatetur, an contigerit sub Benedicto VIII. an sub IX. sub quo eam ponit Anonymus. cui, tanquam antiquiori, fidem conciliat ipsamet superioris æui veneranda canities.

Vndecima contigit Anno millesimo centesimo tricesimo nono. Ita Falco Beneventanus, & idem Anonymus Cassinensis in Chronico. qui refert, *per quadraginta dies Vesuvium incendia eructasse*: ne scilicet diluvio aquarum mora temporis cederet, quod diebus totidem perduravit, hausitque Orbem terrarum. Hanc Anonymus collocat sub Anno tricesimo octauo. Sed videtur loqui pu-

Baro. To. 10.
Claber Rodulph. apud eundem.

Petr. Dam. epist. cit.

Cass. Chron.

Anonym.
Cassin. in Chron.
Capaccius in histor. Neap. lib. 2. c. 8.

Falco Benev.
& Anonym.
Cassinensis in Chron.

*Leo Ost. lib. 2.
cap. 84.*

*Petr. Dam. in
epist. ad Do-
minicum Lo-
ricatum.*

*Sigonius lib.
7. de Regno
Italia.*

*Baro. To. 10.
Idem To. 11.*

gnantia: cūm dicat, hoc anno incendij Romæ cō-
cilium celebratum de damnatione partis Anacle-
ti, & obijſſe Rainulphum Apuliæ Ducem. quæ qui-
dem duo eueniſſe conſtat anno proximè ſequen-
ti: ſub cuius ſactis refert incendium Falco Bene-
uentanus in Chronico, ſcriptor eorundem tem-
porum. Ante conflagrationem hanc conſultò aliā
omitto, quæ refertur à Leone Oſtienſi ſub Anno
milleſimo nonageſimo quarto, fatalis, vt Leo nar-
rat, Pandulpho Capuæ Principi. Hæc autem con-
tingit, teſte Petro Damiani, cuius pæne eadem ver-
ba tranſcribit Leo, ſub aduētum in Italiam Otho-
nis II. qui incidit in Annum ſiue nongentefimum
oſtogefimum ſecundum, vt probatur Sigonio, ſiue
tertium, vt Baronio. Neque me fugit, eundem Ba-
ronium ſemet erroris accuſare, quòd Pandulphī
huius mortem, anticipata plus æquo narratione,
retulerit Anno nongentefimo oſtogefimo tertio,
traducendam ad Annum milleſimum quadrageſi-
mum nonum, quo conſtat Pandulphum Capuæ
Principem è viuīs ereptum. Sed proſectò, niſi inſi-
mulare velimus errati Petrum Damiani, & Deſi-
derium tunc Caſſinenſem Abbatem, poſtmodum
Victorem III. cūm duo Othones Secundi Impe-
ratores geminari nequeant; duo Pandulphi, Ca-
puæ Principes admittendi ſunt. Alter, qui vnà cū
Ioanne Neapolitanæ vrbiſ Duce, imperante
Othone II. è vita exceſſerit inter excurrentes è
Veſuuiio flammas, ſempiternæ vtrique flammæ
prænuntias; quemadmodum paulò ante, iſdem
auctoriſ, narratum eſt. Alter, ad quem multò
poſt vita functum Leo Oſtienſis, ſimilitudine no-
minis

minis deceptus, ea detorqueat, quæ priori Pandulpho à Petro Damiani, & Desiderio Abbate sub Vesuvianum incendium tribuuntur. Nimirum ipsamet antiquitas tenebras offundit historijs: cum multa per annorum lapsus intercidant, & quadam veluti fumosæ vetustatis caligine intra temporum inuolucra condantur.

Duodecima conflagratio contigit Anno millesimo quingentesimo. Huius meminit Ambrosius Nolanus, ex quo Capaccius. Hanc quidam propterea rejciunt, quòd nulla à maioribus nostris ad nos traducente memoria, tam recentis incendij scintilla deuenit. Addunt deceptum Ambrosiũ à cinere, qui sub idem tempus Puteolis depluit. Equidem non facile adducor, vt credam hominem, instituto Philosophum, patria Nolanum, surgentem in prospectu Nolæ Vesuium non discretuisse ab vrbe Puteolis, ex aduerso Montis collocata. Hæ conflagrationes à Christo nato præluxere postremæ huic Anni millesimi sexcētesimi tricesimi primi: cuius narrandæ prouinciam suscepimus. Plures nõ adnumeratæ, quia veras à fictitijs excreuimus. Nullam ante Christũ Vesuij conflagrationem agnoscit Maiolus: sed primam omniũ recenset sub Tito. quod tum è Strabone colligit dicente, nunquam antea incendium Vesuvianum auditũ; tum à Plinio. qui scriptor naturalis historiæ neque Vesuium inter Montes incendio celebres collocat: neque eiusdem insanas eruptiones prænouerat, quando in eas imprudens incidit, ignoratorem testatus interitu. Verũ in re apertissima hæ coniecturæ planè nihil efficiunt. Quippe Plinio

Ve-

*Maiol. col-
loq. 10.
Strabo lib. 5.
Geogr.*

Vesuvius excidit, quem non erat calamo nobilitaturus, sed funere. In flammam verò Vesuvianam incidit videndi avidior, quàm viuendi; Dei numen, ac nutum, quem è medio planè sustulerat, flammis vlciscente Natura. Quòd verò ad Strabonem spectat, ex eodem oppositum colligo: cum ibidem animaduertat è combustis lapidibus iam tunc Monti adiacètibz pràterita incèdia conijci. Et verò Berofus (si tamen Berofus, & non alius quispiam suppositio nomine) incendium Vesuvianū omnium ætatum memoriæ antiquissimum refert his verbis. *Italia tribus in locis arsit multis diebus apud Istros, Cymeos, & Vesuvios: vocataq; sunt à Ianigenis loca illa Palensana, idest, regio cōflagrata.* Collocat autem hoc incendium sub Anno tricesimo secundo Aralij Assyriorum Regis VII. qui vixit anno Mundi bis millesimo, centesimo nonagesimo septimo, diluvij quingentesimo quadregesimo primo: vt non multò post diluvium aquarum has ignis excursiones veluti prænuntias habere-mus ignei diluvij, claudentis vitæ humanæ fabulam conflagratione Orbis terrarum. Huiusmodi incendium eodem fere tempore euenisse traditur, quo aduentus Phaethontis in Italiam. Quamobrem ansam existimatur dedisse fabulæ, quòd Phaethon solaris currus auriga novus, devios equos tractandi nescius terras perusserit. quibus adumbrabatur Vesuvianum incendium, Solis, vt putabant, solito ardentioribus radijs excitatum. Hæc ex Ioanne Annio Berofsi interprete. Neque Berofus, aut quisquis auctor ille sit apud Possenium, & plerosque suspectæ fidei, incorruptis testibus.

Plin. lib. 1. c. 7

Berosus anti-
quit. lib. 5.

Io. Annii in
locum cit.
Berofsi.

Possenin. in
Bibl. lib. 1.
cap. 16.

bus destituitur : nam Lucretius ita cecinit ,

Qualis apud Cumas locus est, montemq; Vesuum, Lucr. lib. 5.

Oppleti calidis ubi fumant fontibus auctus.

Quamuis hunc locum aliter legant alij, reponen-
tes perperam contra metri leges, Misenū, pro Ve-

Lambinus in
Lucr.

seuo. Florus etiam refert, prope Nolam obsessos à

Florus lib. 3.
de bel. Spar-
taco cap. 26.

Clodio Glabro in bello seruili seruos, per cauas

Vesuuij fauces viteis funibus occultè lapsos, re-
pente in hostes irrupisse impruidos, nec opinan-

tes. Causus ergo iam tunc per patentès fauces ad

imam voraginē aditum præbebat Vesuuius, non

dubiū antiquioris conflagrationis indicatiū. Strabo

præterea fertilitatem camporum, qui sub Vesuuiio

iacēt, cineri adscribit sæpius in ea loca delapso. His

accedit Vitruuius testatus, *incēdia Vesuij antiqui-*

Vitruuius
lib. 2. c. 6.

tus abūdasse. Adstipulatur iisdē Diodorus Siculus.

Qui quidem omnes florere sub Augusti imperio.

Addit Diodorus, *campos Phlegræos dictos à colle,*

Diodor. Sicul.
lib. 4. Bibl.

qui olim plurimum ignis, Aetnæ instar, euomens nunc

Vesuuius vocatur. vnde liquidò colligas, Montem

hunc antiquissimè Phlegram dictum; campos Ve-

suuianos, Phlegræos, assentienbus Strabone, &

Strabo lib. 5.
Plin. lib. 3.
c. 5.

Plinio, à quibus id hausit Sabellicus. Hi, vt idem

animaduertit, campi sunt illi Phlegræi, quos men-

dacijs Græcia inspersit suis, cū cecinit, bellatum

in ijs à Gigantibus contra Deos, debellatis pri-

mūm ab Hercule, qui ibidem Herculaneum condi-

dit, tum fulmine, & igni hac, illac disiectis, fulmina,

& ignes etiam num regerētibus aduersus Cælum.

Itaque ex antiquissimis conflagrationibus Mons

hic sedes Gigantei belli confictus, & Phlegra di-

ctus, postmodum Vesuuij nomen accepit. quæ

VOX

*Galen. lib. 5.
meth. c. 12.*

*Boeth. lib. de
consolat. me-
tro 4.*

*Tertul. apol.
contra gen.
cap. 40.
Idem in lib.
de pallio c. 2.*

Dio in Tito.

vox, hausta fortasse significatione ab antiquiori-
bus Græcæ linguæ fontibus, idem significat, uti
testatur Galenus, *ac ignem emittens*: uti insitum,
Monti huic incendium ipsamet sonet, ac spiret no-
menclatura: ac tum demum ignem emittere desi-
nat, cum desierit esse Vesuvius. Meminere etiam
Vesuvianæ flammæ inter Patres Boethius, ac Ter-
tullianus: ille his versibus,

*Aut ruptis quoties vagus caminis
Torquet fumiuomos Veseuus ignes.*

Tertullianus verò in Apologetico cōtra Gentes,
ubi Christianam religionem ab ea calumnia vin-
dicans, quòd calamitates Romano imperio im-
portasset, *nec Tuscia*, inquit, *atque Campania de
Christianis querebatur, cum Volturnus de Cælo, &
Pompeios de suo Monte perfudit ignis*. Hæc ille.
è quibus non obscurè assequi coniectura licet Ve-
suvianum incendium ante Christum; quo etiam
conflagrarint Pompeij: cui oppido familiare ma-
lum conflagratio. Quippe si id, quod Tertullianus
recenset incendium, contigisset post Christum,
corroboraret eo argumento ethnicorum calum-
niam, non enervaret. Denique controuersiam di-
mitit Dio, qui narrans incendium à Vesuvio exci-
tatū sub Tito, apertè testatur, *hæc in eo fere quotan-
nis fieri solere*. Hinc arguas multò sapius, quàm ad-
notauimus, arsisse Vesuvium. Sed minora quidem
incendia, quibus ob assiduitatem animus occal-
luerat, ab historicis neglecta: clariora verò luci, ac
memoriæ mandata, eorumq; veluti fauillæ trans-
missæ ad posteros. Inter ea omnia postremū hoc,
quod adhuc viuit incendium, non postremū obti-
net

net locum. Conuenere in id vnum, quæ apud veteres annales in ceteris distributa reperio, pluuiæ cinerum, iactatio lapidum, torrentes ignei. Illa singularia, & quæ priorem memoriam superant. Vesuij bombus auditus non in Apulia solum, ac Samnio, sed etiam ultra Adriaticum in Dalmatia: lapis pluuius non modò, vt sub Tito, in agro Vesuuiano, sed procul quoque in Melphitano, vbi ferro insuper pluit, & chalybe: cinis ultra primam aeris regionem euectus, & ad decem fere millia passuum supra Montis apicem elatus, mathematico Quadrante altitudinis exploratore: Fons prope Pompeios in cœnobio monachorum S. Petri Cælestini simul aqua manas & igni, parua quædam Montis per id tempus flamma, & vnda debacchantis effigies: aquarum vnà cum ignibus eruptio, quæ sola vastitatem importasset: ignis indeptus maria, & in vndas, quasi in alienam ditionem, intrusus, per decem dies, & eò amplius exardescens fluctu; hæc profectò antiquitati noua, futura fortasse posteritati vnica. Illa etiam admirabilia, atque antea vix audita. Quercus duæ è Monte diuulsæ, & halitu igneo in viam publicam exturbatæ inter Herculaneum, & Pompeios, radices ibidem subito iecerunt ex sese, flamma ipsa veluti conserere condiscante. Arbor alia eradicata, versus cælo radicum fibras ostentat, ramis terræ suffixis, inter clades, Naturæ lusus. Prædium integrum prope Herculaneum cum arboribus, pecudibus, casa, è sedibus diuulsum suis, atque in altum elatum, mox eodem spiritu ductum longius: vt, mutatis vicibus, cum ignis tellure deflueret, tellus

L

per

per aerem volitaret . Non defuit aliquid inter tot lacrymas risu dignum . Cella vinaria dimota ex agro Nolano, procul inde ad Palmæ planitiem integra vnà cum dolijs traducta . quæfita , reperta . agnitum solum, parietes, fores, dolia . Solum integrum, parietes erecti, fores obfignatæ, dolia intacta . sedem hæc, non fortunam mutauerant . Quod subdo, minus ad speciem, sed non extra ostentum . Vidi ego Herculani, quæ inter bituminatas flammæ obdurauerant, mella planè saxeæ, nouo prodigio priscis aduersante, neque, vt olim, *mel de petra*, sed è melle petram reddente . Allatum est etiam humanum caput, quod speciem lapidis induerat, tanquam è lapidicina recens excisi . caput hominis dicebatur . lapidem ego esse, iureiurando affirmassem: nisi minuta etiam lineamēta verticis, &, quæ nulla confingi arte poterant, officulorum vertebræ fidem miraculo ita fecissent; vt circumferri inhumatum religioni duxerim . Ouidianas metamorphoses, & Niobem Gorgoneo Medusæ aspectu obuersam in lapidem, fabulis decantatas, inter historica prodigia comperi, non iam Silari flumine, vt auctor est Plinius, iniecta omnia reddente lapidea, sed igneo, & bituminato torrente . Iam verò, quod ad perniciem attinet, vicinus profectò maiorum memoriam clade nostra . Oppida Pompeios, & Herculano nouimus, Veseuo conflagrante, Tito imperante, euerfa . Nihil tum depagis alijs traditum . Contumulati nūc cum Pompeijs, & Herculano multi pagi, atque oppida condecorauere clade m . Plures, quàm triginta, numerantur . S. Georgij, S. Sebastiani, Boschi, Massæ,
No-

Denter. 32.

Plin. lib. 2.
6.103.

Nouellæ pagi funditus periere. Nihil pæne in his
 flammam euasit, non domus, non casa, non arbor,
 non stipēs, non res, non reclusa. Octauianum, oppi-
 dum Octauiani Medicei ditioni subiectum, Octa-
 uiani Augusti hospitio nobile, Retina, Porticus,
 Trochia, Pollena, Summa, à quo oppido Mons
 apud Italos appellationem accepit, magna ex par-
 te vel diruta, vel sepulta. S. Anastasius, Barra, Leu-
 copetra, non fuere sine querela. Nolæ amplissima
 Virginum cœnobia collapsa: plurima etiam spo-
 liata imbricibus tecta non tegunt. In pagis Mari-
 liano, Brusciano, Cisterna, Siciniano, Pomiliano,
 Castronouo magna ex aquis, & cinere clades ac-
 cepta. Mitto Montemfortem, Abellinum, Tripal-
 dam, Forinum, Solophram, aliaque oppida non
 pauca: quæ, quamuis procul à Vesuuio distent;
 præsentissima tamen damna senserunt. Quinque
 ferè millia hominum hoc incendio extincta cre-
 duntur. Tanta internecione iustæ diuini Numinis
 iræ parentatum est. Iactura bonorum, quam anget
 præcipuè agrorum vastitas, & armetorum clades,
 tanti à peritioribus æstimatur; vt magnitudo ipsa
 minuatur fidem. Supputatur summa bis centies cen-
 tum millium aureorum. Ita in eo lapidum iactu di-
 lapidata bona Campaniæ pæne totius: & tot secu-
 lorum opes in vnius diei rogum congestæ. Equi-
 dem, quid de tam ingenti iactura omnino, & ada-
 mussim sentiendum sit, non decerno. Expendat
 quisque pretium ad suæ lancem prudentiæ. Illud
 generatim affirmo, quod à cordatis sæpius audio,
 in ceteris famam dicendo inualescere; in Vesuuia-
 no incendio minorem esse famam, quàm flammā.

L 2 Neque

*Cassiodor. lib.
var. epist. 50.
Dio in Tito.*

Neque id mirum. Nempe Vesuvius (vt ille, qui olim Dianæ fanum incendit) famam sibi captavit à flamma: quæ tamen ne ipsi quidem pepercit. Integrum perstare ex utroque latere Montem, dum flammis cetera diruit, mirantur Cassiodorus, & Dio. nunc nō prius in ruinas aliorum incubuit, quàm sibi pararet suam. Erat Vesuvius, vt modò diximus, biceps, geminis, ac præaltis rupibus in cælum erectus. atque in eo vertice, quò mari subiecto imminebat, vorago quædam spectabatur perexigua, quæ nihil de acuminato, ac veluti turbinato fastigio detrahebat. Hæc, si Octauiani oppidi incolis, qui eò venatum itabant, habenda est fides, paucis ante conflagrationem diebus obstructa est, lateribus inter se coeuntibus. Omnia quippe venatores in summo Monte plana, & æquata, se reperisse testantur. Quæ subita obstructio, profectò admirabilis, oriri aliunde non potuit, quàm à subterraneis spiritibus, qui substratum voragini solum ad Montis usque cacumen extulerint, hiatumque præcluserint. Hinc factum arbitror, vt flamma, cùm sæuire cœpit incendium, non è fastigio, sed (vt plerique constanter affirmant, qui rem attentius, ac propius inspexere) è latere Montis erumperet, novis hiatibus patefactis. quibus postmodum materia decidua facilè oppletis, flammæ, ac spiritus, dum in sublime tolluntur, ac priori relecta voragine, pristinum exitum retentant, ipsum Montis apicem exturbarunt, quasi obruncato Vesuvij capite in ipsa molitione criminis. Concessum sanè communis ruinæ solatium, suppliciumque eius, qui intulit: &, si sub tantam cladem iocari licet

cet

Cet amarius, Mons tanquam publicus incendia-
 rius multatus est. Iamque ex occidentali latere si-
 ne vilo culmine apparet, magna etiam sui parte
 deiectus. Ducētis fere quinquaginta passibus geo-
 metricis, si cum altero Montis vertice conferatur,
 decubuisse Mathematiciprehenderunt. Desce-
 uerat olim flamma in Montis viscera, innoxijs ijs,
 quæ prominebant: nunc apex, & collum euanue-
 re, tunc euiscerato, nunc decurtato Vesuuio. quā-
 tumque accreuit hiatui, tantum de Monte decre-
 uit, planè in voraginem decessuro, si vltius flam-
 ma grassetur. Non defuere quidam paucis ante
 diebus ausi procumbere ad os voraginis, qui affir-
 mant eam solo terminatam (quantum oculo iu-
 dice conijci poterat) mille fere passus desidente
 infra crepidinem: fumum nouem ibi è caueis in-
 sublime submitti magno montis murmure, illique
 simillimo, quo intra caminos crepitare solet ignis,
 dum æstuat: fumeos per foramina turbines, mul-
 ticolores assurgere, quæ nigricantes, quæ candicā-
 tes, quæ subuirides, quæ subrufos pro materiæ dis-
 crimine, vnde ducuntur: primùm ferri diductos;
 tum sensim coire, donec circa Montis cacumen,
 coalescant in nubem: à qua nos adhuc cineream
 procellam, atque imbres igneos formidamus. Hic
 status Montis, dum hæc scribo.

Causa, & origo conflagrationum, vt extrema
 narratione ad hanc tandem accedam, à quibusdā
 refertur ad congressiones, aspectusque syderum:
 nimirum cum exorbitans octauus circulus in Mar-
 tis afflatum igneum incidit. Ego imbecillis esse
 duco ingenij, ad latentes, & generales causas con-
 fugere

*Io. Annus in
 Beresi antiq.
 lib. 6.*

fugere in ijs, quæ apertas, & propiores agnoscunt. Sinamus, quæso, sydera scintillare innoxia: & incendiarium terris deprehensuri, Cælum tanto crimine liberemus, Astrologis astra incusantibus, à quibus ipsorum mendacia verius accusentur. Alij, vindicato ab ea calumnia Cælo, causam subterraneis ignibus tribuunt, Vesuij viscera exedentibus, quæ exesa, & exusta cogatur egerere. In hanc, quia plana videtur, captuque perfacilis, multi pedibus iuere sententiam: à qua ego magna ex parte dissentio. Non inficior, multa loca subterraneis ignibus ardere. sed aio ea, quæ sic ardent, loca die, noctuque vicissim fumum, ac flammam exhalare. Ita montes Olympus, & Theon in Aethiopia; Chimæra, & Hephæstij montes in Lycia, Cophantus in Bactris, Cestia apud Medos, Argeus in Cilicia, Hecla, & Helga in Islandia, Vulcanus in insulis Aeolijs, Aetna in Sicilia, & ne longè diuager, Puteoli ipsi prope Vesuium. In his fere fumus apparet interdium, & saltem noctu flama collucet. Quod animaduertens Aristoteles, *Flagrant, inquit, in Medijs, & Psittacinae gentis, ac Persidis confinio ignes; quos quidem interdium, noctuue percipere licet. qui verò in Pamphylia cremant, noctu duntaxat percipi possunt.* Vehementissima vis est ignis, dum caminis occluditur; & mox, facto sibi spiramento, foras erumpit. Porro Vesuium videmus per integra secula cōquiescere, nullo vnquam flammaram, nullo fumi vestigio. Quis credat, ignē perpetuò sub eo ardere consopitum, ac nullo se prodentem indicio, excitandum post secula? Clauditur intra Vesuium vis ingens bituminis, nitri,

*Plinius lib. 3.
c. 106.*

Arist. de admirand. audit.

*33. & 123.
Maiolus coll.
16.*

*Conimbric in
Meteor. tract.
12. c. 3.*

Arist. de admirand. 33.

nitri, sulphuris. si æterna ibidem flamma clauderetur: cur per tam longas moras à paratissima sibi materia temperaret? Nūquam sanè otatur ignis: admotam escam corripit incredibili voracitate, rerum heluo: neque profectò, quasi secularibus pactis inducijs, tamdiu abstinuisset à clade, si tamdiu sub Monte vixisset. Quod verò scribit Ambrosius Nolanus, cōsueſſe aliquos Augusto mense se in vaporaria conferre ad Vesuuium; id referendum non est ad flammās, quæ indidem perpetuò fumum exhalant; sed ad vapores spiritibus calidis immistos, sulphureo infusos halitu: qui capiti tum exiccando, tum etiam roborando hauriuntur salubriter. Equidem non negauerim, perennes aliquando ignes arsisse sub Vesuuiio: sed per idem tempus fumo, flammaque se prodidisse arbitror, eodem plane modo, quo Aetna, montesq; ceteri, qui ignes nutriunt. Luculentissimum huic sententiæ testimonium ferunt Dio, Solinus, Procopius, Florus, Cassiodorus. Dio in Tito de Vesuuiio loquens, *Fumum, inquit, interdium, noctu flammam reddit; ita ut in eo suffimenta cuiusvis generis fieri semper videantur.* Solinus, *Quod, inquit, in Campania Vesuuius, in Sicilia Aetna, hoc in Lycia mons Chimæra est, nocturnis æstibus fumum exhalans.* Procopius inter cetera, quæ de Vesuuiio refert, *Ignem, inquit, ex ima parte existere quiuis poterit cōspicari, qui in eius voraginis supernum os ausit procumbere. inde & flamma in semet confota altius excitatur: nulli tamē eius regionis homini negotiū exhibet.* Florus Vesuuium esse affirmat *Aetnei ignis imitatore*. Denique Cassiodorus in epistola, quam præ-

Ambros. Nolanus de situ Nola lib. 1. c. 1.

Dio in Tito.

Solin. c. 40.

Procop. lib. 2. de bell. Goth.

Florus lib. 1. cap. 16. Cassiod. var. epist. 50.

prælibauimus, Vesuuium appellat *perpetuam fornacem, arenas emittentem puniceas*. Cum igitur multis ab hinc seculis neque ignis, vt antea, conspiciendum se præbeat per os voraginis; neque inde vicissim per diem fumus, per noctem flamma reciprocant: iure conijci potest, Vesuij subterraneos ignes per plures, & ingentes excursiones auolasse. atque adeo, cum nullum, nisi per interualla seculorum, fumi extet indicium; nullum ibidem perpetuò ignem occludi, sed præuio materiæ apparatu per interualla progigni. Huius originem inde petendam duco, vnde origo petitur ignis, qui è nube profilit, quando in tonitrum, ac fulmen eliditur. Nubes quippe crebrius, quàm Montes, suis quoque exardescunt incendijs; quæ hoc fere modo excitantur. Tolluntur spiritus calidi vi Solis è terra, aquosis immisti vaporibus, atque vnà quodammodo peregrinantur. dumque in aeris regione media, vbi grando, niuesque gignuntur, incremento frigoris constipati vapores humidi concrescunt in nubem: spiritus, quasi hoste obsidente, per antiperistasin inter sese cocunt, & collecta vi acrius incalescunt. Vt incaluere, laxantur: nam calor partes laxat, quas frigus addenset. laxati spatiosiores sedem exposcunt. nubes, ne perrumpant, obsistit. illi ad latera nubis elisi, atque ipsa met conflictatione, ac motu succensi, nube tandem disrupta, eduntur in tonitrus, micant in fulgetra, erumpunt in fulmina, terrores mortalium, excidia turrium, clades montium. Eidem planè causæ Vesuuiana, quæ identidem existunt incendia, adscribenda censeo. Par conflagrationis vtriusque conditio, & eius,

eius, quæ intra nubium, & eius, quæ intra terræ viscera, gignitur. In hac quoque Mons intonuit: micuere fulgetra: exertati lapides ignei, vera fulmina. In eruptione fulminum concussio aeris; in eruptione Vesuuiana terræmotus contigere. Ex eadem autem causa proficisci docet in meteorologicis Aristoteles *in terra terræmotum, in nubibus tonitrum*. Delitet intra Vesuij recessus, perennis nō quidem ignium, sed calidarum exhalationum copia. pars è vicino mari suffunditur: nam ijs mare abundat, vnde falsedo. pars è cauernis Puteolanis transmittitur, breuissimo interuallo disiunctis; quæ perpetuis ignibus æstuant. pars intra Montis gremium virtute Solis efficitur: qui, quemadmodum aurum, argentum, ac metalla cetera, ita etiam in terræ sinu spiritus procreat, siue solari calore permeatus traducto, siue latenti, & occulta vi. Quapropter Aristoteles, à Sole, inquit, *in terra multus quidem extra, multus quoque intra fit spiritus*. Comprobat hoc idem olei scatebra, quod circa Porticus per latentes caueas è radice Montis emanat, morbis frigidis leuandis aptissimum, calidarum exhalationum index, quæ Montis gremio confoventur. Itaque, cū spiritus Vesuij penetralibus occlusi, atque expiratione intercepta veluti strangulati, se se foras efferre contendunt: ita cientur; vt multò acrius recalescant: ita recalescunt, vt exardescant; ita exardescunt, vt tandem disrupto Monte in flammæ erumpant. Hanc incendiorum causam in libris Meteororū insinuat Aristoteles. qui, *terra, inquit, rupta, exiit spiritus multus, & fauillam, ac cinerem eleuauit, & Liparaeorum ciuitatem*

Aristot. lib. 2.
meteor. summa
4. c. 1.

Aristot. lib. 2.
meteor. summa
3. c. 2.

Arist. ibidem.

M cxi-

existentem non longè, omnem incineravit: & ad quas-
 dam in Italia ciuitatum venit. etenim facti ignis in
 terra hanc putandum est esse causam. Sed quoniam
 hæc spirituum copia multis est insita montibus, à
 quibus nullum creatur incendium: potior aliqua
 indaganda est ratio, cur conditi intra Vesuuium
 spiritus conflagrent, idque non semper, non saepe,
 sed per longissima interualla. Tria sunt, quæ rara,
 sed magna Vesuuio incendia pariunt, cauernarum
 vastitas, soli tenacitas, bituminis & sulphuris co-
 pia. Cauernosum esse Vesuuium, oculi compro-
 bant defixi ad hiatus, quos aperit. Olim perduel-
 les à Clodio obsessos, per Vesuuij cauernas elap-
 sos, paulò ante narrauimus è Lutio Floro. Ingen-
 tes intra Vesuuium caui à subterraneis ignibus or-
 tum duxere, saxa excauante flamma: quæ tandem
 elapsa est, exeso Monte, ac prope exossi relicto.
 Inde cauernarum inanitas, in quibus, cùm liberè
 spiritus dispatiari possint, non adeo pertinaciter
 eruptionem meditantur, ac fugam: donec per se-
 culorum spatia numerosiores, ne cauernarū qui-
 dem vastitate contenti, ad superni aeris immens-
 tatem adspirent. Hinc perduelliones, tumultus,
 eruptiones post secula. His ita se spiritibus longo
 æuo cauernosus Mons ingurgitat; vt identidem
 cogatur euomere. Non latuit ratio hæc Aristote-
 lem, solertissimum causarum latentium indagato-
 rem. qui de terræmotibus agēs, *Quicumque, inquit,
 laxa habent, quæ subtus loca, multum suscipientes spi-
 ritum, concutiuntur magis.* Eadem autem materia,
 quæ dum terræmotus ciet, parturit; dum perstat,
 parit incendia. Huc accedit soli tenacitas. Siqui-
 dem

Arist. ibid.

dem siccum est Vesuvianum solum, pertinax, pu-
micosum, argillosum, arenosum. Testantur id are-
næ, quibus adeo largè pluit in agro Bariensi, ac
Melphitano; vt littora crederes exarenata. Testan-
tur Vesuviana vina viuida, neruosa, generosa, quæ
diluta non eneruantur; per mare deuenta, vires
etiam ab aquis accipiunt. Testatur denique solum
ipsum bibulum, aquas pluuias quācitissimè exor-
bens, nullo recentium imbrium seruato vestigio.
Cum igitur orta è siccitate durities expirationi
obstet: fit, vt perdifficilem spiritus reperiant exi-
tum: &, cum reperiunt, ipsamet duritie soli oblu-
stantis vehementius excahdescant. Hinc per in-
terualla rara conflagrationes maximæ. Denique
in idem conspirat oleaginea, & bituminata mate-
ria: quam Vesuuus tanta copia exegit; vt bitumi-
nis torrentes decurrerint. Bitumen facilè flāmam
& concipit, & nutrit. quippe Naphtha, genus bi-
tuminis, teste Plinio, non secus ac magnes ferrum,
procul ad se ignem pertrahit. Ita Iasonis pellicem
à Medea æmula crematam, fabulis tradidere Græ-
ci, igne in coronam naphtha illitam insiliente.
Bituminis cognatam igni naturam ostendit lacus
Asphaltites. Hic, vt animaduertit Iosephus, situs
in regione Sodomorum, quæ incēdio periit, bitu-
minis magnam vim emittit aquæ supernatantem.
*In Apollonia quoque bitumen fossile nasci, nec longè ab
ea regione ignē omnibus anni temporibus flagrare, au-
ctor est Aristoteles.* Demū à bitumine Babylonico
ignem constantissimè detineri, neque aqua extin-
gui, sed vel cœno, vel alumine, refert è Leandro
Maiolus. Quodlibet verò bitumen, si semel inar-

Plinius lib. 3.
c. 105.
Plin. ibid.

Iosephus de
bello Iudair.
lib. 5. c. 9.

Arist. de ad-
mir. audit.
123.

Maiolus col-
loq. 18.

M 2 ferit,

*Conimbr. in
meteor. tract.
13. c. 1.
Tacit. lib. 13.
annal.*

*Abulensis pa-
rad. 5. c. 103.*

Iust. hist. 1. 4.

ferit, flagrare inter aquas, testantur Conimbricenses; qui de hoc eodem ignis genere interpretantur id, quod Tacitus refert, sub Nerone igni terra edito villas, arua, vicos, passim correptos, neque extinguere potuisse; non, si imbres caderent; non, si fluuiialibus aquis, aut quouis alio humore niterentur: donec inopia remedij, agrestes quidam eminus saxa iecere. Hoc idem de Vesuuiano bitumine semel accenso experientia docuit, noua vndarum cum flammis commercia pacifcente Natura. Materies hæc bituminata superioris ætatis conflagrationibus egesta, denuo per temporum moras enata, nouo semper semina incendio sufficit. Bitumini sulphuræ quoque interseruntur venæ: vt apparet è lapidibus, quos Mons effudit, plerumque sulphur olentibus. Ex his causam odoratur incendij: cui concipiendo sulphur aptissimum, nutriendo bitumen. Hanc earum conflagrationum originem, quas in Vulcano, & Aetna perpetuò, in Vesuuio subinde experimur, agnouit Abulensis, dum ait, *modum, quo ea fiunt, talem esse. quia quilibet horum montium multas concauitates sulphure plenas habet; & inflammatur sulphur in aliqua earum. & dum illa combustio durat, ardet sulphur, & fiunt eructationes ignium.* Idem de Aetna Iustinus tradidit, qui philosophico sale inspergens historiam, Ignibus, inquit, generandis, nutriendisque soli ipsius naturalis materia. Quippe intrinsecus stratum sulphure, & bitumine traditur. Quæ res facit, vt spiritu cum igne inter interiora luctante, frequenter, & compluribus locis nunc flammæ, nunc vaporem, nunc fumum eructet. Igitur, vt compendio cuncta complectar, calidi spiritus in cauernosis

noso Monte magna copia per seculorum diuturnitatem aggesti, ac tenacissimo solo constricti, per antiperistasi eo, quo ante diximus, modo exarsere: & bituminatam, ac sulphuream nacti materiam, illa miscuere inter Vesuuianas venas incendia, quæ Monti ruinam, mortalibus exitium, vrbi-
 bus excidia importarunt. His ea omnia, quæ in hac cōflagratione vidimus, distribuenda sunt causis, terræmotus, cinis pluuius, lapis deciduus, torrens igneus, inundatio. Extitere terræmotus, concusso solo: dum spiritus, non dum laxiori aditu patefacto, in latera Montis incurrerent. *Terræmotus enim, teste Aristotele, fiunt maximè propter angustias.* Magnus porro inter terræmotum, & incendiū nexus est. quandoquidem, vt eidem probatur Aristoteli, *Causa terræmotus est spiritus, cum intro forte fluxerit, qui extra exhalat.* exhalat autem, quandoque iactatione ipsa, atque attritu succensus. Quamobrem, vt adnotauit Berofus, *sub Phæthonte Rege secutum est incendium post terræmotum.* Declarat hoc Aristoteles exemplo petito ab humano corpore. Quemadmodum enim in hoc, cum ardor inualefcere cœperit, eadem & tremoris causa est, & febrium: ita spiritus intra terram inclusi & terræmotus pariunt, & incendia. *Oportet enim (verba sunt Aristotelis) intelligere, quod sicut in corpore nostro & tremorum, & pulsuum causa est spiritus, qui intercipitur, virtus: sic & in terra spiritum similia facere: & hunc quidem terræmotum velut tremorem esse; illum autem veluti pulsuum. & sicut accidit saepe post mixtionem (per corpus enim fit velut tremor quidam, cum transfertur spiritus desoris intro simul totus)*

Arist. 2. meteor. summa
 3. c. 2.

Arist. ibidem.

Berof. lib. antiqu. sub Rege
 Assyriorum
 XVII.

Arist. ibidem.

tus) talia fieri & circa terram. Differt porro in hoc Vesuvianus terræmotus à tremore, qui existit è febribus: quòd hic quidem fit à spiritibus è partibus extimis intro accitis: terræmotus autem, qui in Vesuvio contigit, ortus est à spiritibus ex imo Monte foras euocatis. Exitere quoque pluviæ ciuerū: quia cum ignis montanas inter fornaces cœpit ardescere, multa exhausit in cinerem. qui primò nube fumea enectus quàm sordidiore, quàm candidiore, ut cineris plus, minusve sustulerat; tum hinc aliò vi spirituum asportatus; demum siue flatibus deficientibus, siue in aeris media regione, accrescente frigore, suo ponderi redditus, in pluuiam decidit, quandoque chalybe, ferro, argento etiam permistus: ut eorundem metallorum venas in Vesuvio deprehenderes, & argentea secula sperares post ferrea, Monte ipso sponte prodente, quæ texerat, & accolarum inertiam accusante. Ita pluuisse olim piscibus, Athenæus tradit, à ventis mare deprædantibus veluti auecto pecore, & disiecto. Exitere insuper pluviæ lapidum, diuulsis ijs flammarum vi, atque vnà cum spiritibus eodem impetu extritis eo fere modo, quo è nube igniti lapides, atque è tormentis æneis quandoque saxeus imber extruditur. In his, conciti lapides, ut egregiè Aristoteles, *patiuntur, & non agunt: spiritus verò ut principium.* Dum imbri lapidaret, magna vis cecidit eius lapidis, quem specularem appellant, nitētis, pellucidi, ac prope crystallini, inter tot incendia, & clades in eo veluti speculo humanas vices repræsentante fortuna. non defuere etiam pauci aliquot lapides, aureis venis interliti, irritæ cupidi

*Athenæus lib.
8. c. 2.*

Arist. ibidem.

ditatis incitamentum, auro perniciosius effuso,
quàm flamma. Extitere præterea torrentes ignei,
ingenti bituminis, ac sulphuris liquefcente vi, ac
veluti in fluuium igneum exundante. Bitumen
quoque superfusum cùm arderet, saxa eliquauit.
In quo sensu Maronianum illud accipiendum est.

Vidimus undantem ruptis fornacibus Aetnam

Virg. 1. Geor.

Flammarumque globos, liquefactaq; voluere saxa.

Huc etiã respexit Augustinus dum refert, *ex Aetnae* *Aug. lib. 4 de*
verticibus quondam torrentis vice, flammaram flu- *cin. c. 2.*

mina cucurrisse. Bitumine eodem, quo præduri lapides colliquefacti, effectum est; vt mollia lapidescèrent, igne tenuissimo permeante, neque absumente partes, sed exiccante. Ita eadem Solis vi cœnum obdurescit, niues liquantur. Porro bituminis ardentes riui, conuoluti in globos, ac veluti fluctuantes, transuersim, non rectà ciebantur, nempe à spiritibus igneis intercurrentibus adaçti, igni fulmineo, quem cum tonitru nubes efferūt, persimilibus. quippe fulmina veluti errabunda in obliquum agi, obseruant Meteororum periti. Ceterū alia quoque miracula fulminum in igne Vesuuiano suspeximus; pernicitatem illi tantam, vt non fugam modò, sed ipsas quoq; cogitationes præuerteret; deieçta ea potissimum, quæ obsistebant, ijs, quæ cedebant, innoxijs; non paucos etiam intercluso spiritu exanimatos, vt in fulgetris solet accidere, nullo, aut leuissimo relicto conflagrationis inditio; haustos in sinu matrum liberos, parentibus incolumibus; arsisse lodiculam, proxima culcitra, intacta. Hæc, & alia pleraque id genus, tenuissimæ flammæ celeritatem declarant fulmini non absimilem.

milem. Extitere denique inundationes : quæ aliæ,
 & aliæ in alias, & alias causas referendæ sunt. In-
 undationes, quæ contingere post pluuias, ab iisdem
 suam agnoscunt originem. etenim aquæ pluuiæ,
 quæ antea exiguos diductæ in riuulos per plures
 tramites demittebantur è Monte, obstructis alto
 cinere, aliaque decidua materia montanis vijs si-
 mul aggestæ, quasi collectis vnde quaque auxilia-
 ribus copijs, sensim excreuere in torrentem. qui
 præstructis elicibus, nullo certo delatus alueo,
 quocunq; incidisset, agris, atque arboribus exi-
 tium importabat. Prima verò inundatio, quæ alte-
 ro ab ortu incendij die, pluuiæ adscribi nō potuit;
 certè aquis ab ipsamet Mōtis aluo effusis tribuen-
 da est. quæ vi halitus elatæ è nouis hiatibus, quā
 data porta, exiliere, seruata flammis bituminatis
 fide. Sunt, qui affirmant, vidisse se riuos igneos
 aqueis intercurrere, & supernatantem flammam,
 aquæ quasi vehiculo deuehi, aduersario elemento
 in triumphalem quodammodo sibi rhedam con-
 uerso. Effudere se simul flammæ, & aquæ è Vesu-
 uio, modo planè consimili, quo elisis nubibus, dū
 inardent fulmina, funduntur pluuiæ. quò alluisse
 videtur Isaias ijs verbis, *Vtinam disrumperes celos,*
& descenderes: aquæ arderent igni. Mons igitur in-
 nubem, sonitus in tonitrum, flammæ in fulgetra,
 ignei lapides in fulmina, aquæ in pluuias euasere.
 Neque insolens, vi calidorum spirituum, quemad-
 modum siccantur quandoque flumina; dum, vt
 obseruat Berosus, *apertis ostijs montium aquæ in-*
alueos regrediuntur, atque intra priores angustias
 resorbentur: ita laxatis terræ meatibus, nouas
 fon-

Isai. 62.

Beros. lib. an-
 tiq. sub Rege
 Assy. XVII.

fontium, ac fluminum scaturigines prodire. Namque in bello Mithridatico prope Apameam Phrygiæ urbem, terræmotu concussa tellus novas paludes, fontes, fluuios edidit. Neque id reticuit Aristoteles, cum dixit, *aquas erupisse, factis terræmotibus*. Utinam idem contigisset in Vesuuio: & qui manare torrens occæperat, perennasset in fluuium: aquas ab igne mercaremur, beneficium à clade. Hæc de historia, & causis incendij Vesuuiani; quod quidam in spem, quidam in metum trahunt. Non desunt, qui bene ominentur. Aliqui Ignem, & Aquam, principia rerum omnium prædicant: ideo exulibus igni & aqua, tanquam bonis omnibus, interdici: ideo sponsis ignem, & aquam præferri solita, auspiciū fœcunditatis: ideo à Lactantio pronunciatum, *igne, & aqua vitam humanā constare: ignem soli homini datum: igne nos uti, qui caeleste animal sumus: quoniam ignis è celo est*. Igne adijciunt primū mortales cœpisse conuiuere: igne è nubibus missili Ceraunias interdum pretiosas deferri, ac veluti gemmeam tempestatem: igne Zoroastrem absumptum, transcriptumque illico ad superos, quasi iam diuinitate potitum; ignem Persis esse, Lycijsque sacrum: igne latam à Deo, promulgatamque Hebræis legem inter incendia montium, dum *Mons Sinai fumaret eò, quòd descendisset Deus in igne*: Ignem quodammodo, ut Iustinus animaduertit, Platoni Deum esse naturæ; Igne felicitatem; igne, ut Seruio Tullo contigit, imperia ipsa portendi. Denique vicinis urbibus, Neapoli, ac Romæ, ad quarum læuā Vesuuus situs est, iuxta veterum haruspicum effata, nō nisi fausta,

N

ac

Conimbr. in
meteor. tract.
12. c. 8.

Arist. lib. 2.
meteo. sum. 2.
c. 2.

Plutarc. in
probl. c. 1.

Alex. genial.
lib. 2.

Lactan. diu.
inst. lib. 2. c. 9.

Vitru. lib. 2.
Plin. lib. 37.
c. 9.

Greg. Turon.
hist. Francor.
lib. 5.
Pier. Valer. in
hier. lib. 40.

Exod. c. 9.

Iustin. orat.
paranet. con-
tra gen.
Lin. lib. 1.

Virg. 2. Aen.

Strab. lib. 5.

Cassiodorus
Varia. ep. 50.

ac prospera auspicari nos posse cōtenditur: quandoquidē *Intonuuit laeuum*. Leuiuscula profectō sunt isthæc, & digna vix, quæ audiantur. Alij, dum rem propius attingunt, pollicentur sibi fertilitatem à cinere confouente terræ calorem, spiritibus intus obstrictis. cinere augurantur reparanda damna, quæ flamma intulit: quasi Phœnicis in modum Vesuuius conflagrauerit; vt vitam duceret à funere, vires à cinere. Adstipulatur his Strabo, qui Vesuuiani soli fertilitatem cineri adscribit. Cassiodorus faustum ducit auspicium ab arena. *Vomit*, inquit, *fornax illa perpetua puniceas quidem, sed fertiles arenas. quæ, licet diuturni fuerint adustione siccata; in varios fœtus suscepta germina mox producant, & magna celerit te reparant, quæ paulò ante vastauerāt.* Hæc ille, ingentis malis solatia leuissima; & vt liberè dicam, quod sentio, spes planè repositas in arena. Agnoscitur iactura præsens: promittitur post interualla temporum è sterili arena, & infelici cinere reuictura soli felicitas. Adeo sunt cupiditatis humanæ in deplorata re spes pertinaces. Speratur aliquid fortunæ melioris telluri: timetur deterioris mari. Procurrit Vesuuius in Neapolitani sinus craterem bijugus Mons vno vertice. Hoc dedit Natura munimentum, vt potissimum Euri subsolani inde flantis à subiecto mari rabiem arceret. Nunc, deiecto Montis culmine, ac veluti arcis deturbato fastigio, liberior illac ventis ad mare patet excursio. Quamobrem fretum importuosum, neque hætenus nautis satis fidele, erit deinceps etiam formidandum; futurum, vt i metuo, non iam Sirenium lenocinijs, ac fraudibus, sed procellis, ac nau-

naufrajijs infame. Auguria quidam adiiciunt multò tristiora. Nimirum bella præfagiunt, pestilentias, famem, consulto Dione, alijsque scriptoribus: apud quos hæc ipsa mala post Vesuviianas conflagrationes euenisse legimus. Olympiadem observant, cum è Philippo Macedonum Rege concepit, somniasse, faculam in aluo succendi incendia, toto terrarum Orbe miscentem, belli præfagium, quo postmodum, incēdente Alexandro, Europa, atque Asia conflagrauit. Hæc passim iactant Historici. Audent etiam decernere de his Poetæ. Hecubam proferunt face foetam, atque ignes enixam iugales, omina belli, quo arsit Troia: Lauiniã, comas flamma sponte allambente, claram fore, haruspices pronunciasse.

Dio in Tito.
Sigon. de Imper. Occiden.
lib. 10.

Platina in
Bened. II.
Pluta. in vita
Alex.

Virg. 10. Aen.

Ipsam, sed populo magnum portendit re bellum. Idem 7. Aen.
Ideo ad Vesuviiani ignis aspectum æstro fatidico Poetæ perciti iam vulgo, ducibusque canunt *Bella, horrida bella*. His Mathematici adiunguntur ij, qui se Astrologos venditant. Genus hominum, quod ex aduersis æquè, ac prosperis famam captat, rarò diuinans, ac fortuito; plerumque fallax, & infidum. Pronunciant hi, eodem occurso, congressuque syderum montes flamma, regiones animos ira excandescere: vnde discordiæ, motusque bellorum. Hoc non tam incendium fuisse clamitant, quàm prodigium: omnia bellis arsuræ, quasi Vesuviianus ignis in cometam cesserit, splendore ferali, ac portentoso. Præuium conflagrationi fuisse Lunæ deliquiũ animaduertunt, quadrato Martis appulsu percussæ: Martem quoque decimo quarto Leonis gradu conclusum, actumque in rabiem.

Idem 7. Aen.

Idem 6. Aen.

biem. Hæc astrorum obseruatores, motus aspe-
ctusque syderum nō tam metiri soliti, quā mē-
tiri: iudice me, si minus è republica eliminandi,
certè exauctorandi. quippe vanis post damna ti-
moribus nō meticulosum modò vulgus, sed Prin-
cipum quoque aures imbuunt. ad quos faciles cō-
parant sibi aditus, siue mendacijs astra trahētibus
ad studia potentiorum; siue innata quadam cupi-
ditate mortalibus, quod natura denegauit, præno-
scendi futura. Scilicet ideo timenda sunt bella,
quia Vesuij iam apta flāmæ materia conflagrauit.
Antiquioribus obseruata hæc auguria, & iam pri-
dem cum ethnica superstitione antiquata. Bellum,
& pax in diuino nutu sunt posita. Propior ijs causa
ex eo ducitur, quod regni rationibus conducit; &
vel tuendo, vel propagando imperio prodesse, aut
officere noscitur. Vnico bella afflantur astro, amo-
re dominandi. Quòd si augurijs ducimur; omnia
sunt nobis auspicatissima. Quippe sub ortum Ale-
xandri, Dianæ Ephesinæ apud Græcos incendium
Græciæ felicitatem, atque imperium præmonstra-
uit. Neque deest *Aquila nido*, vt adnotauit Plinius,
lapis ætites, nihil igne deperdens. Et hastæ Romanæ
sub Sabinum bellum ardere visæ, Romanis victo-
riam prænunciarunt. Propinquior pestilentia, fa-
milque metus. nam alteram è Montis latebris in-
halata mephitis; alteram cinere obruta semina, &
agrorum vastitas minatur. Sed, vt speramus, pe-
stilentiam flammæ ipsæ, purgato aere; sterilita-
tem opportunæ pluuiæ depulere. Noua è Vesuui-
o eruptura subinde incendia. ominatus est Niphus.
Omen comprobatum experientia pane omnium
seculi-

*Plutar. in vi-
ta Alex.*

*Plin. lib. 10.
c. 3.
Pier. Valer.
lib. 46.*

*Niphus in
meteor. Arist.
lib. 2. par. 3.
c. 2. auct. ex-
plicat. v. l. f.
qui.*

seculorum, recurrentibus iisdem incendiis fontibus, atque intra vastissima montis receptacula renascente materia, quæ nouis nutrimenta ignibus præbet. Postrema prænuntiatio superest, quamdiu perduratura sit hæc ipsa, quam experimur, conflagratio: cui narrandæ finem facio, quamuis Vesuius flagrandi finem non fecerit. Siquidem adhuc fumum expirat: adhuc per interualla cinerem expuit: adhuc torrentes exudat: adhuc theatrales excitat lacrymas: adhuc tragica dat spectacula. Nondum reductum scenæ siparium: nondum vacat Orchestra: nondum peracta est fabula; si tamen fabula, quæ vera dat funera. Nutant suspensi expectatione animi, quò tandem sit tanta res euasura. Miserrimum profecto est, accepta iam perniciæ, adhuc luctari cum metu. Si consulamus Aristotelem peritissimum in effectis naturæ præuidendis, prædicendisque veluti hariolum: augurari de incendio licebit id, quod ille de maximis terræmotibus præmonuit. quippe vtræque ex eodem fonte nascuntur. Cum, inquit, fortis factus fuerit terræmotus; non mox, neque semel cessat agitur. sed primò quidem vsque ad quadraginta dies agitur: posterius autem & ad vnum, & ad duos annos dominatur secundum eadem loca. Quapropter, sicut in corpore pulsus non repente cessant, neque citò, sed per moram, marcescunt passione: sic & principium, à quo exhalatio facta fuit, & impetus spiritus palam est, quod non mox omnem consumpsit materiam. Quousque igitur consumantur reliquæ horum, necesse est quassare. Hæc ille, post quadraginta dies annum, aut etiam bienne ominatus incendium. Si quid interea in-

Vesu-

Arist. l. 2 meteor. sum. 3. c. 2.


Vesuviano fumo luce dignum, vel noui contige-
rit, vel contigisse iam nouerim; narrationi huic at-
texam. Scribent hæc alij cothurnato stylo, & tan-
ta digno tragoedia. Hæc amicorum suasu à me
Lucæ c. 21. scripta cursim inter excursions flammæ, are-
scentibus hominibus præ timore, arescente ingenio,
arescente calamo.



AP-

APPENDIX

DE NOVIS TERRAEMOTIBVS.



Cripleram hæc fere intra mensem ab ortu incendij: cum noui terræmotus, ijque creberrimi cogunt me priori narrationi, vti spoponderam, hæc pauca subtexere. Dixeram sub incendij exordium sæpissime succussatam tellurem, biduoue iactatam formidine maiore, quàm clade. adieceram eorum terramotuum originem referendam esse ad spiritus igneos. qui, cum è Vesuij latibulis cinerem, lapidesque sustollerent, inter hiatus angustias exitum eluctati, aere vehementius concito, montem concusserint, & nexu quodam sola terrarum monti finitima. Quemadmodum, dum tormenta ænea pilas explodunt, concuti vicina loca experimur, umbratili quadam terræmotus imagine; ad exitialis illius pestis afflatum quodammodo ingemiscēte aere, contremiscente tellure. Multis id suadere conatus addideram, defecto iam Vesuij vertice, ac vastissima patefacta voragine, terræmotus conquiesse. Nunc instaurati non tam tellurem videntur, quàm meam de ijsdem sententiam labe factare. Quippe Montis vtrique lateri adnixa oppida, pagique, post perbreues inducias, reualescentium terramotuum vi pæne perpetuò vexati. In vrbe verò Neapoli, inter quam, & Vesuium non parua planities interiacet, terræmotus ab in-eunte Iunio & frequentes, & acerrimi auditi: cer-
tè

tè cum prioribus conferendi; nisi quòd in ijs rei nouitas, & insolentia viam terrori strauerant: hos, vt in venalium pretio solet accidere, reddit ipsa met copia viliores. Assuetudo quoque & admirationem, & timorem imminuit. Infitum namque mortalibus noua magis, quàm magna mirari: & formido minor incessit expertos se non semel indemnes. De horum origine persuasum non paucis, tunc terram concuti, cùm abrupta vi latentium ignium, intra hiatum decidunt Montis fragmina. Siquidem tantus Mons, opus olim gaudentis, ac veluti superbientis Naturæ, magna iam ex parte corruit, siue intestino absumptus incendio, siue mole sua. Dumque in sua viscera recidiuus, ingentes cauernas relabitur; inter natiuos ignes rogo succenso, veluti contumulatur in se se. Hanc generatim omnibus terræmotibus causam tribuit ex Anaximene Seneca, terræ tremorem eius partibus adscribens: quæ reuulsæ introrsum deuoluuntur in præceps, siue ignis vi, siue vitio vetustatis. Nimirum ætates habent elementa etiam suas: & nihil à senectute tutum. Idem his expressit carminibus, qui Parnasum in Lycæa transtulit Lucretius.

*Anaximenes
apud Senecā
in libel. de
terramotib.*

Lucret. lib. 6.

Terra superna tremit magna concussa ruina:

Subter ubi ingentes speluncas subruit ætas.

Quippe cadunt toti montes, magnoque repente

Concussu, latè discernunt inde tremores.

Itaque, dum dilacerato Vesuij latere, saxa subinde diffiliunt, tunc dumtaxat subsilire terram, quidam rentur. & verò perperam; nam, cum terræmotus frequentissimi extiterint, si quoties terra

con-

contremuit, toties, diffisis lateribus, immanis lapidum strues acervatim de Monte decussa est; actum iam pridem foret de Vesuvio. Enimvero, si Poetis hic philosophari liceret: gigantes dicerent in Vesuvianis campis, qui, Diodoro teste, Phlegraei dicti sunt, olim contra Iovem depræliatos, plerisque ibidem etiam consepultos, adhuc spirantes, fessosque pondere, mutare lateri sedem; eoque motu terram succuti. Quamobrem Latinus vates de Encelado cecinit, fulmine semiustum iacere sub Aetna, substrata fulciendo Monti mole corporis:

Et fessum quoties motat latus, intremere omnem

Dionysius Siculus lib. 4.

Murmure Trinacriam, & cælum subtexere fumo.

Virg. Aenid. lib. 3.

Hæc eadem de fumo, qui continenter è Vesuvio ducitur, & inter currentibus terræmotibus tradere in expedito esset: si cum Poetis liceret, de Gigantibus mendacia cudere, ut ita dixerim, Gigantea. Parum ab his aberrant Astrologi, qui iuxta Babyloniorum placita, teste Plinio, terræmotus derivant à vi trium syderum fulmineorum, Soli occurrentium circa quadrata Mundi. Sanè, cum in supernis orbibus, quem vocant *trepidationis motum* Astrologi deprehenderint: quid ni à cælo tellus quoque trepidare didicerit? Expedirent etiam, his se facile trices Mathematici ij, qui ab ortu ad occasum circumferri terram affirmant, immoto cælo. nulla enim novorum terræmotuum ratio ijs reddenda est, quibus perpetua est terræ motio. quæ ideo stare videtur, quia rapidissimè circumagitur, oculorum sensum fallente pernecitate motus, atque æterna vertigine stabilitatem ementiente. Ingeniosum primò Heraclidis, tum Cupernici

Plinius lib. 2. c. 79.

Heraclides apud Albert. 2. calitrac 3. Cupernicus in lib. de Recl.

O deli-

Thales Milesius apud Albert. loco cit.

deliramentum, ijs tantum probandum, quibus immobilia verti monstret emota mens. Ridiculum quoque foret, si de terræmotibus his, qui à Vesuviana conflagratione deriuantur, Thaletis Milesij sententiam sequeremur. qui docuit mari terram, supernatare, *tanquam grande nauigium*; tunc verò moueri, ac veluti fluctuare, cum aquæ, quibus innititur, vehementius concitantur. Quantum porro foret dementiæ eos terræmotus in aquas referre, quos à Vesuuiano igne proficisci, pæne oculis contuemur? Igitur, vt modus appareat, quo tellus à subiecto igne quassatur, res est paulò altius repetenda; ac terræmotuum, iam consenescente incendio, renascentium origo è suis ducenda principijs. Terræmotuum vniuersim causam esse spiritum intra terræ inanitates constrictum, exploratum est ijs, qui Aristotelis vestigijs insistant. Spiritum appello exhalationem siccam, & calidam, quæ mascula vi caloris à terræ sinu progignitur. Quia verò exiguo conclusa corpusculo sub aspectum non cadit: idèo quasi à corporis concretione seiuncta spiritus dicitur. Tam tenue illud est, quod turrets eruit, quod vrbes haurit, quod terræ molem exagitat. Terræmotum ab incluso spiritu effici, ita breui argumentatione demonstro. Omne quod mouetur, aut mouetur ex sese, aut ab alio, atqui tellus non mouetur ex sese. nam, iudice Aristotele, quæcunque principium motus in se ipsis continent, viuientia sunt, & anima prædita. tellus autem inanime quiddam est. neque enim terram, vt ille ait,

Arist. 8. Phys. l. 29.

l. 8. Gen. 6.

Spiritus intus alit, totamque infusa per artus

Mens

Mens agitat molem; & magno se corpore miscet.
 Quod de Mundi totius anima Platonius Poeta
 cecinit. Quale porro animal tellus, quod neque
 quotidiana ex aratris illata vulnera persentiscit:
 neque progredi valet, aut regredi; mobile dumtaxat,
 quia tremulum. Itaque, cum terra non arbitrio
 moueatur ex sese, nec nisi ad centrum nativo
 pondere deferatur: necessariò fit, ut in alijs motibus
 à centro deuia motricem vim agnoscat alterius.
 Aut igitur alterius extra, & supra se; aut alterius
 intra, & infra se. Non extra, & supra. neque enim
 vnquam tanta vis ventorum aerem peruagata in
 terram incumbit; ut eam vel tantillum è sua
 sede dimoueat. Illa verò Archimedis effata, *Quo-*
libet moueri quodlibet; & posse se, si pedem extra
terram figeret, Mathematicis machinis terræ li-
bramenta conuellere; magnificentius ab eo iacta-
ta, quàm verius. Quamobrem cum in terræ motibus
 nullum mouens appareat, quod in extima terræ
 facie supernè locatum sit: reliquum est, ut mouens
 infernè deliteat. Porrò intra terræ recessus,
 ac latebras aut Aer, aut Aqua, aut Ignis intercipi-
 tur, aut mista corpora, metalla potissimum. inter
 quæ præcipua ferrum, & aurum sub terræ fodinis
 Natura clementer abscondit, commiseratione
 quadam generis humani, alterum crudelitati sub-
 ducens, alterum cupiditati. Mista hæc, quæ solidè
 concreta terream substantiam sapiunt, neque fa-
 cilè moueri possunt, neque mouere. Aer, & Aqua
 fluida quidem sunt corpora; sed subterraneis ca-
 uernis inclusa, non est vnde impetum tantum con-
 cipiant, ut terræ stabilitatem amoliantur. Superest

Archimedes
apud Pappi
Mathem. coll.
lib. 8 probl. 6.
prop. 10.

igitur, ut motus terræ igni adscribatur inter elementa cetera præstantissimo tum leuitate, tum vi. Sed quonam modo id efficiat, est ulterius inuestigandum. Nam, cum ignis comburat potius, quam concutiat: sane hoc præstare non potest, nisi satellitio spirituum, quos calore progignit. Quippe his facultas inest & maximè mobilis, & motrix. Hoc, quo solet, acumine confirmat, cum de terræ motibus agit, Aristoteles. Qui, terram, inquit, à Sole, & ab eo, qui in ipsa est, igne incalescit: ut multus quidem extra, multus quoque intra fiat spiritus. Paulò post. Considerandum utique erit, quale maximè motuum erit corporum. necesse enim est ad plurimum natum ire (id est, quod per loca plurima facile transmeat) etiam vehementissimum maximè tale esse. Vehementissimum est, quod citissime fertur. percutit enim maximè propter velocitatem. ad plurimum autem natum est pertransire, quod per omnia ire maximè potest. tale autem est, quod subtilissimum. Quare siquidem spiritus natura talis est, maximè corporum spiritus motuius. Vnde paucis interiectis ita infert. Non igitur Aqua, neque Terra causa utique erit motus; sed spiritus, cum intro fortè fluxerit, qui extra exhalat. Comprobat id duplici experientia. Primam innuit ijs verbis, Qui extra exhalat. videmus enim fere post terræ motus ventos existere. nempe intra terræ septa obstructi spiritus, tanta vi obstantia quæque inuadunt; ut tandem euadant. Altera experientia sumitur à tranquillitate futuri terræ motus indice. Fiunt enim, inquit, tranquillitate plurimi, & maximi terræ motus: nempe cælo ventis immuni, clandestinas rixas, ac bellum dome-

*Arist. lib. 2.
Meteor. sum.
3. c. 2.*

domesticum intra terræ cauernas apparantibus .
 Nimirum præcurritur terræmotui silentio vniuer-
 sitatis, integris ad exaudiendum terræ fragorem,
 auribus . Comprobat id ex eo Aristoteles , quòd
 terræmotus plerumque contingunt vehementio-
 res noctu, quàm interdiu; & meridie, quàm spatio
 diei reliquo. Noctu quidem: quia tunc spiritus in-
 tra terræ cubilia desident constipati à frigore , à
 Sole non euocati. *Nocte, inquit, plures, & maiores
 fiunt terræmotus.* Rationem infra subiicit . *Quia no-
 ctes diebus tranquilliores sunt propter absentiam Solis.*
 Meridie verò : quia hæc diei pars media tranquil-
 lior esse solet, quàm ceteræ, tunc maximè terris è
 cæli fastigio dominante Sole. *Sol, inquit, cum ma-
 ximè dominatur, dissoluit exhalationem in terram .
 dominatur autem maximè circa meridiem.* Quamob-
 rem præmiserat, *Terræmotus, qui fiunt die, fieri circa
 meridiem: quia tranquillissima est, ut in pluribus, diei
 meridies.* Enimuero terrarum concussioni tranquil-
 litate præluditur, secundis aduersa succedere in
 hoc quoque præmonente Natura . Ad eandem
 causam referas alia secuturi terræmotus indicia .
 Nam si sub Solis occasum, sereno cælo, nubeculam
 videris non obliquatam in flexus, sed rectà longo
 tractu porrectam: nocturnum illa tibi, Aristotele
 augure , terræmotum præfagiat , quippe certum
 tranquillissimi aeris argumentum nulla ne tenui
 quidem aura perflati : quæ leui pulsu nubeculam
 facillè ductilem suo diuaticatam tramite, hinc , aut
 inde detorqueat. Aer verò à vêtis prorsus exēptus,
 ac liber, spiritus infra detentos indicat, & subtus in-
 tumescentem procellam. Ex his liquidò constat, à
 spiri-

spiritibus intra terræ cancellos obseptis terræ motus exciri. Spiritibus vim calor sufficit: leuissimoque halitui tantum roboris adijcit; ut, emotis terræ cardinibus, non raro montes euertat. Sed quo pacto id fieri possit, paucis exequar. Caloris est, partes dissoluere, quæ frigore concresecunt. solutis ampliora spatia, finesque protendit ijs, quæ spissata continebantur in arcto. Hinc fit, ut exhalatio, calore quasi se maior effecta, in propinqui corporis sedem inuadens, illud conetur è vicinia deturbare. Siquidem idem spatium à duplici corpore occupari nequit. Et quemadmodum ab hac rerum vniuersitate locus excluditur planè vacuus: ita quoque duplicato plenus, neque inane, neque superfluum, probante Natura. Quamobrem, sicut ad subterfugiendum vacuum subitos aquarum assultus videmus, nullo impellente fursum, & alia id generis vsque ad miraculum: ita non minore Natura studio prohibet, corpus geminum vnico includi spatio: quam Philosophi *penetrationem* appellant. Eius odio terra conuellitur, atque in hiatus diducta discerpitur. Etenim quandoque calor tanta vi funditur; ut & maximam spirituum copiam quamcunctissimè procreet, & iam procreatos è terræ meatibus, aut cauernulis, quibus quasi ergastulis confrikti tenebantur, educat. e ductis extemporaneum domicilium quæritur: quando nequeunt sine vlla sede consistere. Dumque corpora reliqua terræ sinu intercepta obstinatè hospitium pernegant: urgent illi vi caloris adaçti, ac demum extorquēt. Et quoniam, ut diximus, Naturæ legibus cautum est, ne plura vno loco confideant: spiritus corpora sibi fini-

finitima impellunt; ut eorū succedant sedibus. Ab
 his loco pulsīs trūduntur media, à medijs postrema,
 à postremis exitus aut sibi, aut spiritibus intercur-
 santibus quæritur. Terra suæ obiectu molis obfi-
 sit. Ita spiritus dum enituntur, dum premunt, dum
 premuntur, dum irrumpunt, dum erumpunt, terrā
 cient. Hæc intra penitissimos Naturæ recessus ocu-
 lis planè lynceis introspexit Aristoteles. qui *causa*,
 inquit, *est motus spiritus; cum forte intro fluxerit, qui*
extra exhalat. Ad institutum redeo, vnde modò de-
 flexerā. Flagrant adhuc Vesuviana viscera, ac per-
 petuò per os voraginis tærrimum fumum inha-
 lant. Ignis initio materiam bituminatam, sulphu-
 reamque depastus, quàm spatia seculorum con-
 gesserant, magnum excitavit incendium. Hæc im-
 mensa spirituum vis effusa, dum inter hiatus angu-
 stias elideretur ad Montis latera: terræmotus eos
 concitavit; quorum vel sola recordatione contremi-
 scimus. Nunc, cū vires mōndum suas flamma
 consumpserit; & viuant adhuc, etsi aliquantulum
 consopiti, nunquam tamen intermortui, non mo-
 dicæ ignis reliquæ: noui spiritus intra Vesuuium,
 flammæ sublatentis vi, in illa veluti Vulcani offi-
 cina cuduntur: cūsi, aggeratque inflammantur:
 quippe sicci, & calidi, igniq; affines: inflammati cō-
 citantur ex imo ad sublime: concitati terrā pulsant.
 Hanc Arist. terræmotuū causam in Vesuviano igne
 prospexit; dum ait, *terram à Sole, & ab eo, qui in ipsa*
est, igne incalescentem, multum quidem extra, multum
q; oque intra efficere spiritum. Additque paulò post,
spiritum esse maximè corporum motiuum: quia ignis,
quando cum spiritu fuerit, fit flamma; ferturq; celeriter.

*Arist. loco ci-
 tato.*

Ex

Ex his facile apparet incendij cum terræmotu cognatio. Quamobrem mirum nō est, incendio nondum extincto, adhuc vigere terræmotus. quasi eo motu tellus ignem in venas illapsum conetur excutere, fremitu etiam indignationem testante. Illud hac in re difficultatem exhibet non contemnendam: quòd terræmotus fiunt, vt dictum est, cum *spiritus intro fluxerit*. Si quando autem terræmotus contingunt, dum spiritus exhalatur: id solū fit, cum arctior est exitus, quā vt capere turbam possit ingruentium spirituum. Tunc enim ij, qui detinentur, terram quatunt. Atque id causæ esse diximus, cur inter Vesuvianæ conflagrationis initia, diffatis vndique spiritibus, adhuc terræmotus existerent, nempe propter angustias faucium. Quapropter obseruatum est, amplificata voragine, terræmotus Neapoli per menses aliquot siluisse. Nunc nescio quo pacto integrati: dū per spiramenta vastissima, perruptis repagulis, nubes fumæ volutantur. enimvero terræmotus prohibet expiratio. Quamobrem, vt à magistra experientia didicit Aristoteles, rarò æstate terræmotus contingunt. Nimirum spiritus è terræ gremio per laxos nimio calore meatus nulla vi sensim ad auras prodeunt, subterraneis cauernis desertis. quæ idcirco, vt in putealibus aquis apparet, æstate sunt, quā hyeme frigidiores. Hinc etiam fit, vt terræmotus tunc Autūno, tū Vere frequentiores sint, quā vel hyeme, vel æstate, per hyemem nimium constricto, per æstatem nimium soluto halitu. scilicet inter niuiū, atque ardorum iniurias inconcussa Tellus inter Autumnū diuitias cōtremiscere didicit, dum fructibus

*Arist. lib. 2.
Meteor. sum.
3. c. 2.*

ribus redundat; inter Veris delicias, dum floribus
 redinitur, magna infortunia ad dulciores anni
 partes traducente Natura. Quod ab Aristotele
 observatum transcripsit Plinius. qui *Autumno*, in-
 quit, & *Vere terra crebrius mouentur. ideo Gallia, &*
Aegyptus minimè quatiuntur: quoniam hic æstatis cau-
sa obstat, illic hyemis. Gallijs Germaniam, & Aequi-
 lonares plagas; Aegypto reliquam Africæ oram,
 & Hispaniâ adiungas, quæ ab Africa angusto freto
 dirimitur: quòd illæ regiones hyemem; æstatem
 hæ referant: in ijs quidem terræ sinum niuibus,
 geluq; constrictum Solis calore ad gignendos spi-
 ritus minimè violante; in Africa verò, Hispania, &
 calidioribus regionibus expiratione perfacili ter-
 ræmotus arcente. At Italia temperatissima Mundi
 regio, eæque potissimùm Italiæ vrbes, quæ verna
 gaudent cæli temperie, terræmotui maximè sunt
 obnoxia, Sole ad spiritus procreandos, solo ad
 continendos idoneo. Ita pulcherrimam Orbis ter-
 rarum partem nō terræ minus, quàm fortunæ mo-
 tibus Natura subiecit, perpetua nutatē iactatio-
 ne rerum, ac veluti concussu quodam collabentis
 felicitatis. Ad rem redeo. Si terræmotibus loca ca-
 lida nunquam, aut rarò vexantur, dissipato, disie-
 ctoq; halitu: cur adiacentes æstuanti Vesuuio cam-
 pi tam crebrò quatiuntur: dum per hiatus latissi-
 mos vndante fumo, liberè spiritus effluunt? Eno-
 dandæ difficultatis duplex mihi aperitur modus.
 Primus ducitur à caueis: à quibus voragini sub-
 stratis fumi, & halitus fit exspiratio. Nouem paulò
 post ortum incendij, vti supra in narratione dixi-
 mus, deprehensæ: è quibus fumæ nebulæ ad os

Plinius lib. 8.
 c. 8.

voraginis euoluebantur. Paucis post mensibus re-
 pertæ tres, obstructis ceteris. quippe creuerat vo-
 rago ruina laterum: quorum partes deciduæ plura
 ex ijs, per quæ halitus efflabatur, foramina obdu-
 xerant. Imbres etiam, qui post incendium, æmula-
 tione quadam ignium, largissimi ceciderunt, intra
 montis hiatū effusi spiramenta quædam fumi emis-
 saria clauferè. Itaque redactis nunc in priores an-
 gustias, qui delitescunt, spiritibus, terræmotus re-
 petuntur. Argumentum eius rei non leue sunt ter-
 ræmotus non semel secuti paulò post, quàm è
 voraginis fastigio exesa fumo saxa deciderant.
 Obseruatum quoque est, terræmotus hos non
 rarò euenisse post pluuias, siue oppletis infuso im-
 bre receptaculis, atque inde derrusis, pulsisque spi-
 ritibus; siue constrictis terræ meatibus, per quos
 tenuissimus halitus auolabat. Vtramque rei huius
 causam reddidit Aristoteles, docens terræmotus
 fieri post pluuias, & eo quòd, inquit, *amplior fiat in-
 tus exhalatio* (quia scilicet expiratio intercluditur)
 & eo quòd *intercipiatur in angustioribus locis, & com-
 pellatur in minorem locum talis segregatio, repletis con-
 cavitatibus terræ aqua*. Hac de causa vrbes crebris
 cloacis ad excipiendam eluiem, atque ad mare
 transmittendam cauata aut minus quatiuntur, aut
 innoxie. quod de vrbe Neapoli iam tum obserua-
 uit Plinius. Alter enodandæ difficultatis modus
 petendus est à copia spirituum: quæ quandoque
 tanta est, vt & expiranti flammæ materiem, & ter-
 ræmotui suggerat. etenim, quando spiritus per pa-
 tētes ad aerem aditus siue inflammatus in ignem,
 siue abreptus in turbinem, totus effertur; incendia
 exi-

Arist. lib. 2.
 meteo. sum. 3.
 c. 2.

Plin. lib. 2.
 c. 32.

existunt, aut venti: quando totus terræ claustris
 occluditur, terræmotus: quando partim effertur,
 partim clauditur; tum aeri fumum, aut flatum, tum
 terræ quoque motum summittit. Vidit hoc, vt ce-
 tera, Aristoteles. qui, *spiritus, inquit, aliquando qui-* *Arist. ibidem.*
dem continuus extra fluit omnis; aliquando autem in-
tra omnis: aliquando & partitur. Hinc paulò post,
 infert, *tranquillitate fieri plurimos, & maximos terræ-*
motus: quia continua existens exhalatio sequitur vt
in pluribus impetum principij. quare aut intro simul,
aut simul extra fluit omnis. Subdit tamen, *quosdam*
fieri terræmotus etiam flatu existente. Hoc ex eo de-
 ducit, quòd præmiserat, *spiritum non semper omnem*
extra, aut omnem intra fluere, sed aliquando & partiri.
 tunc enim pars spirituum liberiores sortita exitū
 in ventos effunditur: pars terræ conclusa latibulis
 mussitat: & invidia, credo, aliorum, qui per aerem
 diuagantur, obmurmurat. Addit etiam, *tunc terræ-*
motus minores magnitudine fieri: propterea quòd diui-
sum est principium, & causa ipsorum. Hinc licebit
 non sine ingenti admiratione conijcere, quàm
 exaggerata intra Vesuij penetralia lateat vis spi-
 rituum. qui, dum continenter è supercilio Montis
 in flatus euoluuntur, ac fumum; eodem temporis
 articulo terræmotus non debiles, ac perraros, sed
 validos, & crebros exuscitant. Quota pars in aciē
 educitur, quando ij spiritus, qui veluti intra vallum
 ad custodienda castra se continent, vehementissi-
 mè terram dimouent? enimvero dum palam flam-
 ma, fumo, cinere impetimur; per latentes quoque
 obsessi cuniculos pulsu spirituum arietamur. Pa-
 rum est, vnica bellum cū elemento geri: nisi simul

in aerem, ac tellurem inuadatur. neq; aquis parcitur. Etenim hæc eadem spirituum copia, à quibus aer fumo, tellus motu infestatur; aquarum etiam torrentes eiecit. Mense superiori ab ijs qui Vesuij maritimas radices accolunt, post præuios terræ motus murmur auditum veluti decurrentis è monte torrentis. Ignis defluxum aliàs experti, comparauere se denuo trepidabundi ad fugam. Dum turbatur in oppidis, torrens aqueus in campos decidit. Ab aqua beneficij loco parua clades accepta, quæ ingens metuebatur à flamma. Erat eo die cælum impluium, ne quemquam suspicio subiret subito collectæ ex imbribus aquæ, cumulataeque in torrentem. Quamobrem, cum nō appareat, unde repente nouus hic torrens extiterit; fatendum est, erupisse ex hiatu montis, efferuescentibus, atq; exultantibus aquis vi spirituum. quemadmodum, dum ollæ flamma subiicitur, aqua labris exuberat. Quippe montanis cauernis aquarum magna vis conditur, an delabentibus imbribus, atq; intra hiatus montium receptis, an aere frigido subterraneis antris incluso sensim concrecente in humorem aqueum. Vnde primò stillicidia, ac tenues fontium scaturigines; tum inexhaustæ fluminum perennitates. In quo sensu accipias illud Poetæ

Virg. Georg.
lib. 4.

Omnia sub magna labentia flumina terra.

Nouos è Vesuij voragine profiluisse torrentes, si cui fortasse videbitur incredibile, legat Cardinalem Contarenum in libro secundo de elementis. vbi testatur, se Valentia in Hispania vidi se sereno cælo subitum, dehiscente terra, noui torrentis ortum, qui effusus in campos urbem versus

sus

sus excurrit, vastitatem, & cladem importaturus.
 unde cum solo murorum obiectu arceri non
 posset; vix nouis aggeribus, obicibusque repul-
 sus, & corruatus ad littora, tandem ad mare de-
 cubuit. enimvero eadem spirituum vis & terræ-
 motus, & inundationes creat. Atalantam Græciæ
 peninsulam post terræmotum perrupto aquis ac-
 currentibus Isthmo, mari circumuentam atq; inter
 insulas repente ascitam, tradit ex Thucydide Dio-
 dorus. Terræmotum, quo plurima Rhodiorum, &
 Asiæ oppida conciderunt, conflagratio, vt obser-
 uat Baronius, & inundatio exceperet. Terram sub
 Gallieno motam, & per idem tempus multas vr-
 bes mari demersas, narrat Trebellius. Nimirum
 iidem spiritus terram è sua sede dimouent; aquam
 è sua: ijsque impellentibus, terra è centro, mare è
 littoribus exilit, violatis in vtroque elemento Na-
 turæ legibus. Quocirca futurum terræmotum in
 aquis præsentis: si solito turbidiores hauriantur è
 puteis, neque, vt addit Plinius, *sine odoris tadio*. Si
 quidem spiritus efferuescentes ex imo in aquas in-
 uadunt, antequam aggrediantur ad solida. Hæc de
 nouis terræmotibus, & torrente nuper exorto. è
 quibus anceps etiã coniectatio, accipientibus hæc
 multis in fausti euentus omina, alijs in aduersi. Fa-
 uet prioribus Vates Regius. qui *terra*, inquit, *mota*
est. etenim celi distillauerunt à facie Dei Synai, à fa-
cie Dei Israel. Quod de lege duarum tabularum à
 Deo inter terræmotuum fragores promulgata in
 Monte Synai, plures interpretum explicant. Ete-
 nim in Exodo ita legitur, *Mons Synai fumabat, eo*
quòd descendisset Dominus Deus super eum in igne; &
ascen-

Diodor. lib. 3.

Baron. tom. 2.

Trebell. in
Gallieno.Plin. lib. 2.
cap. 81.

Psalm. 67.

Vide Lorinæ
ibidem.
Exod. 19.

Salianus 10.
mo 2. anno
2544 num.
384.

Isa. 6.

Virg. lib. 9.
Aen.

Aggai 1.

Petrus Da-
miani serm.
in natiuitate
Domini.

Psal. 113.

Matth. 28.

ascenderet fumus ex eo, quasi de fornace. eratque omnis Mons terribilis: siue, ut vertitur ex Hebræo, probante Saliano, & alijs, totus Mons contremuit. Quamobrem sub incendium, & fumum Vesuuiantum repetiti identidem terræmotus diuinæ, ut quidam, rentur, sunt præsentis argumenta, quæ maiestati seruiant potius, quàm terrori. siquidem terra mota est, dum celi distillarent à facie Dei Synai. Terræmotu, & fumo, arcanæ maiestatis indice, Deus Isaie spectadum se præbuit. Quippe domus repleta est fumo, & commota sunt superliminaria cardinum. quod ad Iouis aspectum traduxit Maro, dum dixit,

Totum nutu tremefecit Olympum.

Terræmotu præterea Christi nouum è calo ad terras accessum prænuntiatum reperimus apud Aggæum, *Commouebo calum, & terram: & ueniet desideratus cunctis gentibus.* Eo terræmotu, dum Christus in Bethleem nasceretur, antiquissimum Romæ templum corruisse, testatur Petrus Damiani. quasi exinde Romana tellus, ethnica superstitione deiecta, septem elata collibus, in occursum conditoris assurgeret. Nimirum *Montes exultauerunt ut arietes, & colles sicut agni ouium. à facie Domini mota est terra.* Terræmotu quoque festiuissimo insignitus Christi rediuiui triumphus, referentis è deuicto Dite manubias. Ecce, inquit Matthæus, *terræmotus factus est magnus*, quodammodo gestiente tellure, & lapidibus ipsis præ lætitia exilientibus. Inter terræmotus fragores, & lapsus ignium Sanctus in Apostolos Spiritus effusus est, terra veluti sese ad superna efferente. Deniq; si maximis minora licet adijcere, terræmotu Pau-

lini

lini obitus celebratus, eo terræ plausu euecti ad
 cælum. Terræmotu Ignatij Societatis nostræ parē-
 tis è profana militia ad sacram traductio nobili-
 tata. nempe trepidatum tunc est, turbatumque
 apud Inferos. Consimili planè modo Franciscus
 Ignatij socius, Indorum Apostolus terræmotum,
 qui in Insula Mauri ipso die Archangelo Michaeli
 sacro contigit; interpretatus est, bono ciues ani-
 mo esse iubens: siquidem mali dæmones ab Ar-
 changelo pulsî, inter fugiendum terram concusse-
 rant. Faustissima hæc è terræmotibus omina du-
 cuntur à quibusdam timori aut demendo, aut le-
 uando, terra etiam, dum mouetur, non tam quie-
 tem, quàm inertiam dediscente. Alij contra terræ-
 motus in magni omen terroris accipiunt. Anti-
 quissimum omnium ætatum memoriæ terræmo-
 tum inter ea fuisse memorant, quæ à Deo Pharao-
 ni, Aegyptoque inflicta sunt vulnera. Habetur id
 apud Eusebium ex Artapano, qui refert *Moysen* Euseb l. 9. de
Præp c. 4.
grandinem, & terræmotum noctu excitasse; ut qui
terrae hiatus effugerent, grandine interirent: & qui vi-
tarent grandinem, terræ hiatibus absorberentur. Neq;
 terræmotibus admixta grando, inter nostra sup-
 plicia defuit, dum apud nos toties lapidibus gran-
 dinauit. Grandini apud Aegyptios adiunctus est
 ignis. Quippe animaduertit Salomon tunc *ignem* Sap. 16.
ardentem in grandine. & pluuia coruscasse. Quod si-
 gnificauit etiam Dauid, dum dixit. *Tradidit grandi-* Psal. 77.
ni iumenta eorum, & possessionem eorum igni. Et alibi.
Posuit pluuias eorum grandinem, siue ex hebræo, lapi- Psal. 104.
dem concretum, ignem comburentem in terra ipsorum.
 Denuo hæc grassata calamitas in incendio Vesu-
 uiano.

*Lippoman. in
vita S. Pau-
lini.*

*Ribadeneyra
in flore San-
ctorum par. 2.
in vita S. I-
gnatij.*

*Gursellin. in
vita Xauerij.*

*Phil. 1.1. de
vita Moysis.*

Sap. 17.

Sap. 16.

Sap. 17.

uiano. siquidem Deus tradidit grandini iumenta
nostra, & possessiones nostras igni. Namque exani-
mata iumenta, dum lapidatum de cælo: ac non
prædia modò, sed oppida etiam integra, vicique
exusti. Illud præterea in Aegypto igne prodigio-
sum, quòd neque tenebras pelleret, neque pellere-
tur ab aquis. Etenim, vt perpendit Philo, *ignis splē-
dor vincebatur à crassissimis tenebris*. Quod testatur
Salomon ijs verbis, *Ignis nulla vis poterat illis lu-
men præbere*. Hoc in incendio Vesuviano instau-
ratum vidimus, dum Mons flammæ, flammæ no-
ctem, ac tenebras funderent. Quòd si tunc, vt ani-
maduertit Sapiens, *in aqua supra virtutem, ignis
exardescibat*: hoc planè idem nunc, geminato por-
tento, contigit: dum & incendium inter aquas vi-
geret; & ignis imperio mare, flammæ vnda dece-
deret. Quamobrem ad terrores ceteros terræmo-
tus quoque crebri accedere; vt nos etiam, quem-
admodum olim Aegyptios, *descendens sonitus per-
turbaret*. Quem porro terræ fragor non exterreat:
dū modò frementi similis, modò mugienti repente
intumescit, assurgit, profilit, desidet, mox resultat
spiritu reciprocante? Quid, dum fatiscunt parie-
tes, crispât, concurrunt, vibrant, atq; aduerso motu
quodammodo inter se arietant? Quid, dum solum
huc illuc inclinât, decumbit, nutat, vndat, abscedit,
iam iam aut imposita supernè tecta, laxatis compa-
gibus, labefacturum; aut, quod non rarò contigit,
diducendum in hiatus, ac pæne Inferos nostris
aspectibus exhibiturum? Magna profectò sunt
isthæc diuinæ iræ argumenta: quam tamen quoti-
diè cumulat sceleribus prouocamus. Audiamus
quid

quid in euentu persimili dixerit sanctissimus vir Ephrem Syrus. qui *terra*, inquit, *tremiscens sub nostris pedibus commouetur; ut nobis metum incutiat: & ne sic quidem ob nostram duritiem formidamus. Urbes integræ absorptæ sunt; & loca ab ira Domini desolata: & neque sic trepidamus. Bella commota sunt, ut nos timentes Deum poenitentiam ageremus: & neque sic conuerti volumus.* Hæc ille. qui sermone etiam peculiari de *terramotu* multis probat hunc, seclusis naturalibus causis, sæpe à Deo ipso excitari siue ad cladem, siue ad terrorem. Id ethnici quoque cum animaduernerent, è terræmotibus calumniam Christianis cōstarunt: quorum culpa dicerent, terram concuti à neglectis, & iratis Dijs. Ita de terræmotu, qui sub Galieno contigit, testatur Origenes. eius causa sacra per totam urbem, totumq; Orbem terrarum ingētia celebrata, addit Capitolinus. Adeo insitum est vel imbutis falsa religione pectoribus, terra labante, ad cælum confugere. Quod si apud eosdem ethnicos, ut testis est Plinius, *parietes incendiorum deprecationibus conscribebantur*; mirum non est apud Christianos, ut refert è Cedreno Baronius, Iustiniano imperante, terræmotibus dirissimis percussa Antiochia, dum publica, priuataque ædificia iactarentur, ac passim assultantia tecta corruerent; a domorū fores ad sistendū, auertendumq; terræmotum, ita conscribi cœptas. *Christus nobiscum. state.* vrbe exinde indemni: cum tellus, quæ ad Christi vltoris imperiū desceuebat, ad eiusdem nomen, ac nutum cōquiesceret. Enimvero terræmotus non semel à Deo ipso immitti, è sacro codice compertum est. Terræmotu ad tu-

Ephrem Syrus l. 2. vitarum SS. PP. proem. apud Lippom. 10. 2.

Origen. contra Celsum.

Capitol. in Galieno.

Plin. l. 23. c. 2

Baron. 90. 7.

Paraphr. Chald. in 10. sue cap. 6.

Q ba-


*Salian. to-
mo 3. anno
2964. nu. 67.*

*Plin. lib. 2.
cap. 48.*

Matth. 24.

barum sonitum summisso, muri Hiericuntini con-
ciderunt. Terræmotu præferēte miraculum, vt Sa-
lianus animaduertit, exercitus Philistinus ad inter-
necionem deleretur. Terræmotus, Christo moriēte,
supra Naturæ leges exhibitus, duodecim, vt narrat
Plinius, vrbes in Asia proruit. quanquam tunc
quoq; dissiluerunt Montes; abruptisque in immen-
sum hiatibus, quot voragines, tot ora tellus ape-
ruit sui conditoris interitum conquestura. Postre-
mò, vt fileam de ceteris, terræmotus extremum
Orbis terrarum præcurret excidium. quod ipsemet
Christus præmonuit. *Erunt, inquit, terræmotus ma-
gni per loca.* siue Mundi iam consenescentis interi-
tum, vt solet in morbis accidere, agitatio, tremorq;
antecedat: siue eo motu incumbētia vndique
scelera tellus nitatur excutere, impar tanto pon-
deri moles. Denique, vt paucis cuncta conclu-
dam, terræmotibus his datæ tragœdiæ plauditur,
dandæ præluditur.

Ad Dei gloriam, ac Deiparæ.



INDEX

I N D E X

Rerum memorabilium.

A

Aetites lapis, *Aquila nido inadificatus, nihil igne de-*
perdit. pag. 92.

Aetna mons torrentes igneos emittit. p. 32. Empe-
doclem hiatu condidit. p. 64. Inferorum ostium à
multis existimatur. p. 49. claudendum extremo Mundi die.
Ibidem.

Aetnei incendi, quo mare ferbuit, mentio apud August. p. 32.

Aetnei incendi causa. p. 84.

Agatha Velo Catanenses Aetna igneos torrentes arcent. p. 36.

Alexandri ortus sub Diana Ephesina incendium p. 92.

Altitudo nubis cinerea primo die inhalata. p. 73.

Angeli tutelarum mira erga clientem providentia. p. 25.

Antonius Patavinus Vir Sanctissimus dux cuidam ad vi-
senda loca pœnarum. p. 54.

Aphrica cur terramotibus parum subiaceat. p. 105.

Aquarum inundatio una cum igne. p. 36. & deinceps.

Aqua Thaleti rerum principium. p. 89. Sponsis præfereba-
tur. Ibid.

Aqua & igni cur exilibus interdictum. Ibid.

Aquarum inundationes post terramotus. p. 88. 89. 108. 109.

Aqua puteales terramotus prænunciant. p. 109.

Aqua ignis accenditur. p. 31. 32. 83. 84.

Arborum ex incendio miracula. p. 73.

Arena pluvia p. 12. 33. 83.

Arena Vesuviana fertilitatem affert. p. 90.

Argentum pluvium inter cineres. p. 14. 86. Aurum itidem.
p. 86.

Asphaltites lacus bitumen emittens. p. 83.

Q

Apro;

Astrologi causas incendij ad siderum congressus referūt. p. 77.

Astrologi causas terramotus ad siderum congressus reuocant.

p. 97.

Astrologorum omina de ijs, quæ euentura sunt post incendium.

p. 91.

Astrorum aspectus sub incendium Vesuvianum. Ibid.

Astrum, quo bella afflantur, amor dominandi. p. 92.

Aurum cur Natura in fodinis absconderit. p. 99.

B

Berosi antiquitatum liber suspecta fidei. p. 70.

Bitumen ardet inter aquas. p. 31.

Bitumine saxa eliquantur, molliat lapidescunt. p. 74. 87.

Bitantium cinis Vesuvianus nube delatus. p. 10. 40. 64.

C

Cardinalis Archiepiscopi in communi periculo singularis pietas, & industria p. 40. 41. 45.

Ceraunia gemma enascitur ictu fulminis. p. 89.

Cestia mons flagrat in Media, Chimara in Lycia. p. 78.

Christi aduentus per terramotum significatus p. 110.

Christi natali die templum Romæ corruit. Ibid.

Christi nomen terramotus arcet. p. 113.

In Christi Passione cur terramotus. p. 114. Cur itidem in Resurrectione. p. 110.

Cinerea pluuix. p. 7. & deinceps.

Cinerei turbines. p. 29. & deinceps.

Cinere fecundari campos, qui autument. p. 90.

D

Dæmones visi dicuntur sub specie Aethiopum. p. 30.

Drheda velis per montem. p. 53. equisatu etiam cursitantes. Ibid.

Deo vindice immittuntur incendia. p. 48.

Deo vindice terramotus existunt. p. 113.

Dei maiestas fumo & terramotu adumbrata. p. 109. 110.

Deus igneus apud Platonicos. p. 89.

Dodoneus fons faces accendit. p. 31.

E

Eucharistia aspectus nubem cineream fugat. p. 13.

Filij

F

- F**lly insignis in parentem pietas. p. 27.
 Flumina quomodo gignantur in montibus. p. 108.
 Fluminum ortus post terramotus. p. 89. 109.
 Fons aqua & igni manans. p. 73.
 Fulmina quomodo creentur in nubibus. p. 80.

G

- G**Allia terramotibus parum obnoxia. p. 105.
 Gehennæ ostia montes igniuomi. p. 47.
 Gehenna supplicia cuidam intra Vesuuum ostensa. p. 54. &
 deinceps.
 Germania crebris terramotibus non subiacet. p. 105.
 Gigantes visi sub incendium. p. 53.
 Gigantum sedes, Vesuuus. p. 71. 97.
 Guaimarij, Salerni Principis, infelix mors. p. 51. 67.

H

- H**ecle & Helga flagrant in Islandia. p. 78. Apparent
 in Hecla mortuorum spiritus. p. 49.
 Herculani excidium. p. 20. & deinceps.
 Hispania terramotibus immunis. p. 105.

I

- I**Annarius incendium extinxit toti Europa formidandum. p. 10. 40. 64. eiusdem sanguis sponte colliquefactus sub incendium. p. 40. delatus ad aspectum montis nubem cineream fugat. p. 41. eiusdem patrocinio Vrbs Neapolis ab incendio indemonis. p. 39. 42. 43.
 Ignatij ad Deum conuersio terramotu nobilitata. p. 111.
 Ignis, rerum principium, sacer Persis, ac Lycijs. Praserebatur sponsis. Portendit imperia. p. 89. Belli prasagium. p. 91. Omen victoriae. p. 92.
 Igne solus homo vitur. p. 89. igne mortales cæperunt conuicere. Ibid.
 Igne Ceraunia gemma deferuntur. Ibid.
 Igne à Deo lata est lex. Ibid.
 Ignea natura Deus Platoni. Ibid.
 Ignis subterranei. p. 76. ignis ardens inter aquas. p. 31. 32. 33. 84. pluuijs inardescens, sæno vel cæno extinguitur. Ibid.
 Ignis

Ignis fugientes sequens. p. 28. in Naphtham transfiliens. p. 83.

Ignis non praebebat lucem Aegyptijs. p. 112.

Ignis nihil deperdit Aetites. p. 92.

Incendij cum terramotu cognatio. p. 85. 103. 104.

Incendium Alexandro portendit imperium. p. 92.

Incendij auerendi causa parietes conscribebantur. p. 113.

S. Ioseph commendatum sibi puerulum, ex incendio admirabiliter eripit. p. 22.

Ioannis, Neapolitana Urbis Ducis mors miserabilis. p. 51. 66.

Italia crebris terramotibus cur subiaceat. p. 105.

L

L *Apidum pluuia p. 14. & deinceps.*

Lapis specularis pluuus. p. 86.

Lapidescentia ex bitumine. p. 74. 87.

Lapidescentia in flumine Silari. p. 74.

Linum in stagno Samosata ardens. p. 31.

M

M *Are sub incendium destituit littora. p. 32. 33.*

S. Mariae imago ab igne propugnaculum. p. 24. templa inter flammam indemia. p. 23. 24. patrociniur Pompeianis salutem peperit. p. 23.

Martyrum sanguine Gehenna ignes sopiuntur. p. 42.

Montes perpetuo flagrant. p. 78.

N

N *Aphtha ignem trahit. p. 83.*

S. Nicolai liquor nubem cinerem disijcit. p. 12.

Neapolis situs & descriptio. p. 58. Cur damni parum accipiat à terramotibus. p. 106.

O

O *Lympus mons ardet in Aethiopia. p. 78.*

P

P *Andulphi, Capuae Principis, miseranda mors. p. 50. 66. 68.*

Piscium pluuia. p. 86.

Plinij mors ex incendio. p. 64. 70.

Pompeiorum excidium. p. 21. 23.

Prorogis in praesenti clade prouidentia, & religio. p. 45. 46.

Sonus

S

Sonus Vesunij auditus ultra Adriaticum. p. 15. & deinc.
 Supplicationes per Urbem. p. 44.

T

Terramotus crebri sub initium incendiij. p. 4. Unde ortum
 duxerint. p. 7. 85. cur postea instaurati. p. 105. & deinc.

Terramotuum causa. p. 7. 81. 85. 96. & deinc. Signa. p. 110.

& deinc. effugia. p. 5. 6. 113. Qua loca ijs obnoxia. p. 106.

Qua tempora. p. 101. 104.

Torrens igneus è Vesuvio. p. 18. ex Aetna. p. 36.

Tonitrus quomodo edantur è nubibus. p. 80.

V

Vacuum admirabili aquarum attractione vitatum. p. 33.

Vesuvij nomen. p. 71. 72. situs. p. 56. & deinc. Vbertas.

p. 60. 75. amœnitas. p. 62. Vina. p. 60. 83. incendia ante

Christum. p. 69. & deinc. Incendia post Christum. p. 63. &

deinc. Incendiij postremi cum ceteris collatio. p. 73. & deinc.

Incendiorum causa. p. 77. & deinceps.

Z

Zoroaster igne absumptus. p. 89.

F I N I S.

Errata

Errata.

Corrige.

Pagina 3. versu 26.	repetit.	reperit.
pag. 4. ver. 10.	spatio.	spatio.
pag. 7. ver. 1.	perpetuū.	perpetua.
pag. 11. ver. 12.	Orbam.	Orbem.
pag. 18. ver. 14.	custobus.	custodibus.
pag. 19. ver. 10.	fugerent.	peterent.
pag. 23. ver. 18.	manferant.	manferant.
pag. 24. ver. 12.	intenterat.	intenteret.
pag. 25. ver. 4.	xistis.	xytis.
pag. 29. ver. 30.	minatabantur.	minitabantur.
pag. 40. ver. 10.	Ianuaris.	Ianuario.
pag. 46. ver. 16.	vastauerat.	vastauerat.
pag. 46. ver. 29.	egenti.	egeni.
pag. 58. ver. 9.	cincta, si fas.	cincta, & si fas.
pag. 64. ver. 7.	Basum.	Basum.
pag. 70. ver. 18.	quadrigesimo.	quadagesimo.
pag. 72. ver. 7.	Boethius.	Boetius.
pag. 74. ver. 10.	obdurauerant.	obduruerant.
pag. 74. ver. 22.	Silaci.	Silari.
pag. 74. ver. 20.	Niobem Gorgoneo.	Niobem velut Gorgoneo.
pag. 86. ver. 6.	ciuerum.	cinerum.
pag. 97. ver. 14.	continentur.	continenter.
pag. 100. ver. 9.	terram.	terra.